

# Mary Carpenter Series.

মেরী কার্পেন্টারের গ্রন্থাবলী ।

মেজ বউ

নবম সংস্করণ

*Published by Gurudas Chatterjee*

*Bengal Medical Library*

*201, Cornwallis Street,*

***CALCUTTA.***

**PRINTED AT THE FINE ART PRINTING SYNDICATE.**

**BY**

**JAGABANDHU DASS GHOSE.**

**147, BARANABEE GHOSE'S STREET, CALCUTTA.**

# মেজ বউ ।

উপন্যাস

শ্রীশিবনাথ শাস্ত্রী-বিরচিত


**Fine Art Printing Syndicate,**

*CALCUTTA.*

**1903.**

মূল্য ১০/০ আনা মাত্র ।





## মেজ বউ ।

### প্রথম পরিচ্ছেদ ।

বৈশাখের অর্ধেক অতীত-প্রায়, প্রবোধচন্দ্র গ্রীষ্মাবকাশে বাড়ীতে আসিয়া-  
ছেন। প্রবোধচন্দ্র কে? নিশ্চিতপুরের মধুসূদন চট্টোপাধ্যায় মহা-  
শয়ের দ্বিতীয় পুত্র। নিশ্চিতপুর কোথায়? কলিকাতার অল্পদূর বিখ-  
ক্ৰোশ উত্তরে নদীয় জেলার অন্তর্গত একখানি গ্রাম। মধুসূদন চট্টো-  
পাধ্যায় কে? ইনি একজন অতি নিষ্ঠাবান্ ব্রাহ্মণ গৃহস্থ; ব্রাহ্মণ-পণ্ডিতী-  
ব্যবসায়ী। আজ কালকার দিন, পাছে চট্টোপাধ্যায় মহাশয়ের কিঞ্চিৎ  
অপোরব করা হয়, এই ভয়ে আরও একটু বলিতে হইতেছে। একবার  
পল্লীগ্রাম হইতে নবাগত একটা সরলমতি ব্রাহ্মণের সহিত কলিকাতার  
একটা নব্য ইয়ার-সম্প্রদায়-ভুক্ত যুবকের স্বাক্ষপথে কিঞ্চিৎ কথোপকথন  
হইয়াছিল। ব্রাহ্মণটি চিত্তের সরলতা ও সজ্ঞাতার স্বীকৃতি বিষয়ে অস-  
ভিজ্ঞতা বশতঃ যুবকটিকে অনেক অস্বাভাবিক কথা বিজ্ঞাসা করিয়া-

ছিলেন। “বাপু তোমার নাম কি? পিতার নাম কি? কোন গাঁই? কাহার সন্তান? বিবাহ হইয়াছে কি না? কি কর?” ইত্যাদি ইত্যাদি। এত অন্তরঙ্গ প্রশ্ন যুবকটী পছন্দ করে না; মনে মনে কিছু চাটয়াছিল। তাহার সময় যখন আসিল, সে জিজ্ঞাসা করিল—“মহাশয়ের কি করা হয়?” ব্রাহ্মণ উত্তর করিলেন—“ব্রাহ্মণ-পণ্ডিত-ব্যবসায়।” “টাকায় কয়টী ব্রাহ্মণ পণ্ডিত বিক্রয় করেন?” সরলমতি ব্রাহ্মণ কৌতুক বুদ্ধিতে না পারিয়া বলিলেন, “তুমি কোথাকার অর্কাটীন?” ব্রাহ্মণ-পণ্ডিত-ব্যবসায় বলিলে, কি ব্রাহ্মণপণ্ডিত বিক্রয় করা বুঝায়? যুবক উত্তর করিল, “আজ্ঞে ব্যবসায় বলিলেই ত ক্রয় বিক্রয় বুঝাইয়া থাকে।” অবশ্য আমাদের পাঠক পাঠিকাকে এ কথা বলিয়া দিতে হইবে না যে, চট্টোপাধ্যায় মহাশয়ের ব্যবসায় এ প্রকার ব্যবসায় ছিল না। কিম্বা বর্তমান সময়ে অনেক বিদ্যাশূণ্য ভট্টাচার্যের ব্রাহ্মণ-পণ্ডিতী-ব্যবসায়ের অর্থ যেমন ভিক্ষাবৃত্তি, ধনীরা উপাসনা শ্রুতি বুঝায়, তাহাও ছিল না। চট্টোপাধ্যায় মহাশয়ের বস্তুতঃ সংস্কৃতে কিঞ্চিৎ জ্ঞান ছিল; কিছু দিন নবদ্বীপে বাস করিয়া, পাঠ সমাধা করিয়া ঞায়চুঞ্চু উপাধি পাইয়াছিলেন। এবং প্রথম প্রথম কয়েক বৎসর টোল চতুষ্পাটী করিয়া, ছাত্র রাখিয়া পড়াইয়াছিলেন। কিন্তু যে সময়ের কথা বলা যাইতেছে, সে সময় সে টোল চতুষ্পাটী ছিল না। তথাপি অধ্যাপক-বিদায় রূপে তাঁহার যথেষ্ট আয় ছিল। তদ্বিন্ন বিষয়ী লোকদিগের গৃহে মধ্যো মধ্যো পুরাণ পাঠ ও ব্যাখ্যা করিয়া কিছু কিছু উপার্জন করিয়া থাকেন। ব্রাহ্মণের চারি পুত্র ও দুই কন্যা। প্রথম পুত্রের নাম হরিশচন্দ্র, দ্বিতীয় প্রবোধচন্দ্র, তৃতীয় পরেশচন্দ্র, চতুর্থ প্রকাশচন্দ্র, কন্যা দুইটির নাম শ্যামা ও বামা। হরিশচন্দ্র প্রাচীন প্রথামুসারে কিয়ৎকাল পিতার টোলে কাফরন পড়িয়াছিলেন, কিন্তু কুম্ভে পড়িয়া পাঠ অভ্যাস অপেক্ষা

আমোদ প্রমোদে অধিক রত হন। এক্ষণে তিনি গ্রামের জমীদার মহাশয়দিগের কাছারির খাতা-পত্রের কাজ করিয়া থাকেন এবং বেতন ও উপরি প্রভৃতিতে দুই দশ টাকা উপার্জন করেন। চট্টোপাধ্যায় মহাশয় বুদ্ধিমান লোক, তিনি বুঝিয়াছিলেন যে, যে দিনকাল আসিতেছে, তাহাতে ব্রাহ্মণ-পণ্ডিতী-ব্যবসায়ের আর দিন চলিবে না; ছেলেদিগকে ইংরাজী না শিখাইলে উপায় নাই। এই জন্য তিনি মধ্যম পুত্র প্রবোধচন্দ্রকে বাল্যকাল হইতেই গ্রামের ইংরাজী স্কুলে দিয়াছিলেন; তিনি তথা হইতে এন্ট্রান্স পরীক্ষায় উত্তীর্ণ হইয়া, বৃত্তি পাইয়া কলিকাতায় গিয়া পাঠ করিতেছেন। এ বৎসর তাঁহার বিএ পরীক্ষার বৎসর। তৃতীয় পুত্র পরেশচন্দ্র তিনবার এন্ট্রান্স পরীক্ষায় অকৃতকার্য হইয়া পড়া সাঙ্গ করিয়াছেন। মধ্যে মধ্যে কর্তার প্ররোচনায় ও প্রবোধের তিরস্কারে কন্ম দেখিবার উদ্দেশে কলিকাতায় যান; কিন্তু দুই চারি দিন থাকিয়া ঘরে পলাইয়া আসেন। পরেশ যে কেন কলিকাতায় তিষ্ঠিতে পারে না, কিরূপে বলিব? সে বলিত কলিকাতার রান্না তার ভাল লাগে না; কিন্তু বোধ হয়, সেটা প্রকৃত কথা নহে। গ্রামে তাহার সমবয়স্ক কতকগুলি অলস ও আমোদ-প্রিয় বালক আছে, তাস, পাশা, গান, বাজনাতে তাহার দিন কাটায়, পরেশ তাহাদের সঙ্গী। তাহার পত্র লিখিলেই পলাইয়া আসে। সে যাহাই হউক পরেশের কিছু করিবার গা নাই। কনিষ্ঠ পুত্র প্রকাশচন্দ্র কলিকাতার কোন স্কুলের দ্বিতীয় শ্রেণীতে অধ্যয়ন করেন। মধ্যম সহোদরের আশীর্ব্বাদে কনিষ্ঠের পাঠ উত্তমরূপেই চলিতেছে, তাহার বিষয় আর অধিক বলিতে হইবে না। পাঠক মহাশয় মনোযোগ সহকারে এই পুস্তক পাঠ করিলে বধুগুলির পরিচয় ক্রমেই প্রাপ্ত হইবেন। কর্তা ঠাকুরাণী এবং শ্রামা ও বামার পরিচয় ভবিষ্যতে পাইবেন। শ্রামা জ্যেষ্ঠা কন্যা, বয়সক্রম ১৭ কি ১৮

বৎসর, কুলীনের ঘরে পড়িয়াছিল ; সুতরাং তাহার আর স্বপ্নরঘর করিতে যাইতে হয় নাই, সে পিত্রালয়েই বাস করে। চাটুর্ঘ্য মহাশয়ের পরিবার মধ্যে আর কতকগুলি ব্যক্তি আছেন, তাঁহারা এক্ষণে গণনার মধ্যে আসিলেন না ; অথবা সংক্ষেপে উল্লেখ করাই ভাল। হিচক্কে দুই কন্যা ক্ষেমি ও পুঁটি ও এক পুত্র শ্রীমান্ গোপালচন্দ্র। পুত্রের একটি কন্যা, নাম নাই ; পিতামহী আদর করিয়া অনেক নাম দিয়া থাকেন, টেঁপি, গণেশ, ভুঁদড়ি ইত্যাদি ইত্যাদি। পরিবারের অপর ব্যক্তির মধ্যে দুই গাভী, এক নারায়ণ শিলা, এক খেত পাথরের শিব ও বামার প্রতিপালিত ফুলী বিড়াল। কেহ যদি বলেন এ কিরূপ হইল ? এগুলি কি আবার পরিবারের মধ্যে গণনীয় ? তদুত্তরে বলব্য অল্প গুলিকে ছাড়িয়া দিলেও বিড়ালটী যে, এই পরিবারের একটী বিশেষ ব্যক্তি তাহা সাহস করিয়া বলিতে পারি। কারণ সে গৃহে তাহার যত আদর এত কাহারও নাই। তাহার জন্ত মাছ বরাদ্দ আছে ; সে রাত্রিকালে বামার শয্যায় তাহার কণ্ঠালিঙ্গন করিয়া শয়ন করে ; বধূরা দুই জনে গল্প করিতে বসিলেই সে কাহারও না কাহারও ক্রোড়ে উঠিয়া নিদ্রাস্থ ভোগ করিতে থাকে ; বামা তাহার দন্তপাটী-বিকশিত মুখে কতই চুষন করে, কখন কখনও তাহার গুম্ফশোভিত মুখ নিজের মুখের মধ্যে লয় এবং বাড়ীতে কেহ বেড়াইতে আসিলেই সর্বাগ্রে ফুলীর পরিচয় করিয়া দেয়। দোষের মধ্যে ফুলী মধ্যে মধ্যে উনান-কাধায় শয়ন করিয়া নিদ্রা যাইতে ভালবাসে এবং ধূলা মাথিয়া বামার নিকট অনেক নিগ্রহ সহ করে। গৃহিণী বিড়াল দেখিতে পারেন না, সর্বদাই বলেন, “মলো রে, বিড়ালটা লইয়া কি করে দেখ।” কিন্তু কন্যা ও বধুদিগকে পারিয়া উঠেন না, কাজেই সহ করেন। কেবল কন্যা ও বধুগুলি কেন, কর্তারও ফুলীর প্রতি বিশেষ কৃপা।



আহারের সময় সে পাতের নিকটে না আসিলে তাঁহার ভাল লাগে না ।

যে যাহা হউক, বৈশাখের অর্ধেক অতীত-প্রায়, প্রবোধচন্দ্র গ্রীষ্মাবকাশে অস্থ ঘরে আসিয়াছেন । বাড়ীতে পৌঁছিতে প্রায় ৩টা বাজিয়া যায় ; স্নান আহার করিতে দিবা অবসান হয় । সন্ধ্যার সময় তিনি পল্লীস্থ বন্ধুবান্ধবের সহিত দেখা শুনা করিয়া রাত্রি চারি ছয় দণ্ড হইলে ঘরে ফিরিয়াছেন । প্রমদাও এদিকে সত্বর সত্বর সংসারের কাজ সারিতেছেন । অস্থ বেলা ৩টার সময় হইতে তাঁহার এক প্রকার নব ভাবের আবির্ভাব হইয়াছে । চতুরা যুবতী বহু সতর্কতা দ্বারাও হৃদয় আবরণ করিতে পারিতেছে না, চরণের গতি, মুখের প্রফুল্ল প্রকৃতিত কান্তি, অধরের সন্মিত ভাব ও কথার মিষ্টতা সমুদয় যেন তাঁহার হৃদয়ের লুকান কথা প্রকাশ করিয়া দিতেছে ; স্বপ্নাঙ্কুরাণী এত উল্লাস ভাল বাসিতেছেন না ; মৌনী আছেন ।

কিন্তু প্রবোধচন্দ্র অনেকক্ষণ অপেক্ষা করিলেন ; তথাপি প্রমদার দর্শন নাই ! তিনি ঘরের মধ্যে প্রমদার চেয়ারখানির উপর বসিয়া এটা ওটা নাড়িতেছেন ; কলমটা পেনসিলটা একবার তুলিয়া লইতেছেন, আবার যেমন সজ্জিত ছিল, তেমনি করিয়া রাখিতেছেন, প্রমদার খাতা-গুলি টানিয়া পাতা উন্টাইতেছেন এবং হয় ত কোন অর্কলিখিত চিঠির তিন পংক্তি কিম্বা কোন অর্করচিত কবিতার চারি পংক্তি পাঠ করিয়া আপনার মনে হাশ্ব করিতেছেন । ব্রাহ্মণ-পণ্ডিতের পুত্র বধু তাঁহার ঘরে টেবিল চেয়ার, এ কিরূপ ? ইহা ইংরাজী সভ্যতার বস্তুর জল দূর গ্রামে ব্রাহ্মণ-পণ্ডিতের বাড়ীতেও গিয়া প্রবেশ করিয়াছে ; অথবা প্রমদার পিতৃগৃহে এ সকলের অভ্যাস থাকাতে এখানেও অল্পে অল্পে প্রবেশ করিয়াছে । সে যেক্ষণই হউক, প্রমদার তিনটা মহৎ দোষ

আছে ; সে দোষগুলির এখানেই উল্লেখ করা ভাল । প্রথম দোষ তিনি বড় পরিষ্কার । তাঁহার ঘরটী খড়ের ঘর, কিন্তু ভিতরটী এরূপ পরিপাটীরূপে সাজান যে, দেখিলে দেখিতে ইচ্ছা করে । প্রমদার কাপড়গুলি পরিষ্কার, বিছানার চাদর পরিষ্কার, মশারিটী পরিষ্কার, অন্যান্য বস্তু পরিষ্কার ; এই জন্তু কেহ কেহ তাঁহাকে “বাবু বউ” কেহ “বিবী বউ” কেহ “মেম সাহেব” প্রভৃতি নানা প্রকার ব্যঙ্গ করিয়া থাকেন । তাঁহার ঘরটী “মেজ বউএর ঘর” বলিয়া পাড়ায় প্রসিদ্ধ । অল্প পাড়ার গৃহিণীরা বেড়াইতে আসিলে সর্ব্বাগ্রে “কই, তোমাদের মেজ বউএর ঘর দেখি” বলিয়া দেখিতে যান ; পাড়ার বউএরা “বাপ রে মেজ বউএর ঘর নোংরা করিস্ নি” বলিয়া শিশুদিগকে নিবারণ করেন । প্রমদার দ্বিতীয় দোষ, তিনি পড়া শুনা করিতে বড় ভালবাসেন । পিতৃশ্রমলয়ে বিবাহের পূর্বেই তিনি বেশ বাঙ্গালা শিখিয়াছিলেন, বিবাহের পর ১০।১২ বৎসর প্রবোধচন্দ্রের সাহায্যে আরও অনেক উন্নতি করিয়াছেন । সর্ব্ববিধ গৃহকার্য্যে তিনি সুদক্ষ এবং সর্ব্বদা ব্যস্ত, তথাপি দিবার মধ্যভাগে ও রাত্রিকালে যে কিছু অবসর পান, তাহা জ্ঞানালোচনাতে যাপন করেন । তাঁহার তৃতীয় দোষ এই যে, তাঁহার পিতা ৪০০ শত টাকা বেতনের একটা চাকরি করেন । অবোধ পাঠিকা হয় ত জিজ্ঞাসা করিবেন, ইহাতে তাঁহার দোষ কি ? দোষ আছে বই কি ? নতুবা খুশীকুরাণী এই কারণে তাঁহার প্রতি এত বিরক্ত হইবেন কেন ? এই জন্তু তাঁহাকে “রাজার মেয়ে” “নবাবের ঝি” “বড় মানুষের মেয়ে” প্রভৃতি নানা প্রকার বাক্যে লাঞ্ছনা দিবেন কেন ? অতএব ইহাও তাঁহার একটা দোষ । এই তিনটা দোষ ভিন্ন তাঁহার কোন প্রকার দোষ দেখা যায় না । এদিকে প্রবোধচন্দ্র আর অপেক্ষা করিতে পারিতেছেন না । এক একবার সতৃষ্ণ-নয়নে রঞ্জন-

শালার দিকে দৃষ্টি নিক্ষেপ করিতেছেন, যদি প্রমদার প্রফুল্ল নেত্র তাঁহার নেত্রগোচর হয়; এক একবার মন উৎসুক হইয়া প্রমদাকে ধরিয়া আনিতে চাহিতেছে। মনটা যেন বলিতেছে, কি অবিচার! স্ত্রীলোক এমন নির্বোধও হয়। বুঝিতেছেন না যে, সে বিলম্ব নির্বুদ্ধিতা নিবন্ধন নহে বরং বুদ্ধির আতিশয্য নিবন্ধন, তাহা চিত্তের আগ্রহাতিশয্য গোপনের ছল মাত্র।

ওদিকে প্রমদা জ্যেষ্ঠা বধু হরসুন্দরীকে আহ্বারের জন্ত সাধাসাধি করিতেছেন; এবং ছরস্তু শিশু গোপালকে দুগ্ধ পান করাইবার জন্ত নানা প্রকারে ভুলাইতেছেন। কতী ঠাকুরাণী হরসুন্দরীকে দেখিতে পারেন না। অল্প সন্ধ্যার সময় সামান্য কারণে তাঁহাকে কতকগুলি অভদ্রোচিত কটুক্তি করিয়াছেন, তাই হরসুন্দরী ধরাশয্যায় অঙ্গ ঢালিয়া মানিনী হইয়া আছেন। প্রমদা সাধাসাধি করিতেছেন এবং কতী ঠাকুরাণী কতক্ষণ ঘরের মধ্যে যান, তাহার প্রতীক্ষা করিতেছেন; তাঁহার সম্মুখ দিয়া স্বামীর নিকটে যাইতে সাহস হয় না। যেই কতী ঘরের ভিতর একটা পা দিয়াছেন, অমনি প্রমদা একটা প্রদীপ লইয়া অর্দ্ধাব-গুণ্ঠনে মুখচন্দ্র অর্দ্ধাবৃত করিয়া শয়নগৃহাভিমুখে ধাবমানা। গৃহের দ্বারে উপস্থিত হইয়াই অবগুণ্ঠন উত্তোলন পূর্বক প্রীতি-বিকসিত বিশাল নয়নে প্রবোধচন্দ্রের দিকে চাহিলেন; দুই জনের চক্ষে চক্ষে মিলিল এবং এক সময়েই দুই মুখে হাস্য ধরিল না। ইহা কিরূপ অভ্যর্থনা! আসিতে আজ্ঞা হউক, বসিতে আজ্ঞা হউক, ইত্যাদি সম্মানসূচক পদাবলী ইহার মধ্যে নাই, কিন্তু সেই হাস্যরাশি যে গভীর ভাব-রাশির উচ্ছ্বসিত তরঙ্গ মাত্র, তাহার মূল্য কে নির্ণয় করিতে পারে!

প্রবোধচন্দ্র প্রমদাকে নিজ পার্শ্বস্থ আসনে বসাইয়া বলিলেন, “আজ আম এমেছি বলেই বুঝি ঘরে আসতে বিলম্ব হচ্ছিল?”

প্রমদা । যে তোমার মা, ওঁর সুমুখ দিয়ে কি আসতে পারা যাক ?

প্রবোধ । কেন, মা কি তোমায় খেয়ে ফেলতেন ?

প্রমদা । কেবল তা নয়, দিদি আজ রাগ করে কিছু খান নাই,  
তাঁকে খাওয়াবার চেষ্টাও করছিলাম ।

প্রবোধ । খান নাই কেন ?

প্রমদা । ঠাকুরগ কতকগুলো গালাগালি দিয়েছেন ।

প্রবোধ । ছিঃ, আমার মাকে আর বুকিয়ে পারা গেল না । যেমন  
মা তেমনি বড় বউ ।

প্রমদা । তোমার আজ বড় ক্রেশ হয়েছে না ?

প্রবোধ । যে কিছু ক্রেশ হয়েছিল, তোমার মুখ দেখে সব গেল ।

প্রমদা । তুমি এবারে বড় রোগা হয়েছ ?

প্রবোধ । পরীক্ষা আসছে কি না, এখন হতে পরিশ্রম করতে হচ্ছে,  
তুমিও রোগা হয়েছ ।

প্রমদা । তুমি ত আমাকে রোগাই দেখ । ভাল, বাড়ীর কথা দুই  
একটা জিজ্ঞাসা করি । আমার দাদার সঙ্গে কি দেখা হয়েছে ?

প্রবোধ । আসবার দুই দিন পূর্বে হয়েছে ; তোমার বাটার সকলে  
ভাল আছেন ।

প্রমদা । অনেক দিন বাটার চিঠি পত্র পান নাই ।

ইত্যবসরে গোপালের ক্রন্দন-ধ্বনি কর্ণগোচর হইল । প্রমদা তাহাকে  
ঘুম পাড়াইয়া আসিয়াছিলেন, আবার হঠাৎ জাগিয়াছে । হরসুন্দরী মান  
করিয়াছেন, সুতরাং তাঁহাকে ডাকিলেও কথা কহেন নাই, অবশেষে  
গোপাল কাঁদিতে কাঁদিতে গৃহের বাহিরে আসিয়াছে ।

প্রবোধ । গোপাল কাঁদছে বুকি ?

প্রমদা । হাঁ, এই যে ঘুম পাড়লে এলাম ।

• প্রবোধ । চল ছুজনে যাই, বউএর শরীর ভাল নয়, অনাহারে থাকা কর্তব্য নয় ।


উভয়ে হরিশ্চন্দ্রের ঘরে উপস্থিত হইলেন । হরিশ তখনও ঘরে ফিরেন নাই । প্রমদা গোপালকে কোলে করিয়া মুখচুষন পূর্বক অনেক মিষ্ট কথা বলিলেন । গোপাল মেজ কাকীর বক্ষঃস্থলে আবার মস্তক রাখিয়া নিদ্রিত হইল । প্রমদা হরসুন্দরীর মস্তকের কাপড় টানিয়া বলিলেন, “দিদি দেখ ! কে এসেছেন দেখ !”

হরসুন্দরী প্রবোধচন্দ্রের মুখের দিকে একবার চাহিয়া আবার মুখ আবরণ করিলেন । মানিনী কি-না !

প্রবোধ “সেকি বউ দিদি ! এই আমাকে এত ভালবাস, এত দিনের পর এলাম, একটা কথাও কইলে না ।” বলিয়া মুখের আবরণ খুলিয়া দিলেন । মুখের আবরণ উদ্ঘাটিত হইল, কিন্তু হরসুন্দরী চক্ষু মুদ্রিয়া রহিলেন, যেন নূতন বউয়ের মুখ দেখাইতেছেন । দেখিয়া প্রমদা এবং প্রবোধচন্দ্র উভয়েরই হৃদয়ের উদয় হইল । অবশেষে প্রমদা হরসুন্দরীর বাহু ধরিয়া বার কত “ওঠ ওঠ” করাতে হরসুন্দরী ধূলি-ধূসরিত অঙ্গযষ্টি ছুলিলেন । ইতিপূর্বেই মান এবং ক্ষুধা দেবীর মধ্যে ঘোর বিবাদ বাঁধিয়া-ছিল, স্ত্যগাং অধিক অনুরোধ করিতে হইল না । অঙ্গযষ্টি ক্রমে তাঁহাদের সঙ্গে রক্ষনশালার দিকে চলিল ; ক্রমে অন্ন-ব্যঞ্জনের কাছে বসিল ; এবং ক্রমে দক্ষিণ-হস্তকে স্বকার্য্যে রত হইতে আদেশ করিল । আহার করিতে করিতে দেবরের সহিত অনেক বাক্যালাপ হইতে লাগিল । নিজ স্বামীর ও স্বশ্রম গুণের পরিচয় দিয়া অবশেষে দেবরের প্রশংসা হইতে লাগিল । কিরূপে বিবাহের সময় আসিয়া তাঁহাকে ৭৮ বৎসরের বালক দেখিয়াছিলেন, কিরূপে তিনি ‘বৌদিদি খাবার দাও’ বলিয়া সঙ্গে সঙ্গে বেড়াইতেন, কিরূপে তিনি উপকথা শুনিবার জন্য বৌদিদির

ঘরে অর্ধেক রাত্রি থাকিতেন, কথা শুনিতে শুনিতে; ঘুমাইয়া পড়িতেন, এই সকল পুরাতন কাহিনী বলা হইল। আহারাশ্তে মান পরিহার করিয়া হরসুন্দরী স্বীয় গৃহে গমন করিলেন, আমাদের যুবকদম্পতীও শয়নাগারে গেলেন ।





## দ্বিতীয় পরিচ্ছেদ ।

বেলা তৃতীয় প্রহর গড়াইয়া গিয়াছে । আহাৰান্তে কত্ৰী ঠাকুরাণী বিলক্ষণ এক ঘুম ঘুমাইয়া উঠিয়া শামাকে জাগাইতেছেন । এদিকে প্রমদার ঘরে পাড়ার বধুদিগের তাসের খেলা বসিয়াছিল । প্রমদা তাস, দশপাঁচিশ, অষ্টকণ্ঠে প্রভৃতি স্ত্রীজন-সুলভ কোন খেলাই জানেন না । কিন্তু তাঁহার ঘরেই প্রায় বধুদিগের খেলা বসিয়া থাকে ; তিনি সেই সময়ে পড়েন কিম্বা চিঠিপত্র লেখেন এবং মধ্যে মধ্যে এক আধটা পরিহাসের কথা বলেন । গৃহিণীর কর্ণস্বর শুনিবামাত্র তাসগুলি বিছানার তলে গেল ২ বউগুলি স্ব স্ব গৃহে গেল ; বামা প্রমদার নিকট চুল বাঁধিতে বসিল সেজ্জ্বল একটা জলের কলস কাকে করিয়া বাহির হইলেন ; ছোট বউ একগাছি ঝাঁটা হস্তে করিয়া গৃহিণীর গৃহের দিকে অগ্রসর হইলেন এবং বড় বউ নিজ গৃহাভিমুখে যাত্রা করিলেন । পাড়ার অপরাপর বধুরা স্বীয় স্বীয় ভবনাভিমুখে প্রস্থান করিলেন ।

ইতিমধ্যে গোপালচন্দ্র কাঁদিতে কাঁদিতে বাড়ীর ভিতর আসিতেছেন । গোপালের বয়ঃক্রম চারি বৎসরের কিঞ্চিৎ ন্যূন, বর্ণটা শ্রামল, শরীরটা গোলগাল । তবে পেটটা কিঞ্চিৎ বড় । পেটের অপরাধ কি, গোপালের মুখটা সমস্ত দিনই চলিতেছে । বাঙ্গালিরা দিনে দুইবার খান, বাবুরা তিনবার খান, ইংরেজেরা চারিবার খান, কিন্তু গোপালচন্দ্র কতবার খান তাহা কে বলিবে ? শয্যা হইতে উঠিয়াই আহার, তৎপরে নড়িতে চড়িতে আহার—পিতার পাতে আহার, পিতামহের পাতে আহার, পিতামহীর পাতে আহার, কাকিদের পাতে আহার । ইহাতেও যদি গোপালের ভুঁড়ীটা বর্তুল না হইবে, তবে বর্তুলতা কিরূপে জন্মিতে পারে ? এছাড়া পিতামহী তাহাকে ননিগোপাল নাম দিয়াছেন । গোপালের কণ্ঠে পিতামহীর দত্ত ব্যাঘ্রনখ-বিশিষ্ট পদক, হস্তে মেজ কাকীর দত্ত বালা, কোমরে মাতামহের দত্ত নিমফল কোমরপাটা । ছেলেটা বড় শাস্ত; হস্তে হয় একখানি কাটারি, না হয় একগাছি ছড়ি সর্বদাই আছে এবং ঐ ছড়ি আবশ্যকমত ক্ষেমি, পুঁটি, মা, কাকী প্রভৃতির পৃষ্ঠে পড়িয়া থাকে । কিন্তু গোপালের প্রহার সকলেরই মিষ্ট লাগে । গোপাল একটা গালি শিখিয়াছেন এবং কোন কাজ মনের অনভিমত হইলেই “ছালা” বলিয়া থাকেন । কর্তা মহাশয় সর্বদা গোপালকে ঐ মিষ্ট সম্বোধনে ডাকিয়া গালিটা শিখাইয়াছেন । চট্টোপাধ্যায় মহাশয়ের নিন্দাটাই কেবল কেন করি ? তিনি যে কেবল গালি শিখাইয়াছেন তাহা নহে, মুখে মুখে তাহাকে অনেক কথা শিখাইয়াছেন । “তোমার নাম কি ? তোমার পিতার নাম কি, তোমার পিতামহের নাম কি, তোমরা কোন কুলে জন্মিয়াছ ? কতদিন ব্রাহ্মণকুলে আছ ?” ইত্যাদি অনেক প্রশ্নের উত্তর গোপাল আধ আধ ভাষায় দিতে পারে, এবং আধ আধ, ভালা ভালা রকমে চাণক্যের দুই একটা শ্লোকও বলিতে



পাড়র । গোপালের ত বেশ এই প্রকার—বস্ত্রের সঙ্গে কোন সম্পর্ক নাই । অতদিন সাধ করিয়া বস্ত্র পরাইয়া দিলে অর্দ্ধদণ্ড সহ করে না, আজি কিন্তু গোপালের কাপড় পরিবার সাধ হইয়াছে ; এবং আমি “আঙা কাপল পল্ বো” বলিয়া কাঁদিয়া বাড়ীর ভিতর আসিতেছে । ছড়ি গাছি কিন্তু ছাড়া হয় নাই । প্রমদা, বাবার চুল বাঁধিতে বাঁধিতে “গোপাল গোপাল” বলিয়া ডাকিলেন ; গোপাল শুনিতে পাইল না, একবারে গিয়া পিতামহীর অঞ্চল ধরিল । গৃহিণী গোপালকে ভাল বাসেন ; কিন্তু সে দিন তাহার পিতা মাতা উভয়ের প্রতি বিরক্ত ছিলেন, সুতরাং বলপূর্ব্বক গোপালের হাত ছাড়াইয়া ঠেলিয়া দিলেন ; বলিলেন, “কাপড় পরবি তো আমার কাছে মরতে এলি কেন ? তোর কে কোথায় আছে যা, তাদের কাছে গিয়ে বল ।” গোপাল আবার কাঁদিতে কাঁদিতে গিয়া মায়ের অঞ্চল ধরিল । হরসুন্দরীরও মন সে দিন উষ্ণ ছিল, তিনি গোপালের কোমল অঙ্গে মনের ঝাল ঝাড়িতে আরম্ভ করিলেন । গোপালের চীৎকারে প্রমদার মন আকৃষ্ট হইল ; তিনি দ্রুতপদে আসিয়া গোপালকে কোলে করিয়া লইলেন ; অঞ্চলে চক্ষের জল মুছাইয়া দিয়া মুখচুষন করিলেন । গোপাল যে এত প্রহার খাইয়াছে তথাপি সেই এক বুলি, “আমি আঙা কাপল পল্ বো” ।

প্রমদা । বাবা ছেলে, যাহু ছেলে, কেঁদ না, আমি তোমাকে রাঙা কাপড় দেব ।

গোপাল ক্ষুদ্র অঙ্গুলি দ্বারা বাহিরের দ্বার দেখাইয়া দিল ; প্রমদা বুঝিলেন যে, দ্বারে কাপড় বিক্রয় করিতে আসিয়াছে । তিনি গোপালকে ক্রোড়ে লইয়া বাহিরের দ্বারে গেলেন, দেখিলেন, সেখানে পাড়ার সকল মেয়ে একত্র হইয়াছেন । কেহ বা স্বীয় স্বীয় পুত্র কন্যাকে কাপড় কিনিয়া দিতেছেন ; কেহ বা দর করিতেছেন ; কেহ বা গোপনে পুত্রকন্যার কাণে কাণে কথা বলিয়া অন্যায় অহুরোধ করিতে নিষেধ করিতেছেন । প্রমদা দেখিলেন,

ক্ষেমি ও পুঁটি সেখানে চিত্রপুত্রলীর গায় দাঁড়াইয়া আছে । তাহারা মেজ কাকীকে পাইয়া তাঁহার অঞ্চল ধরিল । প্রমদা বাড়ীর মধ্যে ফিরিয়া আসিয়া বামার দ্বারা কত্রীকে জিজ্ঞাসা করিলেন যে, ছেলেরা কাঁদিতেছে, তাঁহার পিতা সেই দিন তাঁহার জন্ম কয়েক টাকা পাঠাইয়াছেন । তাহা হইতে তাহাদের কাপড় কিনিয়া দিবেন কি-না । কত্রী প্রথমে কথা कहিলেন না ; বামা বার বার জিজ্ঞাসা করাতে বলিলেন, “দেয়, দিক ।” তখন প্রমদা আবার দ্বারে আসিয়া গোপালকে একখানি রাঙ্গা কাপড় কিনিয়া দিলেন । যেই কাপড় পাওয়া অমনি মেজ কাকীর কোল হইতে নামা, আর গোপালকে রাখা ভার । নামিয়া, কাপড় পরিয়া, কাচা কোঁচা দিয়া নব-ব্রহ্মচারীর গায় পিতামহীর নিকট চলিল । প্রমদা, ক্ষেমি এবং পুঁটিকেও এক এক খান কাপড় লইতে বলিলেন । ছেলেরা এক একখানি কাপড় হস্তে বাড়ীর মধ্যে প্রবেশ করিল । প্রমদা বাক্স খুলিয়া ৫টা টাকা দোকান-দারকে দিলেন এবং গৃহ-কার্যে গমন করিলেন । “কত্রীঠাকুরাণী মনে মনে বড় পছন্দ করিলেন না ।

কর্ত্তামহাশয় সন্ধ্যার প্রাক্কালে গৃহে ফিরিবামাত্র, গোপাল কাপড়খানি পরিয়া ছুঁটিয়া তাঁহার নিকটে আসিল । কর্ত্তা শ্যালকের নববেশ দেখিয়া বিশেষ আনন্দ প্রকাশ করিতে লাগিলেন এবং জিজ্ঞাসা করিলেন, “কাপড় কে দিলে রে গোপাল ?” অমনি গোপাল হস্তের ছড়িগাছি উদ্ধ করিয়া “মেদ কাকী দিয়েতে, মেদ কাকী দিয়েতে” বলিয়া কর্ত্তাকে প্রদক্ষিণ পূর্বক নৃত্য আরম্ভ করিল । গোপালের আনন্দ দেখিয়া ক্ষেমি পুঁটি ও ছুঁটিয়া আসিল এবং “মেজ কাকী দিয়েছে, মেজ কাকী দিয়েছে” বলিয়া নৃত্য আরম্ভ করিল । কর্ত্তা মহাশয় পৌত্র ও পৌত্রীগণের মধ্যে দণ্ডায়মান হইয়া আহ্লাদে আটখানা হইতেছেন এবং বলিতেছেন, “এ যে পূজো বাড়ী দেখছি ।” এমন সময়ে গৃহিণী আসিলেন ; তিনি এতক্ষণ মৌনী ছিলেন ;

কিন্তু এ দৃশ্য আর তাঁহার সহ হইল না, তিনি কর্তার প্রতি বিকৃত মুখ-ভঙ্গী করিয়া বলিলেন, “মরণ আর কি ? কি রঙ্গই দেখছেন ?”

কর্তা । দেখ দেখি কত আনন্দ ! তোমার কি দেখে সুখ হচ্ছে না ?

কর্তা । তুমিই সুখ কর, আমি ঢের দেখেছি ।

কর্তা । কি বিপদ ! তোমার কাছে কি কিছুতেই নিস্তার নাই ; অপরাধটা হলো কি ?

কর্তা । মন্দ কি, আমি বড়মানুষি চঙ দেখতে পারি নে ।

কর্তা । বড়মানুষি চঙ কি দেখলে ?

কর্তা । তা বই কি, কেন না আমার বাপের টাকা আছে, সকলে দেখুক ।

কর্তা । কি বিপদ দোষটা কি হয়েছে ? তোমাদের হাতে টাকা ছিল না, ওঁর হাতে টাকা ছিল, কিনিয়া দিয়াছেন, কোথায় এতে আনন্দিত হয়ে প্রশংসা করবে, না আবার রাগ, তোমার মত নীচ অন্তঃকরণ আমি দেখি নাই ।

কর্তা । তুমি মিছে বকো না বলছি, হতো গরিবের ঝি, কেমন খোসা-মুদি করতে দেখতাম ।

কর্তা বিরক্ত হইয়া আর উত্তর করিলেন না ।





## তৃতীয় পরিচ্ছেদ ।

অন্য চাটুর্ঘ্যে মহাশয়ের একজন অতি নিকটস্থ জ্ঞাতির বাড়ী সপরিবারে নিমন্ত্রণ। প্রাতঃকাল হইতে বধুগণ মনে মনে নৃত্য করিতেছে ; বেলা চারিদণ্ড না হইতে হইতেই তাহারা গৃহের কাজ সারিয়া প্রস্তুত হইয়াছে। পূজার সময় চারি বউএর যে পোষাকি কাপড় হয়, সকলে তাহাই পারিয়াছেন। প্রমদার পিতৃদত্ত ভাল ভাল কাপড় আছে, কিন্তু তিনি একখানি সাদা মোটা কাপড় পরিয়া প্রস্তুত হইয়াছেন এবং বামাকে নিজ ঘরে লইয়া ভাল করিয়া চুল বাঁধিয়া একটা টিপ্ করিয়া নিজের বিবাহের সময় যে গহনা হইয়াছিল, তাহার দুই একখানি পরাইয়া দিতেছেন। ও দিকে কতী ঠাকুরাণী বার বার আহ্বান করিতেছেন। বামা অলঙ্কার পরিয়া বাহির হইল দেখিয়াই কতী চটয়া গেলেন। “মরু অভাগি ঘেন বিয়ের কনে সেজে বেরুলেন, যা ওগুলো খুলে আয়।” সে ছেলে মাছুষ, শুনবে কেন, খুলিতে গেল না। কতী ঠাকুরাণী চাকরকে গল্প সেবা করিতে ও ঘরবাড়ী দেখিতে আদেশ করিয়া নিমন্ত্রণভবনাভিমুখে

সকলকে যাত্রা করিলেন । সর্বাগ্রে গৃহিণী, তৎপরে শ্রামা, তাহার ক্রোড়ে পরেশের কন্যা, তৎপরে বড় বউ, তৎপরে বামা, তৎপরে প্রমদা এবং তাঁহার ক্রোড়ে গোপাল, সর্ষপশ্চাৎ মেজ ও ছোট বউ এবং ক্ষেমি পুঁটী । তাঁহারা এক একবার পিছাইয়া পড়িতেছে এবং এক একবার ছুটয়া ছুটয়া সঙ্গী হইতেছে । গোপাল মেজ কাকীর ক্রোড়ে আরোহণ করিয়া সেই ক্রোড় হইতেই ভগ্নীদয়ের সহিত ক্রীড়া করিতে করিতে চলিয়াছে । প্রমদা তাহাকে বুঝাইতে বুঝাইতে চলিয়াছেন, “বাবা ছেলে, পরের বাড়ী গিয়ে গোল করো না ; কেঁদ না, খাবার জন্ত হাঙ্গামা করো না ; লক্ষী ছেলের মত চুপ করিয়া বসে থেকে” ইত্যাদি । গোপালের কর্ণ সে দিকে নাই ; সে এক একবার ক্রোড় হইতে অবতরণ করিবার চেষ্টা করিতেছে ; প্রমদা বলপূর্বক বক্ষঃস্থলে চাপিয়া রাখিতেছেন ।

চট্টোপাধ্যায়-গৃহিণীর ক্ষুদ্র সৈন্তদলটি ক্রমে নিমন্ত্রণভবনে আসিয়া উপস্থিত হইল । নিমন্ত্রণকত্রী পরম সমাদরে সকলকে গ্রহণ করিলেন ; বউগুলির দাড়িতে হাত দিয়া “মা সকল এলে, বাঁচালে, এ তোমাদেরই ঘর বাড়ী ; করে নিয়ে খেতে হবে ! আমি মানুষের কাঙ্গালী, আমার বাড়ীতে এলে খাটতে হয়” প্রভৃতি কত মিষ্ট সম্বোধনে আপ্যায়িত করিলেন । তাঁহারা দুই গৃহিণীতে রন্ধনাদির পরামর্শ করিতে গেলেন, বধূগণ এ-ঘর ও-ঘর, রন্ধনশালা প্রভৃতি দেখিয়া বেড়াইতে লাগিলেন । বাস্তবিক নিমন্ত্রণকত্রীর লোকের অভাব, তাঁহার নিজের শরীর ভগ্ন, বধু দুইটীর একটী অসুস্থ । নিরামিষ পাক করিবার জন্ত পাড়ার দুই একজন বিধবা বৃদ্ধাকে আনাইয়াছেন, কিন্তু মৎস্য পাক করিবার লোকের এখনও যোগাড় হয় নাই । নিমন্ত্রণকত্রীর ইচ্ছা যে চট্টোপাধ্যায় মহাশয়ের পুত্রবধুরা সে বিষয়ে সাহায্য করেন । কিন্তু তাঁহাদের স্বশ্রম নিকট সে

প্রস্তাব ক্রান্তে তিনি একপ্রকার সে প্রস্তাব উড়াইয়া দিয়াছেন। “স্বপ্ন-বোন, বড় বউটার কথা ছাড়িয়া দাও, মেজবউ কাঁচাপেরাতি ছেলে কোলে, ছোট বউটা গবারাম, মেজবউ বড়মারুকের ঝি, সে কি যজ্ঞি স্বাধুতে পারবে” ইত্যাদি নানা ওজর আপত্তি তুলিয়া নিমন্ত্রণকর্ত্রীর প্রস্তাব কাটাইহেছেন ; তিনি মহা সম্বটে পড়িয়া ইতস্ততঃ ব্যস্ত হইয়া বেড়াইতেছেন। প্রমদা তাঁহার ব্যস্ততা দেখিয়া তাঁহার দ্বিতীয় বধুর দ্বারা নিজে নংসু রন্ধনের অভিপ্রায় জানাইলেন। গৃহিণীর ত আনন্দের মীমা পরিসীমা নাই। তৎক্ষণাৎ রন্ধনের আরোজগ করিয়া দিতে বসিলেন। প্রমদাও নিমন্ত্রণকর্ত্রীর দ্বিতীয়া বধু উভয়ে বন্ধপরিষ্কর হইয়া রন্ধনকার্যে ব্যাপ্ত হইলেন।

ক্রমে বেলা বাড়িতে লাগিল ; নিমন্ত্রিত ব্রাহ্মণে বাহির-বাড়ী এবং সমাগত মহিলাগণে অন্তঃপুরা পূর্ণ হইয়া গেল। নিমন্ত্রণ-কর্ত্রীকে রুগ্ন শরীর লইয়াও আজ ব্যস্ত থাকিতে হইয়াছে। তিনি সমবয়স্কাদিগকে “এস বোন, বসো বোন,” অল্পবয়স্ক বধুদিগকে দাড়িতে হাত দিয়া “এস না, বসো না, নোণার চাঁদ” প্রভৃতি নানা নিষ্ঠ ভাবার অভ্যর্থনা করিতেছেন ; এমন কি ক্ষুদ্র ক্ষুদ্র বালক বালিকাগুলির প্রতিও তাঁহার অনন্যোন্মোগ নাই ; এত ব্যস্ততার মধ্যেও বে দুগ্ধপোষ্য শিশু, তার দুগ্ধের ব্যবস্থা করিতেছেন ; যে নিদ্রালু তার মিজার সুব্যবস্থা করিয়া দিতেছেন এবং মধ্যে মধ্যে আপনার জ্যেষ্ঠা বধুকে নির্জনে ডাকিয়া বলিতেছেন, “দেখ না, আজ আনার লোকের অপ্রতুল নাই, তুমি বেশী ছুটোছুটি করো না, পিঁতি পড়িয়ে খেক না, কিছু খাও, খাইয়া ইহাদের কার কি চাই দেখ।”

ক্রমে বেলা দ্বিতীয় প্রহর অতীত-প্রায়, বাহির-বাড়ীতে ব্রাহ্মণদিগের পাত হইল, এবং লোকের ছুটাছুটি, দে রে নেরে, জল জল, লুন লুন,

শব্দ ও অন্ন ব্যঞ্জনের গভীরাতে বাড়ী কোলাহলময় হইয়া পড়িল। প্রমদা এতক্ষণ বসিয়া মৎস্য পাক করিতেছিলেন, এক্ষণে কোমর বাঁধিয়া অন্ন ব্যঞ্জন বাড়িয়া নোগাইতে আরম্ভ করিলেন। এক একজন বৃদ্ধা রমণী পাকশালার দিকে আগমন করেন এবং প্রমদার স্বেদকণাসিক্ত প্রফুল্ল মুখাবিন্দের দিকে দৃষ্টিপাত করিয়া, তাঁহার রূপগুণের প্রশংসা করেন, সকলেই বলেন, “যেন সাক্ষাৎ অন্নপূর্ণা।”

অন্নপূর্ণা ত এইরূপে অন্ন ব্যঞ্জন বণ্টন করিলেন। ক্রমে বাহিরে পুরুষদিগের আহার শেষ না হইতে হইতে অন্তঃপুরে রমণীদিগের আহারের আয়োজন হইল। নিমন্ত্রণকরী আসিরা প্রমদার হস্ত হইতে অন্নের খালা কাড়িয়া লইলেন এবং তাঁহাকে রমণীদের সঙ্গে বসিতে বলিলেন। প্রমদা কি করেন, অনিচ্ছা সত্ত্বেও রন্ধনশালা পরিত্যাগ করিতে বাধ্য হইলেন।


বানাকুল ভোজে প্রবৃত্ত হইলেন। কোন যুবতী বাস হস্তে বৃহৎ নস্তখানি ঈষৎ সরাইয়া একাণ্ড অন্নপিণ্ড কবলিত করিতেছেন; কেহ বা কোন পুরুষ দৈবাৎ পরিবেশন-স্থলে আসিবামাত্র অবগুষ্ঠনামৃত ও কেনাইয়ের স্থার গুটাইয়া বাইতেছেন; কেহ বা পীযুষপূরিত স্তন সন্তানের নখে দিতেছেন—মাতা ও পুত্রের এক সঙ্গে আহার চলিতেছে; কেহ বা মৎস্যের তরকারির গুণ ব্যাখ্যা করিতেছেন। এইরূপে রমণীগণ ভোজনকার্যে ব্যস্ত আছেন। আনাদের গোপাল ইভিনধ্যে জাগিয়াছেন। তিনি নিমন্ত্রণস্থলে উপস্থিত হইয়া নেজ কাকীর সহপদেশ লঙ্ঘন পূর্বক গৃহস্থের কুকুর ও বিড়ালের কর্ণ ও লাস্কুল প্রভৃতির ছয়বস্থা করিতে আরম্ভ করিয়াছেন। কুকুরটা তাঁহার আনার প্রাক্ষণের এ পাশ হইতে ও পাশে, ও পাশ হইতে এ পাশে এইরূপ করিয়া, অবশেষে বিরক্ত হইয়া অন্তঃপুর পরিত্যাগ করিয়াছে; বিড়ালও লাস্কুল বাঁচাইয়া

গোলার ভিতর গিয়া আশ্রয় লইয়াছে, শেষে গোপালের জননী অনেক কষ্টে তাকে ঘুম পাড়াইয়াছিলেন। সে এতক্ষণ নিদ্রার পর উঠিয়া রমণীদিগের আহার স্থানে আসিয়া উপস্থিত হইয়াছে এবং মেজ কাকীর বামজানুরূপসিংহাসন আক্রমণ পূর্বক যষ্টরূপ রাজদণ্ড হস্তে করিয়া বসিয়াছে। আহারের দিকে তাহার দৃষ্টি নাই; নিমন্ত্রণের গন্ধে যে দেশের বিড়াল উপস্থিত সে মধ্যে মধ্যে তাহাদের শাসনার্থ রাজদণ্ড লইয়া অগ্রসর হইতেছে। রাজভয়ে প্রজাগণ বামাকুলের পাতের মূড়াগুলি চুরি করিতে সাহসী হইতেছে না। গোপাল মধ্যে মধ্যে মেজ কাকীর হস্তাৰ্পিত অন্নের গ্রাসও কবলিত করিতেছে।

আহারাশ্তে কুলকামিনীগণ একে একে বিদায় হইলেন। হরিশের মা পরমাত্মীয়া সূতরাং তাঁহার যাত্রা করিতে বেলা অবসান হইল। নিমন্ত্রণকত্রী বধুগণের বিশেষতঃ প্রেমদার মস্তকে হস্ত দিয়া অনেক আশীর্বাদ করিলেন। গোপালকে কোলে লইয়া মুখচুম্বন পূর্বক হাতে একটা সন্দেশ দিলেন; চট্টোপাধ্যায়-গৃহিণী আবার সসৈন্তে গৃহাভিমুখে যাত্রা করিলেন। গোপাল পুনরায় মেজ কাকীর কোলে আরোহণ করিয়া সন্দেশটার মান রক্ষা করিতে করিতে চলিল।







## চতুর্থ পরিচ্ছেদ ।

প্রবোধচন্দ্র জ্যৈষ্ঠের শেষে কলিকাতায় গিয়াছেন ; কর্তা মহাশয় নিমন্ত্রিত হইয়া গ্রামান্তরে গমন করিয়াছেন । হরিশচন্দ্রও বাড়ীতে নাই, তিনি স্থায় প্রভুর জমিদারীতে প্রেরিত হইয়াছেন । অল্প সন্ধ্যার পরেই গৃহকার্য্য সমাধা হইয়া গিয়াছে । প্রমদা আজ হরসুন্দরীর ঘরে শয়ন করিবেন ; বামা প্রমদার নিতান্ত অনুগত, সেও বড় বউএর ঘরে গিয়াছে । পাঠিকা দেখিতেছেন কেমন দুইটা দল । এক ঘরে কর্তী ঠাকুরাণী, শ্যামা, সেজ বউ এবং ছোট বউ, অপর ঘরে হরসুন্দরা, প্রমদা এবং বামা । কর্তী ঠাকুরাণী বার বার বামাকে ডাকিতেছেন “বামা এদিকে আর, বামা এদিকে আর ।” বামা “কেন কেন” করিয়া উত্তর দিতেছে, কিন্তু যাইতেছে না । গৃহিণী ততই বিরক্ত হইতেছেন ; অবশেষে হরসুন্দরী শিখাইয়া দিলেন, “বলনা আমি কি জলে গাড়েছি, না অল্প জেতের বাড়ী এসেছি, এত ডাকাডাকি কেন ?” বামা গৃহের ঘরে দাঁড়াইয়া জননীকে সেই কথাগুলি বলিল । গৃহিণী অনুমান করিলেন

উহা প্রমদার কথা, অমনি উদ্দেশে নানাপ্রকার শ্লেষ কটুক্তি সকল বর্ষণ করিতে আরম্ভ করিলেন। হরসুন্দরীর প্রকৃতি কিছু উষ্ণ; তিনি আর সহ্য করিতে পারেন না। প্রমদা বার বার তাঁহার মুখ আবরণ করেন, হস্ত ধরিয়া ফিমান, “দিদি তোমার পায় পড়ি কিছু বলো না, উনি বকিয়া বকিয়া আপনিই থানিবেন।” হরসুন্দরী কিয়ৎক্ষণ আপনাদের মনে গজ গজ করিলেন, অবশেষে আর থাকিতে না পারিয়া বলপূর্বক প্রমদার হস্ত ছাড়াইয়া বাহিরে গিয়া বলিলেন, “বাহোক অনেক শাশুড়ী দেখেছি, তোমার মত শাশুড়ী আর দেখ্লেম না। কি সামান্ত কথায় যে এত গাল দিচ্ছে। কেন সে করেছে কি? সে ত কিছু বলে নি, ও কথা ত আমিই শিখিয়ে দিলাম; অবিচার করে গাল দেও কেন?”

কর্তা। গাল দেব না? কতগুলো ছোট লোকের মেয়ে জুটে আলয়ে মারলে।

হর। তোমরা ত বড় লোকের মেয়ে, সেই জন্তেই বৃদ্ধি অমনি ব্যবহার; সেই জন্তেই বৃদ্ধি একচোকো হরে এক দিক দেখতে পাও না।

কর্তা। ও অসতের ঝাড়, আমার যারে বা ইচ্ছে দেব, তোর বাবার কি রে? মেজ বউএর হিংসাতেই মলো; হা ছোট লোক! আসুক হরিশ, তোরে ভাল করে শেখাব।

হর। আর শেখাবে কি? না হর মেয়েই ফেলবে, তা হলে ত তোমার মতন শাশুড়ীর হাত হতে নিস্তার পাব।

প্রমদা দেখিলেন, কলহ ক্রমশঃই বৃদ্ধি পায়, তিনি বলপূর্বক হরসুন্দরীকে ধরিয়া গৃহের মধ্যে লইয়া গেলেন এবং ঘর বন্ধ করিলেন; কর্তা ঠাকুরাণী নিজের মনে বকিতে লাগিলেন।

এ কি সৰ্কানাশ ! পরেশ একে গোয়ার তাহাতে বোধ হয় কোন প্রকার নেশা করে ; সে হঠাৎ এই সময়ে বাড়ীতে আসিয়া উপস্থিত আসিবামাত্র গৃহিণী একগুণ কথা দশগুণ করিয়া শুনাইলেন । শুনিতে শুনিতে তাহার কোপানল জলিয়া উঠিল ;—“কি ! এত বড় আস্পর্ধা মাকে ছোট লোকের মেয়ে বলে,” এই বলিয়া হরিশ্চন্দ্রের ঘরের দিকে ছুটিয়া গেল, এবং গিয়া দ্বারে আঘাত করিতে লাগিল । প্রমদা দ্বার খুলিলেন বটে, কিন্তু দুই পার্শ্বে দুই হস্ত দিয়া পথ আগুলিয়া দাঁড়াইলেন বলিতে লাগিলেন, “ঠাকুরপো ! আমার কথা শোন ; না শুনে রাগ করো না ।” পরেশ সে কথার কর্ণপাত না করিয়া “সর সর” বলিয়া তর্জন করিতে লাগিল । বলিল, “তুমিও ছোট লোক হয়ে গেছ, সর দেখি, পাজি ব্যাটার মেয়ের এত বড় আস্পর্ধা বে, মাকে ছোট লোকের মেয়ে বলে ।”

হরসুন্দরীর দুর্কপাতও নাই, তিনি বলিলেন, “আ রে নয় লক্ষ্মীছাড়া হাঁড়া, কাল ঠুকে ছুধের ছেলে দেখলেন, উনি আবার কর্তৃস্থ করতে এলেন । তুই আমাকে পাজি ব্যাটার মেয়ে বলিস্ কেন রে ?”

পরেশ । বলবো না ? দুশবার বলবো । হয়েছে কি জুত্বে হাড় ভেঙ্গে দেব, জান ।

হর । হুম্, ঢের ঢের জুতো দেখিছি, মুখ সামলে কথা কস্ ।

পরেশ একেবারে অবীর হইয়া প্রমদাকে বেগে দূরে ফেলিয়া দিয়া হরসুন্দরীর প্রতি ধাবিত হইল, হরসুন্দরী উঠিয়া, মারনা মারনা করিয়া পরেশের সম্মুখীন হইলেন । প্রমদা মস্তকে আঘাত প্রাপ্ত হইয়াছিলেন, তাহা গ্রাহ না করিয়া দৌড়িয়া পরেশের দুই হস্ত ধরিলেন, “ঠাকুরপো স্থির হও, ঠাকুরপো স্থির হও” বলিয়া নিবারণ করিতে লাগিলেন এবং পরেশকে টানিয়া বাহিরে আনিলেন ।

প্রমদা পিতৃগৃহে আত্মরে মেয়ে ছিলেন, স্বশুরকুলেও স্বশুরের বিশেষ স্নেহ ও আদরের পাত্রী ছিলেন। দেবরগুলিও বাড়ীর মধ্যে তাঁহাকে ভালবাসিত এবং অতিশয় শ্রদ্ধা করিত। আজ পরেশ রাগের বশে তাঁহাকে যে কথা বলিয়াছে ও তাহার প্রতি যে ব্যবহার করিয়াছে, সেগুলি তাঁহার প্রাণে লাগিয়াছে। তিনি পরেশকে ধরিয়া নিরস্ত করিলেন বটে, কিন্তু অপমানে নেত্রজল সম্বরণ করিতে পারিলেন না। দক্ষিণ হস্তে পরেশের হাত ধরিয়া বামহস্তে বসনাঞ্চলে নয়ন মার্জনা করিতে লাগিলেন।

পরেশ। মেজবউ, তুমি কি ক্লেশ পেলে? রাগের বশে যা বলেছি কিছু মনে করো না।


প্রমদা। মনে আর কি করবো, তোমরা কি এইরূপ করে সংসার করবে?

পরেশ। আচ্ছা মেজ বউ! তুমি কেন বল না, মা যদিই একটা অশ্রয় কথা বলেন, ওর কি ওরূপ বলা উচিত হয়?

প্রমদা। তা ত নয়, তোমরা ত দিদির প্রকৃতি জান, একটু বুঝে চললেই ত হয়।

ইতিমধ্যে গৃহিণী পরেশকে ডাকিলেন, পরেশ বড় বউএর গৃহ হইতে নামিয়া গেল। প্রমদা হরসুন্দরীর গৃহের দ্বার দিলেন, বামা সেই ঘরেই রহিল।





## পঞ্চম পরিচ্ছেদ ।

ভাদ্র মাস অতীত-প্রায়, কৃষ্ণ চতুর্দশীর রাত্রি ১১টা বাজিয়া গিয়াছে। সন্ধ্যার পরেই এক পসলা ভারি জল হইয়া গিয়া এক্ষণে ছিপ্ ছিপ্ করিয়া জল হইতেছে। মহানগরী কলিকাতা, যাহাতে রাত্রি একটা পর্যন্ত রাজপথ সকল জন-কোলাহল পূর্ণ থাকে, আজি সেই নগরীও জনশূন্য। কেবল মধ্যো মধ্যো দুই একটা লোক হাঁটুর উপর কাপড় তুলিয়া, জুতা জোড়াটা হস্তে লইয়া, ছাতাটা ভালরূপে ধরিয়া দ্রুতপদে গৃহাভিমুখে গমন করিতেছে এবং মধ্যো মধ্যো এক একখানি ভাড়াটিয়া গাড়ি বন্ বন্ শব্দ করিয়া দেখা দিতেছে এবং অল্পক্ষণ পরেই অদৃশ্য হইয়া যাইতেছে। অধিকাংশ লোকান ঝাঁপতাড়া এক প্রকার বন্ধ করিয়াছে। দুই একখানি খোলা আছে, তাহারাও বন্ধ করিবার উদ্যোগ করিতেছে। এই নিস্তব্ধ সময়ে প্রবোধচন্দ্র একাকী বাহির হইয়াছেন। আজ তাঁহার আর এক প্রকার বেশ; তাঁহার পরিধানে একখানি অন্ধ মলিন বস্ত্র। চাদরখানিতে ও বস্ত্রখানিতে মিল নাই; গায়ে একটা

জামা নাই ; চুলগুলি রুক্ষ রুক্ষ ; চক্ষের দৃষ্টিতে গভীর চিন্তা ও রাত্রি-  
জাগরণের চিহ্ন দেদীপ্যমান ; বাম হস্তে একটা ভাঙ্গা ছাতি এবং দক্ষিণ  
হস্তে একটা ঔষধের শিশি। তিনি এই বেশে অল্প কক্ষ চতুর্দশীর  
রাত্রে কেন কলিকাতার রাজপথে বাহির হইয়াছেন ? তাঁহার ঘরে  
আজ ঘোর বিপদ ! কর্তা মহাশয় আবাঢ় নামে নিমন্ত্রণ-রক্ষা করিয়া  
গৃহে আসার পর পীড়িত হন। সেই পীড়া ক্রমে বৃদ্ধি হইয়া জ্বরাতি-  
সারে দাঁড়াইয়াছে। গ্রামের চিকিৎসকদিগের দ্বারা যতদিন প্রতী-  
কারের আশা ছিল, ততদিন বাড়ীতেই চিকিৎসা হইয়াছিল, কিন্তু রোগ  
উত্তরোত্তর বৃদ্ধি হওয়াতে এবং নানা প্রকার উপসর্গ প্রকাশ পাওয়াতে  
অবশেষে তাঁহাকে কলিকাতার আনিয়া চিকিৎসা করাইবার পরামর্শ  
স্থির হয়, তদনুসারে তাঁহাকে কলিকাতার আনা হইয়াছে। কর্তী গরু,  
বাছুর ও বধূদের রক্ষা এবং ঠাকুর-সেবা ফেলিয়া আসিতে পারেন নাই।  
হরিশ্চন্দ্র বাড়ীর রক্ষা ও জমীদারের কার্য লইয়াই ঘরে আছেন ; কেবল  
প্রমদা, বামা ও পরেশ তাঁহার সঙ্গে আসিয়াছেন। কর্তার জন্ম বহু-  
বাজারের এক গলিতে বাসা ভাড়া করা হইয়াছে, সেখানে কয়েকজন  
ভাল ডাক্তার তাঁহাকে দেখিতেছেন, অল্প রাত্রে এক প্রকার নূতন  
উপসর্গ উপস্থিত হওয়াতে প্রবোধচন্দ্র চিন্তিত অন্তরে চিকিৎসকের  
গৃহে চলিয়াছেন।

এদিকে কর্তা মহাশয় নরন মুদ্রিত করিয়া রোগশয্যার শয়ান আছেন।  
তাঁহার সেই প্রবল মুখ-কান্তি বিবর্ণ হইয়া গিয়াছে ; শরীর কঙ্কাল-সার ;  
চক্ষু গাঢ় প্রবিষ্ট ; স্বর বিকৃত ও ক্ষীণ ; হস্ত পদ রক্তবিহীন ও বিশীর্ণ,  
উত্থানের শক্তি নাই, ধরিয়া পার্শ্ব ফিরাইতে হয়। তাঁহার একপার্শ্বে  
প্রমদা, অপরপার্শ্বে পরেশ। প্রমদা তাঁহার যাতনা দর্শন করিয়া রোদন  
সম্বরণ করিতে পারিতেছেন না। বামহস্তে অঞ্চলে চক্ষু মুছিতেছেন,

এবং দক্ষিণ হস্তে মৃহ মৃহ ব্যজন সঞ্চালন করিতেছেন। পরেশ মস্তকে মৃহ মৃহ জলের প্রলেপ দিতেছেন ! কর্তামহাশয়ের গায় বীর ও সহিষ্ণু ব্যক্তি আনরা দেখি নাই। অণু লোক হইলে এইরূপ গভীর ও অসহ বেদনায় উন্মত্ত-প্রার হইয়া উঠিত, কিন্তু তিনি আশ্চর্য্য সহিষ্ণুতার সহিত তাহা সহ করিতেছেন। তাঁহার চৈতন্য প্রভাতের স্বপ্নের গায় এবং অনুতাপ-দগ্ধ পাতকীর প্রতিজ্ঞার ন্যায় এক একবার বিলীন হইয়া বাই-তেছে, আবার যেন চমকিয়া জাগিয়া উঠিতেছে। একবার জ্ঞানের উদয় হওয়াতে তিনি প্রমদার মুখের দিকে দৃষ্টিপাত করিলেন। প্রমদার মুখ আর অবগুণ্ঠনাবৃত নয় ; কনিকাতাতে আসা অবধি তিনি আর কর্তার পুত্রবধূ নন, কন্যার অধিক হইয়াছেন। তাঁহার নিকট কর্তার লজ্জা নাই, কর্তার নিকটও তাঁহার লজ্জা নাই। তিনি কাপড় পরাইতে-ছেন, তিনি আহার দিতেছেন, তিনি পাশ ফিরাইতেছেন, তিনি ব্যজন করিতেছেন, তিনি গায় হাত বুলাইতেছেন। প্রবোধ পরেশ ও বামা আছেন সত্য কথা, কিন্তু প্রমদা নিকটে থাকিলে যেন কর্তা অনেক ভাল থাকেন, চেতনা হইলেই “মা মা” করিয়া ডাকিতে থাকেন ; সুতরাং মায়ের আর তাঁহার ঘর ছাড়িবার যো নাই। পাক শাক করিবার সময় প্রবোধচন্দ্র প্রভৃতি বসিয়া থাকেন, তথাপি বার বার আসিয়া দেখা দিয়া বাইতে হয়।

আমাদের প্রমদাও রাত্রিজাগরণ, চিন্তা ও পরিশ্রমে আর এক আকার ধারণ করিয়াছেন। তিনি তিন সপ্তাহ চুল বাঁধেন নাই, দুই তিন দিন স্নান আহার ভাল করিয়া করেন নাই। বসন মলিন, মুখ বিষন্ন, তাঁহার প্রসন্ন পবিত্র কান্তির উপর চিন্তা ও বিবাদের আভা পড়িয়া এক প্রকার সুন্দর ভাব হইয়াছে। তাঁহাকে যেন দ্বিগুণ সুন্দর দেখাইতেছে। পরের সেবাতে যে শরীর কালি হয়, সে কালি যে

স্বর্ণালঙ্কার অপেক্ষাও ভাল, প্রমদা সেই কথার যেন পরিচয় প্রদান করিতেছেন । কর্তামহাশয় জাগিয়া “মা মা” বলিয়া ডাকিলেন, “অমনি মা” অবনত হইয়া উত্তর দিলেন । কর্তা মাকে ধরিয়া উঠিবার চেষ্টা করিতে লাগিলেন, মাও তাঁহাকে সাদরে ধরিয়া ঈষৎ তুলিয়া পাশ ফিরাইয়া দিলেন । কেমন মায়ের কেমন সন্তান ! কর্তা মহাশয় শয়ন করিয়া প্রমদার সুকোমল করতল নিজ করতলে লইয়া বলিতে লাগিলেন, “তুমি কি আর জন্মে আমার মা ছিলে ?” প্রমদা কাঁদিতে লাগিলেন ।

কর্তা । তুমি আমার ঘরের লক্ষ্মী, অনেক পুণ্য না হলে তোমার মত মেয়ে ঘরে আনা যায় না ।

প্রমদা । আপনি কথা কবেন না ; বেদনা বাড়বে ।

কর্তা । আর ত বেশী দিন কথা কইতে হবে না, যতক্ষণ জ্ঞান আছে, গোটাকতক কথা কয়ে নি, যতক্ষণ দেখবার শক্তি আছে, তোমাদের মুখ দেখে নি ।

প্রমদা । বাতাস করবো ?

কর্তা । না মা, অনেকক্ষণ বাতাস করেছ, আর বাতাসে কাজ নাই । তুমি অমনি বসে থাক, আমি কথা কই ! তুমি যে দিন হতে আমার বাড়ীতে পদার্পণ করেছ, সেই দিন হতে আমার প্রবোধের সুপ্রতুল ; আশীর্বাদ করি তোমরা সুখে থাক । পরেশ কোথায় ?

পরেশ । বাবা এই যে ।


কর্তা । এস, বাবা এস, বাম হস্তে পরেশের কর্ণালিঙ্গন করিলেন । তোমার বউদিনীকে কখনও অমান্য করো না । উনি তোমাদের ঘরের লক্ষ্মী ।


পরেশ । উনি আপনার গুণেই সকলের মান্য, আমিও গুঁকে বোনের মত জ্ঞান করি ।



কর্তা । মা লক্ষ্মী, তুমিই আমার বাড়ীর মধ্যে মানুষের মত ! তুমি যদিও বয়সে বালিকা, তোমার বুদ্ধি শুদ্ধি প্রবীণার ন্যায় । মা তোমার হাতেই ইহাদিগকে দিয়া গেলাম । সংসারটা যাতে ছায়েথারে না যায় তাই করো । তোমার শাশুড়ী বড় কৰ্কশ ! মা তোমরা অনেক ক্লেশ পেয়েছ, সহ্য করিয়া থেক, জগদীশ্বর তোমাদিগকে সুখী করিবেন ।

গুরুজনের মুখে মা কথাটা শুনিতে কেমন মিষ্ট । এক একবার মনে হয় কর্তার পুত্রবধু কেন হইলাম না, তাহা হইলে ত নৃত্যশায়ী পবিত্র স্মৃষ্টি মা শব্দ কর্ণগোচর হইত । আবার ভাবি পুত্রবধু ত অনেক আছে, প্রমদার মত পুত্রবধু হওয়া চাই । ওইটা ত শত্রু কথা । অসময়ে গুরুজনের শুশ্রূষা করা যে কত সুখ, তাহা ঠাঁহার ন্যায় কুলকন্যারাই জানেন । বাহা হইক মায়ে পোয়ে এইরূপ আলাপ চলিয়াছে, এমন সময়ে প্রবোধচন্দ্র কবিরাজ লইয়া ফিরিয়া আসিলেন । প্রমদা অবগুণ্ঠনাত হইয়া একটু সরিয়া বসিলেন । কবিরাজ মহাশয় দেখিয়া বাহিরে গেলেন এবং প্রবোধচন্দ্রকে যথাকর্তব্য উপদেশ দিয়া গেলেন ।





## যষ্ঠ পরিচ্ছেদ ।

বেলা তৃতীয় প্রহর। ভাদ্রের ভাল পাকান রৌদ্র; এই রৌদ্রে প্রবোধচন্দ্র ঘুরিয়া আসিয়াছে। এখনও তাঁহার স্নান আহার হয় নাই। লোকে পিতৃ মাতৃ বিরোগের পর শোক-চিহ্ন ধারণ করিয়া থাকে; আনাদের প্রবোধ পিতৃবিরোগের পূর্ক হইতেই বেন সেই চিহ্ন ধারণ করিয়াছেন। বিশেষ, অশ্রু বেন প্রবোধের মুখে কেহ বিষাদের কালি ঢালিয়া দিয়াছে; নিরাশার বন অন্ধকার বেন মুখমণ্ডলকে আচ্ছন্ন করিয়াছে। অন্য দিন তিনি দ্রুতপদে আসেন, দ্রুতপদে যান, অশ্রু চরণ বেন আর বাড়ীতে আসিতে চার না। প্রমদা ত অন্তরের কথা সমুদার জানেন না, তিনি প্রবোধচন্দ্র বাড়ীতে প্রবেশ করিবামাত্র তাঁহার জন্য যে সরবত করিয়া রাখিয়াছিলেন, তাহা হস্তে লইয়া নিকটে উপস্থিত হইয়াছেন।

প্রমদা। আমার মাতা খাও, এই সরবতটা খাও।

প্রবোধ। থাক, খাব এখন।

প্রমদা । রোদ্রে মুখটা যেন কালি হয়ে গিছে, এইটে খাও ।

প্রবোধ । “আর সব্বত খাব কি প্রমদা, বাবাকে এ যাত্রা ফিরাইতে পারিলাম না” বলিয়া কাঁদিতে লাগিলেন । অমনি প্রমদারও নেত্র জলধারা বহির্গত হইল । দুইজনে কিয়ৎকাল এইরূপে অশ্রুপাত করিলেন ।

প্রমদা । ( অশ্রুসার্জন করিয়া ) কবিরাজ কি বললেন ?

প্রবোধ । আর বলবেন কি ? আর বড় জোর ৫৭ দিন ।

প্রমদা । তবে ত আর বিলম্ব করা উচিত নয়, দেশে লইয়া আত্মীয় স্বজনের মধ্যে গঙ্গাবাস করাইতে হইবে । উনি সেই ইচ্ছা প্রকাশ করিয়াছেন ।

প্রবোধ । আমিও তাই স্থির করেছি, কিন্তু একটু গোলযোগ ঘটেছে ।

প্রমদা । কি গোলযোগ ?

প্রবোধ । এখন বেতে গেলে অনেকগুলি টাকা চাই । এখানে বাড়ী ভাড়া, বাজারের দেনা, ছুপের দেনা শুকিয়া যাইতে হইবে । বাড়ী লইয়া যাইতেও খরচ । আমার হাতে আর টাকা নাই ।

প্রমদা । তার জন্য এত ভাবনা কেন ? আমার গহনা তবে কি জন্য আছে ? দেখ, একখান গহনা বিক্রী কর ; বিক্রী করে সব দেনা একেবারে পরিষ্কার করে ফেল ; পরিষ্কার করে চল কর্তাকে নিয়ে যাই, আর বিলম্ব করা উচিত নয় ।

প্রবোধ । • প্রমদা, তোমার গহনা বিক্রয় করিতে ইচ্ছা হয় না । তোমার পিতৃদত্ত মৌতুকে তোমাকে বঞ্চিত করা উচিত নয় । আমার অনেক বন্ধুবান্ধব আছে, আমি দুই শত টাকা ধারের চেষ্টা দেখিতেছি ।

প্রমদা । তুমি এমন বোকামি মত কথা বল কেন ? এই কষ্টের

উপর আবার তুমি দেনার জন্য ধার করে বেড়াবে, সে কি হয়ে থাকে। তার পর বিনা সূদে টাকা পাবে না; হয় ত টাকা যোগাড় করিতে দেবী হয়ে যাবে। এখন আর এক দিন বিলম্ব করা উচিত নয়। তুমি আমার গহনার জন্য ভাব কেন? তুমি বেঁচে থাক, আমার চের গহনা হবে। আর যদি জগদীশ্বর এমন ছরবছাতেই ফেলেন, তাতেই বা দুঃখ কি! না হয় কাচের চুড়ি পরে গাছতলায় দুজনে থাকিব।

“প্রমদা তুমি ত এত করিলে, কিন্তু আমার বাবাকে বাঁচাইতে পারিলাম না,” বলিয়া প্রবোধ কাঁদিতে লাগিলেন।

প্রমদা। কই, আমি কি করিলাম। আমি যে এমন ঋণের আর পাব না।

বলিতে বলিতে নেত্রদয় অশ্রুজলে পূর্ণ হইল। অবশেষে প্রমদা বাক্স খুলিয়া একখানি গহনা বাহির করিয়া দিলেন। প্রবোধক্স সেখানি বস্ত্রাবৃত করিয়া গৃহ হইতে বাহির হইলেন।

ওদিকে কর্তা মহাশয় জাগ্রত হইয়া মা, মা, করিতেছেন। সমস্তানের আত্মস্বর শুনিয়া মায়ে কি কখনও স্থির থাকিয়াছে? চট্টোপাধ্যায় মহাশয়ের সাধের মাও স্থির থাকিতে পারিলেন না। তাড়াতাড়ি বাক্সটী তুলিয়া তাঁহার পার্শ্বস্থ হইলেন। কর্তা মহাশয় জিজ্ঞাসিলেন, “প্রবোধ কি আবার বাহিরে গেল?”

প্রমদা। হাঁ আপনার বাড়ী যাবার যোগাড় করতে গেলেন।

প্রমদা বিপদে পড়িলেন, কিন্তু তিনি না বলিতেই কর্তা বুঝিতে পারিলেন। তা বলতে এত সঙ্কোচ কেন মা, আমি ত পূর্বে হতেই বলছি আমার দিন শেষ হয়েছে। তাতে দুঃখ কি মা, আমার ত সূখের মৃত্যু!

প্রমদা। আমার প্রাণে একটা বড় দুঃখ রহিল।

এই কথা কয়টী বলিতে প্রমদার শোকাবেগ একরূপ উচ্ছলিত হইয়া

উঠিল যে তিনি আর বলিতে পারিলেন না। কেবল বসনাঞ্চলে নয়ন মুছিতে লাগিলেন।


কর্তা। বল, বল।

প্রমদা। আমার এই দুঃখ রহিল যে, আপনি কষ্টের দিনই দেখলেন, সুখের দিন আর দেখলেন না। আমরা বেঁচেও থাকব ভাল হবে, কিন্তু আপনার মত শ্বশুর ত আর পাব না।

বলিতে বলিতে বাষ্পভরে প্রমদার কর্ণরোধ হইয়া আসিল।

কর্তা। আমি তোমাদের সকলগুলিকে যে রেখে গেলাম, এই আমার পরম সুখ। তুমি সতী সাধ্বী, কাছে এস, আমার মস্তকে হাত রাখ, প্রার্থনা কর যেন পরকালে আমার সঙ্গতি হয়।

এই বলিয়া প্রমদার দক্ষিণ হস্ত ধরিয়া নিজের মস্তকের উপর রাখিলেন। এবং নয়ন মুদ্রিত করিয়া ইষ্ট দেবতার নাম স্মরণ করিতে লাগিলেন।





## সপ্তম পরিচ্ছেদ ।

জলপথে নোকাতে দুই দিন যাপন করিয়া অশু সকলে কর্তাকে লইয়া বাড়ীতে পৌঁছিয়াছেন। পথিমধ্যেই কর্তার পীড়ার অত্যন্ত বৃদ্ধি হইয়াছে। নোকা ঘাটে পৌঁছিবামাত্র প্রবোধচন্দ্র আত্মীয় স্বজনকে সংবাদ দিয়া পিতার গঙ্গাবাসের বন্দোবস্ত করিতে লাগিলেন। মহীধরপুর ও নিশ্চিন্তপুর পাশাপাশি গ্রাম। মহীধরপুর গঙ্গার উপরে, সেখানে গঙ্গাতীরে একটা ঘর লইয়া গঙ্গাবাসের বন্দোবস্ত হইল। ক্রমে বাড়ীর পরিবার পরিজন সকলে আসিয়া উপস্থিত হইলেন এবং পার্শ্বের এক বাড়ীতে বাসা স্থির করিলেন। সে স্থান লোকে লোকারণ্য হইয়া গেল; শ্রামা আলুলায়িত কেশে পিতার মুখের উপর পড়িয়া “বাবা ! ও বাবা ! কথা কও, ও বাবা একবার কথা কও,” বলিয়া পাগলিনীর শ্রায় ক্রন্দন করিতেছে; মাতাঠাকুরাণী “ও মা আমার কি হলো গো !” বলিয়া শিরে করাঘাত করিতেছেন; বধূগণ চারিদিকে অবশুষ্ঠনাবৃত

হইয়া কাঁদিতেছেন ; প্রতিবেশবাসিনী নারীগণ আসিয়া চিত্রার্ণিতের  
 ঞ্চায় দাঁড়াইয়া আছেন, তাঁহাদেরও চক্ষে জলধারা বহিতেছে । কর্তৃপক্ষীয়  
 প্রাচীন পুরুষগণ আসিয়া রমণীদিগকে তিরস্কার করিয়া স্থির হইতে  
 বলিতেছেন এবং নাড়ী দেখিতেছেন । প্রবোধচন্দ্র একজন দেশীয়  
 কবিরাজ সঙ্গে করিয়া উপস্থিত । তাঁহাদিগকে দেখিয়া আর্তনাদ দ্বিগুণ  
 হইল । কত্রী “ও বাপ কি করতে গেলি—কি নিয়ে এলি রে !” বলিয়া  
 কাঁদিয়া উঠিলেন । অমনি চারিদিক হইতে “চুপ কর, চুপ কর, ও গো  
 যতক্ষণ আছেন অমঙ্গল করো না” এইরূপ নানাপ্রকার তিরস্কার হইতে  
 লাগিল । ক্রমে বেলা অবসান হইল ; প্রতিবেশিগণ শোকার্ভচিহ্নে  
 হায় ! হায় ! করিতে করিতে স্ব স্ব গৃহে প্রতিনিবৃত্ত হইল । গৃহিণী ও  
 কন্যাদিগের আর্তস্বর শুন শুন রবে পরিণত হইল । প্রমদা আবার  
 স্বপ্নের সেবায় নিযুক্ত হইলেন । কিন্তু আর সেবা করিবেন কার ?  
 ঐষধ আর গলাধঃকরণ হয় না ; দৃষ্টি আর উন্মীলিত হয় না ; কালনিদ্রা  
 আর ভাঙ্গে না । ক্রমে রাত্রি প্রহর কাল অতীত হইতে না হইতে  
 স্বাসের লক্ষণ সকল প্রকাশ পাইতে লাগিল । হরিশ গিয়া সকলকে  
 ডাকিয়া আনিলেন এবং সকলে তাঁহাকে ধরাধরি করিয়া তীরস্থ  
 করিলেন ।

সদাশয় পাঠিকা ক্রন্দন করিও না ; সেই সময়কার দৃশ্যটী এক  
 বার মনে কর । চট্টোপাধ্যায়ের শরীর যখন তীরে নীত হইল, তখন  
 রমণীগণের হাহাকার-ধ্বনি গগন ভেদ করিয়া উঠিল ! শ্রামা “ও বাবা,  
 বাবা গো কোথায় যাও গো !” বলিয়া কাঁদিতে কাঁদিতে পিতার শরীরের  
 সঙ্গে সঙ্গে চলিল ; গৃহিণী শিরে করাঘাত করিয়া ছিন্নমূল কদলীর ঞ্চার  
 ধরাশায়িনী হইলেন । পৃহুবধূরা কে কোথায় পড়িল তাহার ঠিক নাই ।  
 প্রমদা এতক্ষণ বৈর্যাবলম্বন করিয়াছিলেন, এখন আর স্থির থাকিতে

পারিলেন না, বসনাঞ্চলে মুখ আবরণ করিয়া কাঁদিয়া উঠিলেন । কনিষ্ঠ পুত্র প্রকাশচন্দ্র পাগলের গায় “বাবা বাবা” করিয়া কাঁদিয়া বেড়াইতে লাগিল । প্রবোধ অতি শান্তপ্রকৃতি, তিনি অধোবদনে বসিয়া কেবল বসন-প্রান্তে অশ্রু মার্জন করিতে লাগিলেন ।


চট্টোপাধ্যায় মহাশয়ের পরিজনগণের আর্তনাদে প্রতিবেশী সকলের নিদ্রাভঙ্গ হইয়া গেল । অণু কেহ হইলে তাহারা সেই গভীর রাত্রে শয্যা পরিত্যাগ করিত না ; কিন্তু চট্টোপাধ্যায় মহাশয়ের প্রতি দেশ-শুদ্ধ লোকের প্রগাঢ় ভক্তি, স্তবরাং আবালবৃদ্ধ সকলেই ছুটিয়া আসিল । এমন কি কুলের কুলবধু পর্য্যন্ত ক্রোড়স্থ শিশু ফেলিয়া শোকার্ভ পরিবারের সাহ্ণনার্থ আসিল । আজ তাঁহার জন্ম শত শত চক্ষু জলধারা বহিতেছে । দুঃখের বিষয় চাটুর্ঘ্যে মহাশয় ইহার কিছুই দেখিলেন না । অবশেষে প্রাচীনা গৃহিণীগণ শোকার্ভ পরিবারের সাহ্ণনা ও পরিচর্যায় নিযুক্ত হইলেন । এদিকে শ্রামা পথে বসিয়া কাঁদিতেছে, কেহ তাহাকে ধরিয়া আনিতেন ; কেহ কর্তীঠাকুরানীকে তুলিয়া মুখে জল দিতেছেন ; কেহ বধুদিগকে আশ্বাসবাক্যে সাহ্ণনা করিতেছেন ; কেহ প্রমদাকে মিষ্ট ভাষায় বুঝাইতেছেন ; কেহ বাঃহরিশের পুত্রকণ্ঠাদিগকে কোলে করিয়া সাহ্ণনা করিতেছেন । আহা ! তাহারা আজ নিরাশ্রয় হইয়া কাঁদিতেছে ।

ক্রমে বধুদিগের আর্তনাদ থামিয়া গেল ; শ্রামার এবং গৃহিণীর আর্তনাদ আর থামিল না । প্রতিবেশিগণ আবার সকলে হায় ! হায় ! করিতে করিতে গৃহে প্রতিনিবৃত্ত হইলেন । প্রবোধচন্দ্র এক স্থানে অনেকক্ষণ জড়ের গায় বসিয়াছিলেন, অবশেষে উঠিয়া বাহিরে গেলেন । কালরাত্রি ক্রমে প্রভাত হইয়া গেল ; পশু পক্ষী আবার জাগিল ; বন-কুম্ভ আনন্দ-কোলাহলে আবার পূর্ণ হইল ; প্রতিবেশিগণ স্ব স্ব কার্যে



আবার নিযুক্ত হইল ; কিন্তু চট্টোপাধ্যায় মহাশয়ের বাটী আজ ঝটিকাব-  
'সানে উদ্ভানের শ্রায় ছিন্ন ভিন্ন হইয়া রহিল ! আজ সূর্য্য সেই ভবনে  
আলোক না আনিয়া যেন অন্ধকার আনয়ন করিল ।





## অষ্টম পরিচ্ছেদ ।

কর্তার শ্রাদ্ধাদি শেষ হইলে প্রবোধচন্দ্র পুনরায় কলিকাতায় আসিয়া-  
ছেন। কিন্তু এখন তাঁহার মস্তকে অপার ভাবনা। সমুদায় পরিবারটী  
প্রতিপালনের ভার তাঁহার উপর পড়িয়াছে। এদিকে তাঁহার পরীক্ষা  
সম্মুখে; স্বলারশিপের দরুণ যে কয়েকটী টাকা পান, তাহাতে তাঁহার  
নিজের 'খরচই ভাল করিয়া চলে না। বাটীতে এখন মাসে মাসে  
অন্ততঃ ২০।২৫টী টাকা না দিলে কোন ক্রমেই চলে না। কয়েক  
মাসের জন্ত কলেজটী ছাড়িতে ইচ্ছা করে না। যদি লোকের বাটী  
ছেলে-পড়ান কর্ম গ্রহণ করেন তদ্বারা আয়ের কিছু সাহায্য হইতে  
পারে, কিন্তু পাঠের সমূহ ক্ষতি। কি করেন ভাবিয়া কিছুই স্থির  
করিতে পারিতেছেন না।

ওদিকে প্রমদাও সুস্থির নন। কর্তার মৃত্যুর দিন হইতে সংসারে  
বিশৃঙ্খলা বাঁধিয়াছে। গৃহিণী কর্তার ভয়ে বধুদিগকে বিশেষ উৎপীড়ন  
করিতে পারিতেন না, এক্ষণে সে ভয় চলিয়া যাওয়াতে তিনি দিন-দিন

অত্যাচারী হইয়া উঠিতেছেন। হরসুন্দরী পূর্বাপেক্ষা অধিক মুখরা হইয়াছেন। হরিশ মনে মনে বরাবর মাতার প্রতি বিরক্ত ছিলেন, এক্ষণে কথায় কথায় তাঁহার অপমান আরম্ভ করিয়াছেন। পরিবার শুদ্ধ লোক অনাহারে থাকিলে তিনি দেখেন না। নিজের অর্থে নিজের পুত্রকণ্ঠার দুগ্ধের রোজ করিয়া দিয়াছেন। নিজের স্ত্রীপুত্রের কাপড় চোপড় কিনিয়া দিতেছেন। পরেশ কর্তার মৃত্যুর পর দিন দিন আরও উচ্ছৃঙ্খল হইয়া উঠিতেছে; সর্বদাই বাড়ীতে বসিয়া থাকে এবং ইয়ারকি দিয়া বেড়ায়। স্বশ্রুতাকুরাণী পূর্বাধিই তৃতীয়া বধূর প্রতি বিশেষ পক্ষপাতী ছিলেন। এক্ষণে তাহার দিকে হইয়া নিরন্তর অপর সকলের সহিত কলহ আরম্ভ করিয়াছেন। প্রবোধচন্দ্র একমাস কর্জ করিয়া ২৫ টাকা মাতার নিকট পাঠাইয়াছিলেন, প্রমদা তাহা গোপনে জানিতে পারিয়া আরও চিন্তিত হইয়াছেন।

অন্য প্রবোধ তাঁহার এক পত্র পাইয়াছেন তাহা এই,—

প্রিয়তমেষু,

“তোমার শ্রীচরণাশীর্ষাদে এ দাসী ভাল আছে। কিন্তু এখানকার সমুদায় বিশৃঙ্খল। শুনিলাম তুমি বাড়ীর খরচের জন্ত কর্জ করিতেছ। আমি দেখিতেছি তুমি দেনায় জড়াইয়া পড়িতেছ। আমাকে যে এ সকল কথা জানাও নাই, সে জন্ত আমি মর্মান্তিক দুঃখ পাইয়াছি। আমি কি কখনও তোমার দুঃখের কথা শুনিয়া উপেক্ষা করিয়াছি? তবে কোন্ অপরাধে আমাকে আজ নিজ চিন্তার ভার দিতে কুণ্ঠিত হইতেছ? সেখানে যে চিন্তায় তোমার শরীর মন জীর্ণ হইবে, আর আমি সুখে নিদ্রা যাইব, আমাকে কোন্ অপরাধে এমন শাস্তি দিতেছ? তুমি কি জান না যে, তোমার একটি দুশ্চিন্তা নিবারণের জন্ত লক্ষ টাকা আমার

কাছে টাকা নয় ? তুমি কি জান না তোমার মুখ একটু বিষণ্ণ দেখিলে আমার প্রাণে নিতান্ত ক্লেশ হয় ? তবে কোন্ অপরাধে আজ দাসীকে হৃদয়ের বাহির করিয়া দিতেছ ? লোকমুখে শুনিলাম, কলেজ ছাড়িবার ইচ্ছা করিতেছ, এমন কাজ করিও না ; পরীক্ষার এই কয়েটা মাস যো শো করিয়া চালাইতে হইবে। কোন ছেলে পড়াইবার কাজও ছুটাইও না, তাহাতে পড়া শুন্যার ক্ষতি হইবে। তোমার প্রমদাকে এই কয়মাস তোমার হইয়া সংসার চালাইবার ভার দাও। আমি আজ বাবাকে পত্র লিখিলাম, আমাকে মাসে যে দশ টাকা দেন তাহা একেবারে তোমার কাছে পাঠাইবেন। সেই দশ টাকা তুমি লইয়া এখানে পাঠাইবে। আমি দিতে গেলে মা অপমান বোধ করিবেন বলিয়া তোমার হাত দিয়া পাঠাইতে বলিতেছি। এই ১০ টাকা, এবং এই লোকের হস্তে আমার গলার চিক্‌গাছি পাঠাইতেছি, বিক্রয় করিয়া যে টাকা হইবে, তাহা হইতে মাসে মাসে ১৫ টাকা করিয়া পাঠাইবে ; এই ২৫ টাকা হইলেই আমাদের চলিয়া যাইবে। তুমি ভাবিও না ; আমার মাথা খাও, চিক্‌গাছি ফিরাইয়া দিও না। তোমার হাতে যখন পড়েছি, তখন ওরূপ কত চিক্‌ হবে। আর আমার চিকেই বা প্রয়োজন কি ? তুমিই আমার চিক্‌, তুমিই আমার মহামূল্য ভূষণ। পত্র লিখিতে এত বিলম্ব কর কেন ? আমার এক দিন যায়—না এক বৎসর যায়। শীঘ্র পত্রের উত্তর দিও।

### তোমারই প্রমদা ।

প্রবোধচন্দ্র প্রমদার পত্র পাঠ করিয়া কাঁদিয়া ফেলিলেন। প্রমদাকে যে নিজের কষ্ট জানান নাই, সে জন্ত তখন মনে লজ্জা হইতে লাগিল। কিন্তু প্রমদার প্রস্তাবে সন্মত হইতে তাঁহার প্রাণ চায় না। তাঁহার

এক একবার ইচ্ছা হইতে লাগিল যে কলেজ ছাড়িয়া কোন কাজ কর্ত্ত্ব আরম্ভ করেন, আবার সে ইচ্ছা নিবারণ করেন। অবশেষে অন্তোপায় হইয়া প্রমদার প্রস্তাবানুসারে কার্য্য করাই কর্ত্তব্য বলিয়া স্থির করিলেন।

প্রমদার পরামর্শানুসারে কার্য্য চলিল বটে, কিন্তু কাচের গ্লাসটা ভাঙিলে যেরূপ আর তাকে যোড়া যায় না, সেইরূপ মৃত চট্টোপাধ্যায় মহাশয়ের গৃহের ভগ্ন সুখ আর প্রতিষ্ঠিত হইল না। কলিকাতা হইতে টাকা আসিতে লাগিল। সংসারের গ্রাসাচ্ছদনও চলিল; কিন্তু সে অন্ন আর সুখে কাহারও উদরে যায় না। বউএ বউএ বিবাদ, ভাইএ ভাইএ বিবাদ। হরিণ মাতার অত্যাচার আর সহ করে না; আর জননী প্রতি রুষ্ট হইয়া হরসুন্দরীর নিরপরাধ অঙ্গে প্রহার করেন না; হরসুন্দরীর গায় তিনিও মাতাকে দশ কথা শুনাইতে আরম্ভ করিয়াছেন। হরসুন্দরীর ত কথাই নাই, তিনি পূর্কীবধিই কুপিতা ফণিনীর গায় স্পর্শ করিবামাত্র ফোঁস করিয়া উঠিতেন, এখন আরও নিরঙ্কুশ হইয়া উঠিয়াছেন। মাঝে মাঝে শাশুড়ীর নাসিকাগ্রে নিকট বলয়যুক্ত হাতখানি নাড়িয়া অনেক কথা শুনাইতে আরম্ভ করিয়াছেন। গৃহিণীর এক এক দিন রাগে সমস্ত দিন অন্নাহারে যায়; কখনও কখনও রাগ করিয়া পরেশের প্রথম কন্যাটিকে কোলে করিয়া ( কারণ তাহার আর একটা জন্মিয়াছে ) আত্মীয় গৃহস্থের বাড়ীতে গিয়া আশ্রয় গ্রহণ করেন।


পরেশ পূর্কের গায় আর হরসুন্দরীকে অপমান করিতে পারে না। ইতিমধ্যে সেট জন্ম ভাইএ ভাইএ একদিন হাতাহাতি পর্য্যন্ত হইয়া গিয়াছে। সে হরিশের প্রহারে ও মাতার গালাগালিতে আবার রাগ করিয়া, কাজকর্ম্ম দেখিবার উদ্দেশে গৃহত্যাগ করিয়াছে; কিন্তু কোথায় গিয়াছে কেহ জানে না। শ্রামা এবং সেজবউ একটা ক্ষুদ্রদল বাঁধিয়া


প্রমদাকে কথায় কথায় অপমান করিতে আরম্ভ করিয়াছে। তবে প্রমদা তাহাতে ঘৃতাভূতি দেন না বলিয়া সে অগ্নি বড় জ্বলিতে পায় না। কর্তা মৃত্যুশয্যায় তাঁহাকে যে অনুরোধ করিয়াছিলেন, তাহা তাঁহার মৃতপটে অঙ্কিত রহিয়াছে; সুতরাং তিনি এখন প্রাণপণে শান্তি-স্থাপনের চেষ্টা করিয়া থাকেন। যিনি বাপ মায়ের আত্মরে মেয়ে ছিলেন, যাহাকে একটা সামান্য অপমানের কথা বলিলে দুই চক্ষে ডব্ ডব্ করিয়া জল আসিত, এখন তাঁহার মানাপমানের দিকে দৃষ্টি নাই! তিনি একবার খশর পায়ে ধরেন, একবার হরসুন্দরীকে বুঝাইবার চেষ্টা করেন, একবার শ্রামার হাতে ধরিয়া মাপ চান, একবার সেজবউকে গোপনে ডাকিয়া তাঁহার নিকট অশ্রুপাত করেন, কিন্তু কিছুতেই তাঁহার চেষ্টা সফল হয় না। চট্টোপাধ্যায় মহাশয়ের ভাঙ্গা ঘর আর যোড়া লাগে না।

প্রবোধচন্দ্র গৃহের এত ব্যাপার কিছুই জানেন না। তিনি মাসে টাকাগুলি পাঠাইয়া দেন, বাড়ী হইতে প্রমদার চিঠিপত্র পাইয়া থাকেন, কিন্তু পাছে তাঁহার মন উদ্বিগ্ন হয়, পাছে তাঁহার পাঠের ব্যাঘাত হয়, এই জন্ত প্রমদা তাঁহাকে এ সকলের কিছুই বলেন না। কত ক্লেশে যে তাঁহার উদরে অন্ন যায়, তাহার আভাস কিছুই দেন না।

যাহা হউক, প্রবোধের পরীক্ষার দিন অবসান হইয়া গেল। অল্প সময়ে তিনি পরীক্ষান্তে একেবারে বাড়ীতে যাইতেন। কিন্তু এবার তাঁহার এক ভাবনা যাইতে না যাইতে দ্বিতীয় ভাবনা উপস্থিত। এখন তিনি উপার্জনের চেষ্টায় নিযুক্ত হইলেন। প্রমদা তাঁহাকে বার বার বাড়ী যাইতে লিখিতেছেন, কিন্তু তিনি যাই যাই করিয়া বিলম্ব করিতেছেন; এবং ক্রমাগত শিক্ষা-বিভাগের কর্তাদের আফিসে গতায়ত করিতেছেন। একদিন দেশ হইতে এক জন চাষা লোক প্রমদার একখানি পত্র লইয়া কলিকাতার বাসায় উপস্থিত। প্রবোধচন্দ্র সেখানে

নাই। বাসার লোকে বলিল, তিনি চারিদিন অদর্শন আছেন এবং তাহার তাঁহার কোন সংবাদ জানে না। লোকটা দেশের লোকের দশ পাঁচটা বাসায় অন্বেষণ করিল কোথাও উদ্দেশ পাইল না।





## নবম পরিচ্ছেদ ।

প্রবোধের হঠাৎ সহর পরিত্যাগ করার পর দুই তিন মাস গত হইয়াছে । তিনি একটা কর্মের সূচনা পাইয়া কোন কর্মচারীর সহিত সাক্ষাৎ করিবার জন্য হঠাৎ সহর ত্যাগ করেন । আসিয়াই কর্ম পান কিন্তু বাটীতে যাইবার সময় আর পান নাই, কেবল কলিকাতাতে দুই দিনের জন্য যাইতে গারিয়াছিলেন । প্রমদাকে পত্রদ্বারা সমুদয় বিবরণ অবগত করিয়া দুই দিন পরেই সহর ত্যাগ করিয়াছেন এবং বর্ধমান জেলার কোন গ্রামে একটা হেডমাষ্টারি কর্মে নিযুক্ত হইয়াছেন ।

চট্টোপাধ্যায় মহাশয়ের ভবনেও নানা পরিবর্তন ঘটিয়াছে । পরেশ কোথায় গিয়াছে, এখনও তাহার উদ্দেশ্য নাই । হরিশ্চন্দ্র মাতার সহিত বিবাদ করিয়া পৃথক্ হইয়াছেন । প্রমদাও সে গৃহে নাই । প্রসবকাল সন্নিকট হওয়াতে তিনিও পিতা কর্তৃক পিত্রালয়ে নীত হইয়াছেন । বোধ হয় প্রবোধচন্দ্রের পরামর্শানুসারেই এই কার্য হইয়া থাকিবে । কারণ প্রমদার ভ্রাতা উপেন্দ্রনাথের সহিত তাহার এ বিষয়ে চিঠিপত্র চলিয়াছিল



প্রমদার পিতার নাম গুরুদাস বন্দ্যোপাধ্যায় । বন্দ্যোপাধ্যায় মহাশয় কলিকাতায় ত্রেজরিতে একটা ভারী কর্ম করেন ; বেতন গত বৎসর ৩০০ টাকা ছিল ; এ বৎসর ৪০০ হইয়াছে । তাঁহার সন্তান-সম্পত্তির মধ্যে একমাত্র পুত্র ও একমাত্র কন্যা । পুত্রটা প্রবোধচন্দ্রের সমবয়স্ক ; তিনি এক বৎসর হইল, কলেজ ছাড়িয়া উকীলের বাড়ী কর্ম করিতেছেন । উপেন্দ্রনাথের দুই তিনটা পুত্র কন্যা ।

প্রমদা একে আত্মরে মেয়ে, তাহাতে আবার স্বরায় সন্তানের মুখ দর্শন করিবেন, মাতা পিতার আর আনন্দের সীমা নাই । আমাদের প্রমদা আলম্বকে অত্যন্ত ঘৃণা করেন, সুতরাং পিতা মাতা পরিশ্রম করিতে বার বার নিষেধ করিলেও, তিনি স্থির থাকিতে পারেন না ! পিতা বাড়ীতে আসিলে তাঁহাকে বাজন করা, তাঁহার অন্নব্যঞ্জন বহন করা প্রভৃতি কার্য্য তিনিই করিয়া থাকেন । এতদিন দাদার পুত্র কন্যাগুলির পরিচর্যাতে সর্বদা ব্যস্ত থাকেন । বন্দ্যোপাধ্যায় মহাশয় মধ্যে মধ্যে প্রমদাকে ধরিয়া, দাড়িতে হাত দিয়া বলিয়া থাকেন, “মা লক্ষ্মি ! তোমাকে কি খাটাবার জন্ত বাড়ীতে আনিয়াছি ? বাপের বাড়ীতে কি খাটতে আছে ? আমার খাটবার লোকের অপ্রতুল কি, তুমি পায়ের উপর পা দিয়ে বসে থাকবে আর থাকবে ।” বাস্তবিক বন্দ্যোপাধ্যায় মহাশয় কন্যাটিকে বড়ই ভালবাসেন । কেবল কন্যাটিকে কেন, উপেন্দ্রের ছোট ছোট ছেলেগুলি পর্য্যন্ত যেন তাঁহার গলার হার । তিনি বাড়ীতে পদার্পণ করিবামাত্র তাহারা তাঁহার সঙ্গে দ্বন্দ্ব ; তাঁহার সঙ্গে স্নান, তাঁহার সঙ্গে আহার, তাঁহার সঙ্গে নিদ্রা । আহার করিতে বসিবার সময় যদি কোন কারণে তাহারা কাছে না থাকে তাঁহার আহার হয় না । তাহারা যে সেই ক্ষুদ্র ক্ষুদ্র হস্তে এটি উটি তুলিয়া লইবে, রামহস্তে মৎস্যের লেজটা ধরিয়া দুধের বাটীতে ফেলিবে ; ভাজাখানি


তুলিয়া জলের গ্লাসে ডুবাইবে, ইহা না হইলে তাঁহার খাওয়া মঞ্জুর নয় । এমন কি উপেন্দ্রের সর্ষকনিষ্ঠ পুত্রটী পর্য্যন্ত পাতের কাছে থাকা চাই ; অঙ্গুলে করিয়া একটু কিছু তাহার মুখে দিবেন, এবং সে নবোদগত চারিটী দন্তে হাসিবে এবং দন্তবিহীন মাড়ী দ্বারা সেই দ্রব্যটুকু একবার এদিক ওদিক করিবে, ইহা দেখিতেও পরম আনন্দ । প্রমদার মাতা-ঠাকুরাণী এজন্ত কখনও কখনও বিরক্ত হন, এবং এক একবার বল-পূর্ব্বক তাহাদিগকে স্থানান্তরে লইয়া যান । ছেলে এবং বিড়াল কি সহজে পাতের নিকট হইতে যায় । তাহাদিগকে ধরিয়া লইয়া গেলেই তাহারা দাদা দাদা করিয়া কাঁদে এবং কর্তা মহা অসুখী হন ও গৃহিণীর সহিত এই কারণে বিবাদ হয় । বাস্তবিক গৃহিণীর চটিবারই কথা, কখনও কখনও রাত্রে নিদ্রিত শিশুকে জাগাইয়া পাতের নিকট বসান হইয়া থাকে । প্রমদা হাস্য করিয়া বলেন, “বাবা তোমার খাওয়াই হলো না ।” তাহাতে বন্দ্যোপাধ্যায় মহাশয় বলেন, “তুমি আটগ মা হও, তার পর একরূপ খাওয়ার সুখ বুঝবে ।”

ফল কথা বন্দ্যোপাধ্যায় মহাশয়ের পরিবারটীর মত সুখী পরিবার প্রায় দেখা যায় না । এমন শান্তিপূর্ণ ও নিরুপদ্রব সংসার দুর্লভ । বাড়ীতে আর দ্বিতীয় কন্যা নাই বলিয়াই হউক অথবা অন্য কারণেই হউক, বন্দ্যোপাধ্যায়-গৃহিণী পুত্রবধূটীকে কন্যার স্থায় ভালবাসেন ; কখনও একটী উচ্চ কথা বলেন না । আর বউটী একরূপ লক্ষ্মী যে, উচ্চ কথা বলিবার প্রয়োজন হয় না । বধূটী প্রমদার সমবয়স্কা স্মতরাং দুজনে বড় প্রণয় । প্রমদা পিত্রালয়ে আসা অবধি বউ যেন স্বর্গের চাঁদ হাতে পাইয়াছেন, সর্ষদাই সহাস্রবদন, দুইজনে সর্ষদাই একত্র আহার, বিহার, একত্র শয়ন প্রভৃতি হইয়া থাকে ।

প্রমদা পিত্রালয়ে, পিতা, মাতা, ভ্রাতা প্রভৃতির আদর ও ভাল

বাসার মধ্যে বাস করিতেছেন। শ্বশুর মহাশয়ের মৃত্যুর পর অবধি দুর্ভাবনা, অনাহার প্রভৃতিতে তাঁহার অঙ্গে যে কালি পড়িয়াছিল, সে কালি আর নাই। তাঁহার শরীরের কান্তি দ্বিগুণ সুন্দর হইয়াছে। তাঁহার অসুখের কারণ আর কিছু নাই, কেবল প্রবোধচন্দ্রকে অনেক দিন দেখেন নাই এই ক্লেশ; এবং মধ্যে মধ্যে প্রবোধের পত্রে বাড়ীর গোলযোগের সংবাদ পাইয়া উদ্ভিন্ন হইতে হয়। এইরূপে প্রমদার দিন কাটিয়া যাইতেছে; ক্রমে যথাসময়ে এক সুকুমারী তাঁহার ক্রোড় অলঙ্কৃত করিল। হিন্দুকুলে কণ্ঠা জন্মিলে গৃহস্থের মুখ মলিন হয়, কিন্তু প্রমদার পিতা মাতার মুখ মলিন হইল না, তাঁহাদের সে ভাব ছিল না। প্রমদার প্রথমজাত সন্তানকে তাঁহারা পূত্রাধিক জ্ঞান করিয়া আনন্দ করিতে লাগিলেন। প্রবোধচন্দ্র সংবাদপ্রাপ্তি মাত্র সাত দিনের ছুটি লইয়া শ্বশুরালায়ে আসিলেন এবং স্মৃতিকাগৃহে গিয়া প্রমদার ক্রোড়ে শয়ানা নব কুমারীকে দেখিয়া নয়ন সার্থক করিলেন।





## দশম পরিচ্ছেদ ।

প্রমদা পিত্রালয়ে কিয়ৎকাল সুখে বাস করিয়া বামার বিবাহের সময় আবার শ্বশুরালয়ে গিয়াছেন। তিনি বামাকে বড় ভাল বাসিতেন, বহু দিন মনে মনে সঙ্কল্প করিয়া আসিতেছিলেন যে, তাহার বিবাহের সময় তিনি তাহাকে ভাল ভাল কয়েকখানি অলঙ্কার দিবেন, কিন্তু সে আশা চরিতার্থ করিতে পারেন নাই। প্রবোধচন্দ্র যে কয়েক টাকা বেতন পান, তাহা হইতে নিজের ও প্রকাশের ব্যয় চালাইতে হয়, পিতার ঋণ শুধিতে হয়, সংসারের ব্যয় পাঠাইতে হয়, সুতরাং বামার বিবাহ অতি সংক্ষেপে সারিতে হইয়াছে।

যাহা হউক ওদিকে প্রবোধচন্দ্র অলস নন। তিনি পর বৎসরে শীতকালেই আইনের পরীক্ষায় উত্তীর্ণ হইয়া ওকালতী আরম্ভ করিয়াছেন। বিধি যেন তাঁহার অনুকূল! তাঁহার গ্রাম অনেক উকীল ও বৎসর আদালতে ঘুরিয়া বেড়াইতেছেন; কেহ ডাকিয়া কথা জিজ্ঞাসাও করেন না। তাঁহারা কেবল নিত্য নিত্য জামা ঘোড়া পরিয়া আদালতে

গমন করেন এবং তীর্থের কাকের গায় মক্কেলের পথ চাহিয়া থাকেন ; কখনও বা কোন পুস্তকের দুই এক পংক্তি পড়িয়া, কখন কখন বা ঠাকুর বাড়ীর ঘরপোষা জামাইয়ের গায় মুখোমুখি হইয়া বসিয়া আমোদ কোতুক করিয়া, কখনও বা নিরপরাধ ভদ্র লোক ও ভদ্র কুলাঙ্গনাদিগের প্রতি অবথা বাঙ্গোক্তি করিয়া দিন কাটাইয়া আসেন । কিন্তু প্রবোধচন্দ্রের প্রতি ভাগ্য প্রসন্ন । তিনি আদালতে প্রবেশ করিবার পর দুই এক মাসের মধ্যে পসার হইয়া গিয়াছে । এমন কি তিন মাসের মধ্যে তিনি ৪০০।৫০০ টাকা আনিতে আরম্ভ করিয়াছেন ।

প্রবোধচন্দ্রের আর এক প্রকাব বাঁধিয়া গেলে তিনি প্রণয়িনীকে নিকটে আনিবার সঙ্কল্প করিয়াছেন । তদনুসারে ভবানীপুরে একটি সুন্দর বাড়ী ভাড়া করা হইয়াছে ; খাট পালঙ্ক চেয়ার টেবিল প্রভৃতি ক্রীত হইয়া আসিয়াছে ; দাস দাসী নিযুক্ত হইয়াছে ; নানাবিধ দ্রব্যে ভাণ্ডার পূর্ণ হইয়াছে ; এবং বাড়ীটি ধৌত ও পরিষ্কৃত হইয়া ঝক্ ঝক্ করিতেছে ।

অন্য গৃহের কর্ত্রী নবগৃহে আসিতেছেন । বাড়ীর দ্বারে আসিয়া গাড়ি লাগিল । প্রকাশ সেখানে দাঁড়াইয়া আছেন ; একজন্ম পশ্চিমে বেহারা জিনিস পত্র নামাইবার জন্ত অপেক্ষা করিতেছে ; দাসীটি নবাগত স্বামিনীর অভ্যর্থনার্থ অন্তঃপুরের দ্বার পর্য্যন্ত অগ্রসর হইয়া আসিয়াছে । প্রমদা প্রকাশকে দেখিয়া আনন্দে হাসিতে হাসিতে গাড়ি হইতে নামিলেন । প্রকাশচন্দ্র খুকীকে প্রমদার কোল হইতে লইয়া কপোলে ঘন ঘন চুম্বন করিতে লাগিলেন । কি সুন্দর মেয়ে ! দেখিলে শত্রুরও কোলে করিতে ইচ্ছা হয় । প্রমদা প্রথমে হাসিতে হাসিতে ও দেবরের সহিত কথা কহিতে কহিতে বাহিরের ঘরগুলি দেখিতে লাগিলেন এবং অর্দ্ধদণ্ডের মধ্যে কোথায় কি বসিবে, কোথায় কি থাকিবে তাহা স্থির


করিয়া ফেলিলেন ; টেবিল ওদিকে বসিয়াছে কেন, খাটখানি এদিকে পাতিয়াছে কেন ? প্রভৃতি বলিয়া তাঁহাদের রুচির অনেক দৌষ আবিষ্কার করিয়া ফেলিলেন । প্রবোধচন্দ্র হাসিয়া বলিলেন, এইবারে সব ঠিক হবে । ক্রমে কত্রী অন্তঃপুরে প্রবিষ্ট হইলেন, অমনি বেহারা অবনত মস্তকে সেলাম করিল ; দাসী কুটনা কুটিতে কুটিতে উঠিয়া দাঁড়াইল ; পাচক ব্রাহ্মণ হাঁড়ি ফেলিয়া একপার্শ্বে দাঁড়াইল । আমাদের প্রমদা যেন আজ রাজ্যেশ্বরী রাণী । বাস্তবিক এই ক্ষুদ্র রাজ্যের তিনিই মহারাণী । ক্রমে শয়ন ঘর, ভোজন ঘর, বিশ্রাম ঘর, ভাঁড়ার ঘর, রান্না ঘর প্রভৃতি এক এক করিয়া সমুদায় দেখিলেন এবং বাড়ীটা তাঁহার মনের মত হইয়াছে বলিয়া বিশেষ সন্তোষ প্রকাশ করিলেন ।

ক্রমে স্নানের সময় উপস্থিত হইল, পশ্চিমে ভৃত্য খোদাই কত্রীর জন্ত জলের ভার বহন করিয়া আনিল ; দাসী স্নানার্থ তৈল আনয়ন করিল, খুকী ওদিকে কাকা বাবুর কোলে কোলে ভ্রমণ করিতেছেন । তাঁহার বয়ঃক্রম ১০ মাস ; সবে বসিতে শিখিয়াছেন । প্রকাশ তাঁহাকে বাহিরের ঘরে তক্ত-পোষের উপর বসাইয়া দিয়াছেন, তিনি সেইখানে বসিয়া হস্তস্থিত বুম্বুমিটার সঙ্গে ক্রীড়া করিতেছেন, কখনও তাহাকে বন্দনব্যাদন পূর্বক গ্রাস করিবার প্রয়াস পাইতেছেন, এবং সে কার্যে অসমর্থ হইয়া তাহাকে লালারসযুক্ত করিতেছেন, কখনও বা তক্ত-পোষের গায়ে ঠুকিতেছেন ; কখনও বা কাকার হস্তে রাখিয়া আবার তুলিয়া লইতেছেন, কখনও বা মুখে দিতে নাকে দিয়া আঘাত প্রাপ্ত হইতেছেন ।

প্রবোধচন্দ্র নূতন সংসার পাতিলেন বটে, কিন্তু তাঁহার প্রাণে কিঞ্চিৎ ক্লেশ থাকিয়া গেল । গৃহের সমুদায় পরিবারকে ফেলিয়া একা প্রমদাকে আনা ভাল দেখায় না, এই জন্ত হরিশ্চন্দ্রের পরিবার ভিন্ন আর সকলকে

আনিবার প্রস্তাব করিয়াছিলেন। কত্রী ঠাকুরাণী তাঁহার মনোগত অভিপ্রায় জ্ঞাত হওয়া অবধি বিশেষ অসন্তোষ প্রকাশ করিয়া তাহাতে অমত করেন। প্রবোধ সে বিষয়ে ভগ্নোত্তম হইয়া অবশেষে ছোট বউ এবং বামাকে প্রমদার সহিত আনিবার ইচ্ছা করেন, কত্রী ঠাকুরাণী তাহাতেও সম্মত হন নাই। আহা! বামার প্রাণ মেজবউএর সঙ্গে আসিবার জন্ত নিতান্ত ব্যাকুল হইয়াছিল, কিন্তু প্রবোধ মাতাকে বিরক্ত করা সম্ভব বোধ করিলেন না। মাতা ঠাকুরাণী প্রমদাকে যে বিদায় দিয়াছিলেন, তাহাও ভাল মনে দেন নাই; সেই কারণে প্রবোধচন্দ্র কিঞ্চৎ ক্লেশ পাইয়াছেন। যাহা হউক কালে আর সে ক্লেশ থাকিল না। পরিবার পরিজন সঙ্গে আসিলেন না বলিয়া যে তাঁহাদের তত্ত্বাবধানের ত্রুটি হইতে লাগিল তাহা নহে, প্রবোধচন্দ্রের শ্রীবুদ্ধির লক্ষণ সকল বাড়ীর পরিজনগণের সুখ-সচ্ছন্দ-বৃদ্ধিতে স্পষ্ট প্রকাশ পাইতে লাগিল। এমন কি যে হরিশ্চন্দ্র পূর্ক্কাবধি পৃথক্ হইয়াছিলেন, তাঁহারও স্ত্রী পুত্রের জন্ত মাসিক ২০ টাকা নিরূপিত হইল। ধন সুপাত্রে পড়িলে অনেকের সুখের কারণ হয়, প্রবোধচন্দ্রের ধনের দ্বারাও অপরাপর বহুসংখ্যক দরিদ্রলোক প্রতিপালিত হইতে লাগিল। প্রবোধচন্দ্র এইরূপে গার্হস্থ্য ধর্ম পালন করিতে লাগিলেন।





## একাদশ পরিচ্ছেদ ।

প্রমদা নূতন সংসারে ত্রীতী হওয়ার পর মাসের পর মাস অতীত হইতে লাগিল, ক্রমেই গৃহের শ্রী সৌন্দর্য্য দিন দিন বৃদ্ধি পাইতে লাগিল। তিনি স্বশুরালয়ে গুরুজনের ভয়ে সম্পূর্ণ রূপে নিজের রুচি অনুসারে ঘর সাজাইতে পারিতেন না ; এবং তদনুরূপ সঙ্গতিও ছিল না। একটু পরিষ্কার পরিচ্ছন্ন থাকিতে ভালবাসিতেন বলিয়া তাঁহার কত অখ্যাতি ! এক্ষণে বিধাতার কৃপায় অর্থের অনটন চলিয়া গেল, এবং গুরুজনের গঞ্জনা বা লোকের বিদ্বেষেরও ভয় নাই ; সুতরাং তাঁহার হৃদয়-নিহিত বহুদিনের বাসনা ও রুচি সকল প্রকাশ পাইতে লাগিল। বাড়ীর মধ্যে পাঁচটী বড় ও তিনটী ছোট ঘর। একটী শয়ানাগার, একটী পাঠাগার, একটী বিশ্রামাগার রূপে নিযুক্ত হইয়াছে ; তৃতীয়-টীতে বসন ভূষণ রাখিবার ভাঁড়ার হইয়াছে ; চতুর্থটী বসিয়া আহাঙ্গাদি করিবার জন্ত রাখা হইয়াছে। ছোট তিনটীর একটী স্নানের ঘর, একটী ভাঁড়ার ও অপরটী পাকের ঘর করা হইয়াছে। প্রমদার রুচি



যেমন পরিষ্কৃত, সৌভাগ্যক্রমে ভিতর ও বাহির বাড়ীর উঠানে অনেক জম্মি পড়িয়াছিল। সেই দুই ভূমিখণ্ড কিছুদিনের মধ্যেই বিচিত্র শোভা ধারণ করিয়াছে। প্রমদা সেই উভয় স্থানকে সুরমা উপবনে পরিণত করিয়াছেন। সে জন্ত একজন স্বতন্ত্র লোকই আছে। চারি ধারে পুষ্পরাজি, মধ্যে মধ্যে শাকের সময় শাক, মুলার সময় মূলা, কপির সময় কপি প্রভৃতিও দুই একটা দেওয়া হইয়া থাকে। বাড়ীতে প্রবেশ করিলে উঠানটী দেখিলেই সুখ হয়; ঘরের মধ্যে প্রবেশ করিলেও যেন দুই দণ্ড দেখিতে ইচ্ছা করে! তাহার মধ্যে বিলাস-প্রিয়তা নাই; নিরর্থক বৃথা ব্যয় নাই; সমাগত ব্যক্তিদিগকে ধনগৌরব দেখাইবার উপযোগী কিছু নাই; কিন্তু যেটার যেখানে থাকা উচিত, সেটা সেখানে আছে। এমন একখানি কাপড় নাই, যাহা পরিপাটী পূর্বক রাখা হয় নাই, এমন একখানি পুস্তক নাই যাহা সাজাইয়া রাখা হয় নাই, দোয়াতের পাশে কলমটী, কলমের পাশে পেনশিলটী, পেনশিলের পাশে কাগজ-গুলি। যখন যেটার প্রয়োজন হয় তাহা তৎক্ষণাৎ পাওয়া যায়, সে জন্ত অন্ধদণ্ড অন্বেষণও করিতে হয় না। কোন জিনিষটী বাড়ীতে আছে না আছে বলিতে অন্ধদণ্ড বিলম্বও হয় না। অনেক গৃহে দেখা যায় যে একখানি বস্ত্রের প্রয়োজন হইলে, আছে কি না জানিবার জন্ত তিনটী দেবরাজ, দুইটী সিদ্ধক, তিনটী পেটরা খুলিয়া নীচের কাপড় উপরে, উপরের কাপড় নীচে করিতে হয়; একখানি পুস্তকের প্রয়োজন হইলে দশ দণ্ড ধরিয়া তিন জনকে একবার শব্যার নীচে, একবার আলমারির পার্শ্বে, পরিত্যক্ত কাগজ পত্রের মধ্যে, একবার স্তূপাকার ছিন্ন পুস্তকের তলে, এইরূপ করিয়া অন্বেষণ করিতে হয়। ডাক্তার মহাশয় রোগী দেখিয়া ব্যবস্থাপত্র লিখিবার সময় কাগজ আন, কাগজ আন, কাগজ যদি আসিল কলম কলম, কলম যদি যুটিল দোয়াত দোয়াত করিয়া দুই

পাঁচ জনকে ব্যস্ত হইতে হয়। প্রমদা এরূপ বন্দোবস্তের নিতান্ত বিরোধী। বিরোধী হইবার সম্পূর্ণ কারণ আছে। নিতান্ত প্রয়োজনের সময় প্রয়োজনীয় বস্তুটী পাইতেছি না, ক্রমশঃই মন বিরক্ত হইতেছে, এবং সেটীর অভাবে দুই দণ্ডের কাজে দশ দণ্ড বৃথা যাইতেছে, এইরূপ অবস্থায় বাঁহারা একবার পড়িয়াছেন, তাঁহারা সকলেই এরূপ বিশৃঙ্খলার বিরোধী হইবেন। কিন্তু এ বিষয়ে বাল্যকালে অভ্যাস প্রবল থাকে। আমরা অনেক সময় নিজেদের প্রতি বিরক্ত হই, বিশৃঙ্খলা ভাব দূর করিবার জন্ত প্রতিজ্ঞা করি, অভ্যাস-দোষে অবশেষে যে বিশৃঙ্খলা সেই বিশৃঙ্খলা থাকিয়া যায়; প্রমদার রুচি এ বিষয়ে যে উন্নত তাহাও পিতামাতার গুণে; বালককাল হইতে পিতামাতার এ দিকে দৃষ্টি থাকিতে এ গুলি তাঁহার পক্ষে স্বাভাবিক হইয়া গিয়াছিল।

বামা ও ছোট বউ প্রমদার সহিত আসেন নাই, সে জন্ত প্রমদার পরিবার অল্প নহে। দাসী দুই জন, চাকর দুই জন, পাচক ব্রাহ্মণ একজন, এতদ্ভিন্ন বাহিরেও অনেকগুলি লোক প্রতিপালিত হইতেছেন। দাসী দুইটীর একটী লীলাবতীর (কণ্ঠাটীকে এই নামে ডাকা হয়) রক্ষণাবেক্ষণে নিযুক্ত; অপরটী পাকশালার কার্যে ব্যাপৃত। চাকর দুইটীর একজন এদেশীয় সে বাগানের তত্ত্বাবধান করে এবং অপরটী পশ্চিম দেশীয়, নাম খোদাই, সে হাট বাজার ও জল-বহন কার্যে করিয়া থাকে। অপর পরিবারের মধ্যে লীলা এখন চলিতে শিথিয়াছেন। তিনি প্রাতঃসন্ধ্যা নূতন পরিচ্ছদ পরিয়া খোদাইয়ের ক্রোড়ে বা নিজ দাসীর ক্রোড়ে আরোহণ করিয়া বাড়ীর বাহির হইয়া থাকেন, এবং কখনও হয় একটী ফুল, না হয় একটী খেলনা, না হয় একটী ফল হাতে করিয়া ঘরে আসেন। লীলা যার বাড়ী যায় তাহাকে কোলে করে, পাড়ার কুলাঙ্গনারা কেহ কোলে করেন, কেহ মুখচুষন করেন, কেহ

রূপ-গুণের প্রশংসা করেন, কেহ কিছু আহাৰ করিতে দেন। লীলার সম্বন্ধের সীমা পরিসীমা নাই। পাঠিকা পূর্বে যে ঝুমঝুমির বিবরণ পড়িয়াছেন, লীলা সে ঝুমঝুমি পরিত্যাগ করিয়াছেন, ঘরই তাঁহার রাজ্যের-অন্তর্ভুক্ত হইয়াছে। তবে চোকাটী পার হইবার সময় ধরিয়া পার হইতে হয় এবং না তুলিয়া দিলে চেয়ারখানি অথবা খাটখানির উপর উঠিতে পারেন না তাঁহার নধর কোমরে সোণার কোমরপাটা নিম্নফলের যে কি শোভা হইয়াছে তা আর বলিব কি? লীলা এখন আর এক প্রকার খেলা আরম্ভ করিয়াছেন। তাঁহার সন্তান সন্ততি অনেকগুলি হইয়াছে। দুঃখের বিষয় আমাদের চক্ষে সেগুলি কাষ্ঠ-নির্মিত। লীলা এখন সেগুলির পরিচর্যাতেই সর্বদা ব্যস্ত। এমন কি নিজের স্নান আহাৰের সময় হইয়া উঠা ভার। তাঁহাকে অনেক সাধ্য সাধনা করিয়া দুধ পান করাইতে হয়। তিনি একখানি পাতলা ডুরে কাপড় পরিয়া এক কোণে বসিয়া কখনও সেই কাষ্ঠ নির্মিত সন্তানগুলিকে স্তন্যপান করাইতেছেন; কখনও ঘুম পাড়াইতেছেন, কখনও চোক রাঙ্গাইতেছেন, কখনও নিজ জননীকোলে শয়ন করাইয়া রাখিয়া যাইতেন। এইরূপে নিজীব পদার্থের সেবাতেই তাঁহাকে রত থাকিতে হইত। কিছুদিন হইল একটা সজীব পদার্থ যুটিয়াছে। তিনি কোন প্রতিবেশীর বাড়ীতে বেড়াইতে গিয়া একটা মার্জ্জার-শিশু আনয়ন করিয়াছেন। সেইটাকে হয় স্কন্ধে না হয় কুক্ষিতলে করিয়া সর্বদাই এঘর ওঘর ঘুরিয়া থাকেন। সেইটাকে স্কন্ধে করিয়া চোকাট পার হওয়া তাঁহার পক্ষে একটা কৃচ্ছ-সাধ্য ব্যাপার, বোধ হয় কেহ অস্বীকার করিবেন না, সুতরাং তাঁহার স্নেহের গভীরতাতেও কেহ অবিশ্বাস করিলেন না।

পাক শাকের ভার না থাকাকে প্রমদার কখন অবসরের অপ্রতুল

নাই এবং সেই সময়ের কিরূপ সদ্যবহার করিতে হয়, তাহাও তিনি জানেন। পূর্কীবদিহি তাঁহার লেখা পড়া শিখিবার বিশেষ ইচ্ছা ছিল; স্বশুরগৃহে থাকিয়াও তিনি এ বিষয়ে উদাসীন ছিলেন না। নানাপ্রকার উপহাস বিক্রম সহ করিয়াও তিনি লিখিতে পড়িতে ক্রটি করিতেন না। সম্প্রতি সে সব ভয় আর নাই, সুতরাং তিনি অবাধে পড়া শুনা আরম্ভ করিয়াছেন, মিশনরি সাহেবদিগের একজন মেমও তাঁহার ভবনে গত্যাত করিয়া থাকেন। প্রবোধচন্দ্রের বাড়ীর পার্শ্বের আর একজন উকীলের বাসা। তাঁহার নাম যোগেশচন্দ্র মুখোপাধ্যায়। একটা ছোট দ্বার দিয়া উভয় বাড়ীতে গত্যাত করা যায়। এ বাড়ীতে আসা অবধি যোগেশচন্দ্রের মাতা সহধর্মিণীর সহিত প্রমদার বিশেষ আশ্রিততা হইয়াছে। বিশেষ যোগেশ বাবুর পত্নী তাঁহার নিতান্ত অনুগত হইয়াছেন, তাঁহাকে নিজ ভগিনীর স্থায় ভাল বাসিয়া ও শ্রদ্ধা করিয়া থাকেন। প্রমদা সেই বধূটিকে নিত্য পড়াইয়া থাকেন।

প্রবোধচন্দ্রের দিন এইরূপ সুখে কাটিয়া যাইতেছে, আয় উত্তরোত্তর বৃদ্ধি পাইতেছে; ঋণগুলি সমুদায় শেষ হইয়াছে; দুই একখানি করিয়া প্রমদার অলঙ্কারগুলি আবার হইয়াছে; বাড়ীতে রীতিমত অর্থাৎ যাওয়াতে সেখানেও পরিজনগণ সুখে বাস করিতেছেন। একদিন প্রবোধচন্দ্র কাছারি হইতে আসিয়া আহারাদির পর বিশ্রাম করিতেছেন। রাত্রি চারি ছয় দণ্ড অতীত হইয়াছে। লীলা এতক্ষণ প্রদীপের আলোকে নিজের ছায়া দেখিয়া, এবং মার্জ্জার শিশুটিকে খাটের নীচে হইতে টেবিলের তলে, টেবিলের তল হইতে আলমারির পার্শ্ব, আলমারির পার্শ্ব হইতে পিঁড়িখানির অন্তরালে তাড়া করিয়া বেড়াইতেছিল, এইমাত্র সেও ঘুমাইয়া পড়িয়াছে। দাসদাসীগণ পাকশালার দিকে আহারাদি ও গল্পগাছা করিতেছে। প্রতিবেশীদের ভবনে বালকেরা

কোলাহল করিয়া ইংরাজী শব্দ ও তাহার অর্থ সকল মুখস্থ করিতেছে ।  
 প্রবোধচন্দ্র একখানি বড় চেয়ারে অন্ধশয়ানাভাবে বসিয়া গুড়গুড়িতে  
 তামাক খাইতেছেন এবং প্রমদা কিছু দূরে টেবিলের নিকট বসিয়া এক-  
 খানি নব-প্রকাশিত গ্রন্থের কিয়দংশ পাঠ করিয়া তাঁহাকে শুনাইতেছে ।  
 এমন সময়ে বাহির বাড়ীতে “মেজ দাদা কি বাড়িতে আছেন ?”  
 এই রব শ্রুত হইল । অনুমানে বোধ হইল, তাহা প্রকাশচন্দ্রের স্বর ।  
 প্রকাশ মেডিকেল কলেজে পড়েন, ভবানীপুরে থাকিয়া অনেক দূর হয়  
 বলিয়া, তিনি কলিকাতাতেই থাকেন । অতঃ তাহার আসিবার কোন  
 কথা ছিল না, সুতরাং প্রবোধ ও প্রমদা উভয়েই তাঁহার স্বর শুনিবামাত্র  
 গৃহের বাহিরে আসিলেন ।

প্রবোধ । কে রে ? প্রকাশ ?

• প্রকাশ । হাঁ দাদা ! ( নিকটে আসিয়া উপস্থিত হইলেন )

প্রবোধ । রাত্রে কেন ?

প্রকাশ । বড় বিপদ ঘটেছে ।

প্রবোধ । সে কি !

প্রকাশ । মেজ দাদা কয়েদ হয়েছেন ।

প্রবোধ । সে কি ! সে কোথায় আছে ?

প্রকাশ । বেরিলিতে, আপনার নামে এই তারে খবর এসেছে ।

প্রবোধ । আমার নামে, তা তুই পেলি কোথায় ?

প্রকাশ । আপনি কোথায় আছেন না জানার জন্তই বোধ হয়  
 মেজ দাদার একজন বন্ধুর কাছে পাঠিয়েছেন ।

প্রবোধ । কে পাঠিয়েছেন ?

প্রকাশ । চিনি না ।

প্রবোধচন্দ্র দীপালোকে পাঠ করিবার জন্ত ঘরের ভিতরে গেলেন,

প্রমদা প্রকাশকে আরও নানা প্রশ্ন করিতে করিতে গৃহের মধ্যে আসিলেন। তারের সংবাদ পাঠ করিয়া বিশেষ বিবরণ কিছুই জানিতে পারিলেন না। সংবাদদাতার নাম গঙ্গাচরণ বস্তু। সে ব্যক্তি কে? পরেশ কি অপরাধে কারাগারে নিষ্কিন্তু হইল, তাহার কিছুই জানিবার উপায় নাই। কেবল এই কয়টা কথা লিখিত আছে।

“পরেশ কারাগারে, বড় বিপদ, শীঘ্র আসুন।”

ব্যাপারটা কি? এক এক জন এক প্রকার অনুমান করিতে লাগিলেন। কিন্তু এ সকলই বৃথা। পরদিন অতি প্রত্যুষে দুই ভাইএ বেরিলি যাত্রা করা স্থির হইল। পরেশ নিরুদ্দেশ হওয়ার পর অবাধি প্রবোধচন্দ্র অনেক অনুসন্ধান করিয়াছেন, অনেককে চিঠি পত্র লিখিয়াছেন, যে পশ্চিম হইতে আসিত, তাহাকে জিজ্ঞাসা করিতেন, কিন্তু কেহই কোন সন্ধান বলিয়া দিতে পারিত না। এখন বুঝিলেন, পরেশ আত্মীয় স্বজন যে পথে আছে, সে পথে যায় নাই। প্রবোধচন্দ্র ভায়ার চরিত্রের জন্ত বরাবর দুঃখিত; এখন আবার দারুণ দুর্ভাবনা উপস্থিত হইল।

প্রকাশচন্দ্রের আহাৰ হয় নাই, প্রমদা তৎক্ষণাৎ তাহার আহাৰের ব্যবস্থায় নিযুক্ত হইলেন। বলিলেন, “ঠাকুরপো! এস, আমি তোমার জন্ত লুচি কয়খানা ভাজিয়া ফেলি, তুমি রান্না ঘরের দোরে বসিয়া গল্প করিবে এস।”

প্রকাশ। কেন বউ দিদি? বামন ত আছে।

প্রমদা। তাতে দোষ কি? আমি ত আর ননির পুতুল নই। বামন ভাল পারবে না।


দুই দেয়র ভেজে পাকশালায় গমন করিলেন। প্রকাশচন্দ্র দ্বারে বসিয়া নানা প্রকার কথা বার্তা কহিতে লাগিলেন। প্রমদা দেখিতে

দেখিতে লুচি তরকারি প্রস্তুত করিয়া ফেলিলেন, এবং পাতেৱ নিকট বসিয়া আহার করাইলেন । আহারান্তে নিজ হস্তে পার্শ্বের ঘরে দেবরের অতি উত্তম শয্যা করিয়া দিলেন । প্রকাশচন্দ্র বলিলেন, “বউ দিদি ! তুমি ব্যস্ত হও কেন, আমি ত আর কুটুম্ব নই ।” প্রমদা ত সকলকেই ভাল বাসেন, বিশেষ প্রকাশ সৎ বলিয়া তাহার প্রতি তাঁহার বিশেষ ভালবাসা আছে ।


রজনী প্রভাত না হইতে হইতে প্রকাশ জাগ্রত হইয়া প্রবোধ ও প্রমদাকে জাগ্রত করিলেন । দাস দাসী সকলে জাগিল । তাড়াতাড়ি গমনের আয়োজন হইতে লাগিল । প্রবোধ তাড়াতাড়ি কাছারির কাজের বন্দোবস্ত করিলেন ; তাড়াতাড়ি মুখ হাত ধুইলেন ! তাড়াতাড়ি লোকের উপর লোক গাড়ি আনিতে ছুটিল ; তাড়াতাড়ি কিছু আহার করিয়া লওয়া হইল । এই গোলমালে লীলার নিদ্রা ভঙ্গ হইল । সে এতক্ষণ স্বপ্নে হস্ত কাষ্ঠের পুতুলের পরিচর্যা করিতেছিল অথবা বিড়ালের ছানাটীর অনুসরণ করিতেছিল ; কিম্বা কোন কামিনীর হস্তের ফুলটী চাহিতেছিল ; নিদ্রাভঙ্গে দেখিল, সে সকলের কিছুই নহে, সকলেই ব্যস্ত । লীলা জাগিবামাত্র প্রকাশ তাহাকে কোলে তুলিয়া দুই কপোলে দুইটী চুম্বন করিলেন । সে ভাবে “এ কে !” তাহার ঘুমের ঘোর তখনও ভাঙ্গে নাই । প্রমদা হাসিয়া বলিলেন “ও রে, কাকা বাবু !” ক্রমে ত্বরা বাড়িয়া গেল ; কাপড়ের গাঁঠরিগুলি গাড়ির উপর উঠিতে লাগিল ; খোদাই সমভিব্যাহারী হইবার জন্য প্রস্তুত হইল ; প্রবোধচন্দ্র প্রমদার বাক্স খুলিয়া ৫০০ টাকার নোট সঙ্গে লইয়া, ব্যস্ত-সমস্ত ভাবে প্রমদার প্রতি উপদেশের মধ্যে দাস দাসীদের প্রতি দুই চারি কথা, দাস দাসীদের প্রতি উপদেশের মধ্যে প্রমদাকে দুই চারি কথা, এইরূপ আদেশ উপদেশ গমন ও পশ্চাদ্ধর্শন মিশাইয়া

মেজ বউ ।

গৃহের যথা কথঞ্চিৎ বন্দোবস্ত করিয়া গাড়িতে গিয়া বসিলেন । প্রমদা  
লীলাকে কোলে করিয়া ভিতর বাড়ীর দ্বার পর্য্যন্ত সঙ্গে সঙ্গে গেলেন,  
প্রকাশচন্দ্র লীলার মুখে পুনরায় চুম্বন করিয়া গাড়িতে গিয়া বসিলেন,  
খোদাই স্বামিনীকে অভিবাদন পূর্ব্বক গাড়ীর পশ্চাতে উঠিল । তাঁহারা  
যাত্রা করিলেন । প্রমদা বিষণ্ণমনে অন্তঃপুরে প্রবেশ করিলেন ।







## দ্বাদশ পরিচ্ছেদ ।

ওদিকে প্রবোধচন্দ্র ও প্রকাশ পশ্চিমে যাত্রা করিয়াছেন, এদিকে ঘোর বিপদ উপস্থিত। তাঁহাদের পশ্চিম যাত্রার দুই দিন পরেই বাড়ী হইতে হরিশ্চন্দ্রের পত্র লইয়া লোক সমাগত। প্রমদা পত্র খুলিয়া দেখেন, শশু ঠাকুরাণীর সঙ্কট পীড়া। তিনি ফুলিয়া পড়িয়াছেন, উদর ভঙ্গ হইয়াছে, ভাহার উপর জ্বর, দেশে ভাল ডাক্তার বা কবিরাজ নাই, প্রতিবেশীরা সকলে কলিকাতায় আনিয়া চিকিৎসা করিবার পরামর্শ দিয়াছেন। প্রমদা অপার ভাবনায় পড়িয়া গেলেন। আর কালবিলম্ব না করিয়া যে তাঁহাকে কলিকাতায় আনা উচিত, তাহা বুঝিতে পারিলেন। কিন্তু তাঁহাদিগকে আনে কে? ডাক্তার কবিরাজ ডাকে কে? ঔষধ পত্রের ব্যবস্থা করে কে? এই সকল ভাবিয়া আকুল হইলেন। শশু ঠাকুরাণীকে যে আনান কর্তব্য, তাহাতে আর সন্দেহ রহিল না, কিন্তু কিরূপে সমুদায় যোগাযোগ হয় তাহাই ভাবিতে লাগিলেন। অবশেষে প্রকাশের একটী বন্ধুর কথা মনে পড়িল। ইহার নাম হরিতারণ।

এই যুবা পুরুষটী বড় সচ্চরিত্র বলিয়া প্রবোধচন্দ্র তাহাকে বড় ভাল বাসেন ; তাহার কালেজের বেতনাদি দিয়া থাকেন, এবং প্রকাশকে পরম বন্ধু বলিয়া তাহাকে সর্বদা নিমন্ত্রণাদিও করিয়া থাকেন । সেই সূত্রে প্রমদারও তাঁহার সহিত বেশ পরিচয় হইয়াছে এবং তিনিও তাহাকে দেবরের গায় দেখিয়া থাকেন । এই যুবক ব্রাহ্মধর্মাবলম্বী । যাহা হউক প্রমদা তাঁহাকে ডাকাইয়া এই বিপদের সময় সাহায্য করিবার জন্ত অনুরোধ করা স্থির করিলেন ।

পরদিন প্রাতেই শশুর মহাশয়কে মাতাকে লইয়া সপরিবারে আসিবার জন্ত পত্র লিখিলেন এবং ভৃত্যের দ্বারা হরিতারণকে ডাকিয়া পাঠাইলেন । হরিতারণ সংবাদপ্রাপ্তিমাত্র সকল কাজ পরিত্যাগ করিয়া উপস্থিত হইলেন । প্রমদা বলিলেন, “দেখুন, আমি আপনাকে দেবর তুল্য জ্ঞান করি । সুতরাং এই বিপদের সময় আপনাকে সাহায্য করিবার জন্ত ডাকিয়াছি ; যদি তাঁহারা কেহ থাকিতেন, আপনাকে কষ্ট দিতাম না ।”

হরি । আমিও আপনাকে বড় ভাজের গায় দেখি । আপনি যদি আমাকে ‘আপনি’ না বলিয়া প্রকাশকে যেমন ‘তুমি’ বলিয়া সম্বোধন করেন, সেইরূপ ‘তুমি’ বলিয়া সম্বোধন করিতেন, তাহাতে আমি অধিক সুখী হইতাম । তাঁহারা এখানে কেহ নাই, সে জন্ত আপনার কোন চিন্তা নাই ; আমি ভাল ভাল ডাক্তার ডাকিব, আমি কবিরাজ আনিব, আমি ঔষধাদির যোগাড় করিব ; সে জন্ত আপনি কিছুমাত্র চিন্তিত হইবেন না ।

প্রমদা নিশ্চিন্ত হইলেন । ৪।৫ দিনের মধ্যেই হরিশচন্দ্র মাতা ঠাকুরাণীকে লইয়া আসিয়া উপস্থিত হইলেন । শ্যামা, বামা, মেজ বউ, ছোট বউ সঙ্গে আসিয়াছে, হরসুন্দরী আসেন নাই । প্রমদা দেখিয়াই

বসিতে পারিলেন যে, কলিকাতায় থাকা বড়কর্তার অভিপ্রায় নয়।  
 এজন্য তাঁহার মনে কিঞ্চিৎ ক্লেশ হইল; কিন্তু মনের ক্লেশ নিবারণ  
 করিয়া তিনি গৃহিণীকে পানসি হইতে তুলিয়া ঘরে আনিলেন। শ্রামা,  
 সেজ বউ, ছোট বউ প্রভৃতিকে পরম সমাদরে আর এক ঘরে লইয়া  
 বসাইলেন, এবং পরেশের কণ্ঠা দুটির মুখচুষন করিয়া পরিচর্যার্থ  
 দাসীদিগকে আদেশ করিলেন। লীলা একা ঘরে একা খেলা করিত, 'এরা  
 আবার কে' বলিয়া প্রথমে একটু জড়সড় হইয়াছিল, কিন্তু বালকের  
 প্রণয় অর্ক দণ্ডেই। সে পিসীদের কোল হইতে কাকীদের কোলে ক্ষণ-  
 কাল বিচরণের পর নামিয়াই পরেশের কণ্ঠাদের সহিত যুটিয়া গিয়াছে।  
 'আধ আধ বকিয়া এঘর ও ঘর বেড়াইতেছে, কাষ্ঠের পুতুলগুলি বাহির  
 করিতেছে, ভগিনীদিগকে এটা ওটা দেখাইতেছে।

বাহির বাড়ীতে বাবুদের পরামর্শ হইয়া কবিরাজ দেখানই স্থির  
 হইল; তদনুসারে হরিতারণ একজন সুযোগ্য কবিরাজ ডাকিয়া  
 আনিলেন। চিকিৎসার বন্দোবস্ত হইল, ঔষধ পত্র আসিল, সেবা  
 শুশ্রূষাও চলিল। হরিশ্চন্দ্র দুই দিন পরেই ঘরে যাইবার অভিপ্রায়  
 প্রকাশ করিলেন, বলিলেন, "তিনি বাড়ীর বন্দোবস্ত করিয়া আসিতে  
 পারেন নাই, কাজ কর্মও ফেলিয়া আসিয়াছেন, না গেলেই নয়।"  
 প্রমদা কি করেন নিরুত্তর রহিলেন। হরিশ্চন্দ্র মাতাকে একাকিনী ফেলিয়া  
 ঘরে ফিরিয়া গেলেন।

শুনিতে পরিবারে অনেক লোক আছেন বটে, কিন্তু প্রমদাও হরি-  
 ঠারণ ভিন্ন অন্য কাহারও দ্বারা বিশেষ সাহায্য হয় না। প্রমদা সর্বদা  
 ঘরের নিকটে বসিয়া থাকেন, দণ্ডে দণ্ডে জল, বেদানা প্রভৃতি দেন,  
 কোন কোন লক্ষণ প্রকাশ পায় তাহা লক্ষ্য করেন। হরিতারণ দিনের  
 বেলায় একবার কালেজে যান এবং অবসর হইলেই আসিয়া রোগীর

পরিচর্যায় নিযুক্ত হন। প্রমদার পরিচর্যে হরিতারণ দুইদিনের মধ্যেই শ্রামা বামা, প্রভৃতির সহিত পরিচিত হইলেন এবং পুত্রাধিক যত্নে পরিচরিত কর্ত্রী ঠাকুরাণীর সেবা করিতে লাগিলেন।

প্রমদা দিন রাত্রি শশ্রু ঠাকুরাণীর পার্শ্বে থাকেন বটে, কিন্তু সেখানে বসিয়াই সকল দিক রক্ষা করিতেছেন। ইতিমধ্যে হরিতারণের সহিত পরামর্শ করিয়া ২০০ টাকা কর্জ করিয়াছেন। সেখানে বসিয়া বসিয়াই একজন নূতন চাকরাণী ঠিক করিয়াছেন; ছুধের বন্দোবস্ত হইয়াছে; সকলের এক এক জোড়া নূতন কাপড় আসিয়াছে; কোন দিকে কোন অসুবিধা বা অপ্রতুল নাই। শ্রামা বামা, মেজ বউ, ছোট বউয়ের কর্ত্রীর সেবা করিতে আসা নামমাত্র, তাহারা সহরে নূতন পদার্পণ করিয়াছে, স্মরণ্য সহর দেখিবার উৎসাহেই সর্বদা ব্যস্ত; ঘর দিয়া কোন দ্রব্য ডাকিয়া যাইবার যো নাই, অমনি বামা ছুটিয়া গিয়া ডাকিয়া আনে এবং আজ বেলারি চুড়ী, কাল কাচের বাটী, পরশু যুক্তার মালা, তৎপর দিন খুকীদের জন্ত কাচের খেলানা এইরূপে প্রত্যহই কিছু না কিছু দ্রব্য ক্রয় হইতেছে। পাছে পরমা চাহিতে হয় এই জন্ত প্রমদা শ্রামা ও মেজ বউএর হাতে ৫ পাঁচ টাকা, এবং বামা ও ছোট বউএর হাতে ৩ টাকা করিয়া দিয়া রাখিয়াছেন। তাহারা রিপুকস্মৃতি পর্যন্ত খাইবার দ্রব্য মনে করিয়া ডাকিতেছে।

প্রমদার গৃহ ইতিপূর্বে নীরব থাকিত। সে মধ্যে মধ্যে নিজের কাষ্ঠ-নির্মিত সন্তানদিগকে নিজের ভাষায় যে তিরস্কার করিত কিম্বা দৈবাৎ আঘাত প্রাপ্ত হইয়া যে রোদন করিত, তন্নিম্ন কোন শব্দ শ্রুত হইত না। এখন পরেশের দুই কন্যা ও লীলা, তিনজনে বাড়ী কোলাহলময় করিয়া ছুলিয়াছে। গৃহিণীর পীড়ার সঙ্গে তাহাদের কোন সম্পর্ক নাই, মাতাদিগের সহর দেখিবার উৎসুক্যের সহিতও তাহাদের কোন

বিষয়ে যোগ নাই; তাহারা ঘণ্টার মধ্যে দশবার বিবাদ, দশবার নালিশ ও প্রায় করিতেছে। কেমন সকল মহামূল্য সামগ্রীর জন্য বিবাদ! হয় একগাছি ভাঙ্গা চুড়ি, না হয় একটু ছেঁড়া সূতা, না হয় একটা পাখীর পালক! এই সকল লইয়া সর্বদাই মারামারি। পরেশের ছোট কণ্ঠাটী দংশনকার্যে বড় পটু। এক একবার লীলাকে কামড়াইয়া কাঁদাইয়া দিতেছে। প্রমদা আসিয়া সকলের মুখচুম্বন করিয়া হাতে কিছু কিছু খাবার দিয়া দাসীর কোলে পাঠাইয়া দিতেছেন।

একদিন প্রমদা নন্দ ও যা-দিগকে সহর দেখিবার জন্য পাঠাইলেন। হরিতারণ গাড়ির বাহিরে বসিয়া গেলেন। হরিতারণ গাড়িতে উঠিবার সময় প্রায় সমগ্র দ্বার বন্ধ করিয়া একটু খুলিয়া রাখিতে বলিয়াছিলেন, কিন্তু সে আদেশ করাই বৃথা। তবে তাঁহারা আর সহর দেখিবেন কি? আর তাঁহারাই যদি সে আদেশ পালন করিতে পারিতেন, পরেশের কণ্ঠা ছুটী শুনিবে কেন, যতবার দ্বার টানা হয়, তাহারা খুলিয়া দেয় এবং দেখিবার পথে ব্যাঘাত আরম্ভ করে। তাঁহারা সহর দেখিতে বাহির হইয়াছেন বটে, কিন্তু উত্তম সহর দেখিতেছেন! “কত গাড়ি দেখ, কত মিঠাই দেখ, কেমন কলা টাঙাইয়া রাখিয়াছে দেখ” এই বলিতে বলিতে এবং একবার এধারে একবার ওধারে মুখ বাড়াইতে বাড়াইতে চলিয়াছেন। হরিতারণ উপর হইতে বলিতেছেন, “এই গড়ের মাঠ।” মহিলারা গাড়ির ঘড় ঘড় শব্দে তাঁহার কথা শুনিতে না পাইয়া, কেহ বা গাধাগুলির প্রতি দৃষ্টিপাত করিয়া বলিতেছেন “ও বুঝি ঘোড়ার ছানা।” হরিতারণ বলিতেছেন “ওই জেলখানা।” ভিতর হইতে একজন বলিতেছেন “ও ভাই জল খাবার; কথা কি বল্ছে।” আর একজন একটা হাড়গিলা দেখিয়া বলিয়া উঠিতেছেন, “ও বাবা ও পাখী? আ মরণ আর কি, পাখীর ঢং দেখ।” হরিতারণ উপর

হইতে বলিতেছেন, “ওইটে যাদুঘর” একজন আভাস মাত্র শুনিয়া জিজ্ঞাসা করিতেছেন “যাদু কাকে বলছে রে ভাই?” অমনি তার একজন বলিয়া উঠিতেছেন “দেখ দেখ্ আমাদের পুঁটার মত একটা মেয়ে, ও কাদের মেয়ে রে ভাই?” ইতিমধ্যে এক একবার এক একজন সাহেবকে দেখিয়া কেহ শিহরিয়া উঠিয়া বলিতেছেন, “ও ভাই ওই বুঝি গোরা রে ভাই।” অমনি সেদিকের দ্বার বন্ধ করা হইতেছে। হরিতারণ কেল্লাতে প্রবেশ করিবার পূর্বে একবার নামিলেন এবং গাড়ির দ্বারের নিকট আসিয়া বলিলেন, “এখন কেল্লার ভিতর যাইব, আপনারা এত গোল করিবেন না। সাহেব সান্ধী আছে দেখিয়া ভয় পাইবেন না।” রমণীদিগের মনে আরও ভয়ের সঞ্চার হইল। “এই যে ওই যে,” গিয়া ফুস্ ফুস্ধ্বনি ও গা টেপাটিপি আরম্ভ হইল। প্রবেশের দ্বারে উপস্থিত হইবামাত্র যেই সসজ্জিন বন্দুক বিশিষ্ট ইংরাজ প্রহরী দর্শন, অমনি বনাৎ করিয়া দ্বার বন্ধ পরেশের ব-ত্তারা শুনিবে কেন, কাঁদিতে আরম্ভ করিল। মেজ বউ প্রথমে তাহাদের গা টিপিলেন, কাণে কাণে বলিলেন, “বাপ রে, গোরা ধরে নেবে।” তাহাতেও নিরস্ত না হওয়াতে বিরক্ত হইয়া অন্তটিপুনী দিতে আরম্ভ করিলেন। শিশুদের রব দ্বিগুণ হইয়া উঠিল। তখন হরিতারণ আবার অবতরণ করিয়া বলিলেন, “এখানে দোর খুলিয়া দেখিতে পারেন, ছেলেরা কাঁদে কেন?” দ্বার খুলিবামাত্র বালকদিগের ক্রন্দনধ্বনি নিরস্ত হইল। হরিতারণ সেখানে দাঁড়াইয়া কামান ও গোলা গুলি দেখাইয়া দিলেন এবং তাহাদের কার্য্য কিরূপ তাহারও কিঞ্চিৎ বর্ণনা করিলেন। শুনিয়া রমণীগণের হৃৎকম্প উপস্থিত হইল।

কেল্লা হইতে বহির্গত হইয়া তাঁহারা গঙ্গাতীরে গেলেন। হরিতারণ নামিয়া জাহাজ দেখাইলেন। অপর একজন বলিলেন “বাবা কত


নৌকা দেখে । গঙ্গাতীর হইতে ফিরিবার সময় বড় সাহেবের বাড়ী ও ময়মেণ্ট দেখাইয়া আনা হইল । রঙ্গিনীরা কল কল করিয়া বাড়ীতে উপস্থিত হইলেন, এবং অর্দ্ধদণ্ডের মধ্যে কেহ কলার কাঁদির বিবরণ, কেহ হাড়গিলা পক্ষীর রক্তাস্ত, কেহ পুঁটীর মত মেয়েটার কথা প্রভৃতি যাহার যাহা বলিবার ছিল বলিয়া ফেলিলেন । প্রমদা কণ্ঠা ছুটীকে কোলে লইয়া মুখচুম্বন পূর্বক তাহারা কি কি দেখিয়াছে জিজ্ঞাসা করিলেন ; তাহারা কি দেখিয়াছিল এবং কি বর্ণন করিল কিছুই বুঝা গেল না । যাহারা বলিবার সময় ব্যাকরণ মানে না, কর্তা ক্রিয়ার বিচার করে না, ছুইটা কথা বলিয়া তিনটা পেটের মধ্যে রাখিয়া দেয়, যাহাদের এক অক্ষর বলিতে আর এক অক্ষর বাহির হইয়া যায়, তাহাদের শব্দ সকলের ভাব গ্রহণ করা পিতা মাতার চিরাভ্যস্ত ও মেহানুরঞ্জিত কর্ণ ভিন্ন মহা টীকাকর্তারও বুঝিবার সাধ্য নাই ।

রঙ্গিনীরা সহর দেখার আনন্দে আছেন, কিন্তু প্রমদার অহোরাত্রের মধ্যে বিশ্রাম নাই বলিলেই হয় । গৃহিণী ক্রমেই অবসন্ন হইয়া পড়িতেছেন । চিকিৎসা বা পথ্যাদির কিছুমাত্র ক্রটি নাই । সহরের সর্বোৎকৃষ্ট কবিরাজেরা দেখিতেছেন, কিছুতেই কোন ফল দর্শিতেছে না । অগ্নাশু পীড়া হইলে আশু ভয়ের কারণ থাকিত, কিন্তু এ পীড়াতে কিছু অধিক দিন ভুগিতে হইবে । কত্রী ঠাকুরাণী পূর্ক্সাবধিই প্রমদার প্রতি বড় প্রসন্ন নন, কলিকাতায় আসিতে কোন ক্রমেই সম্মত হন নাই । অবশেষে তাঁহাকে বলপূর্বক আনা হইয়াছে । একে কত্রীর প্রকৃতি স্বভাবতঃ উষ্ণ, তাহাতে রোগে পড়িয়া দশগুণ অসহিষ্ণু হইয়াছেন । সর্বদাই খিট খিট করেন । ক্ষীণস্বরে কি বলেন, মুখের নিকট কর্ণ না দিলে কেহ বুঝিতে পারে না ; অথচ মনের মত কাজটী না হইলে বিরক্ত হন এবং শিরে করাঘাত করিয়া ভাগ্যের নিন্দা করিয়া থাকেন । এই

কারণে প্রমদা ভিন্ন আর সকলেই তাঁহার প্রতি এক প্রকার বিরক্ত  
 হইয়া উঠিয়াছে, এমন কি শ্রামাও এক একবার 'তবে মরো' বসিয়া  
 চলিয়া যায়। প্রমদা অত্যন্ত সতর্ক থাকেন, সুতরাং কতক কখন কি  
 বলেন, তাহা তিনি অনেক বুঝিতে পারেন, এবং তদনুরূপ কার্য্য করেন।  
 শঙ্ক ঠাকুরানী কখনও কখনও প্রীত হইয়া বলেন, "ভাগ্যে তুমি মানুষের  
 মেয়ে ছিলে, ওদের হাতে পড়লে এত দিন আমার প্রাণটা যেত।"  
 প্রমদা অহোরাত্র সতর্ক হইয়া শঙ্কর সেবা করিতেছেন ; সপ্তাহ গেল,  
 দশ দিন গেল, প্রবোধচন্দ্রের দেখা নাই।







## ত্রয়োদশ পরিচ্ছেদ ।

ওদিকে প্রবোধচন্দ্রেরা দুই ভেয়ে বেরিলিতে আসিয়া উপস্থিত হইলেন। পৌছিতে রাত্রি প্রায় প্রহরকাল অতীত হইল। একে অন্ধকার রাত্রি, তাহাতে বিদেশ। মুটেদিগের কথানুসারে প্রথমে এক বাঙ্গালির দ্বারে আঘাত করিতে লাগিলেন। অনেক ডাকাডাকির পর দ্বার খুলিল; কিন্তু গঙ্গাচরণ বন্ধির বাসার কথা সে ব্যক্তি বলিতে পারিল না। প্রবোধচন্দ্র রাত্রিকালের জন্ম আশ্রয় চাহিলেন, তাহারা আশ্রয় দিতে স্বীকৃত হইল না। অবশেষে মুটিয়াদিগের পরামর্শানুসারে পান্থশালাতে গিয়া সে রাত্রি যাপন করা উচিত বলিয়া স্থির হইল। পশ্চিমে পথিকদিগের জন্ম অনেক স্থানেই এক একটা পান্থশালা আছে। হয় ত কোন রাজা বা কোন ধনী ব্যক্তি কতকগুলি ঘর নির্মাণ করিয়া দিয়াছেন। যাও, থাক, রন্ধন করিয়া খাও, দুইটা পয়সা দাও এক রাত্রির জন্ম একখানি ভাঙ্গা খাটয়া পাইবে। কিন্তু জিনিষ পত্রের জন্ম বিশেষ সতর্ক হইতে হয়। প্রবোধচন্দ্র একে পথশ্রমে ক্লান্ত, তাহাতে দুই তিন

দিন আহার হয় নাই বলিলেই হয়। সে রাত্রেও আহারাদির কোন সুবিধা হইল না। দুই ভেয়ে দুইখানি ভাঙ্গা খাটয়া লইয়া পড়িলেন। খোদাই কিঞ্চিৎ আহারের জন্ত বিশেষ অনুরোধ করিল, কিন্তু তাহার দুইজনে কিছুই আহার করিতে সম্মত হইলেন না। স্বরায় উভয়ের নিদ্রা আসিল, খোদাই একবার ব্যাগটীর কথা জিজ্ঞাসা করিল। প্রবোধ চন্দ্র ঘুমাইতে ঘুমাইতে নিজের গলা হইতে ছোট ব্যাগটা খুলিয়া খোদাই-এর নিকট দিলেন; দিয়া সত্বর নিদ্রিত হইলেন। খোদাই বেচারা আর চক্ষু মুদ্রিত করিতে পারিল না, সে স্বীয় প্রভুর দ্রব্য সামগ্রী রক্ষণাবেক্ষণে নিযুক্ত হইল। প্রবোধচন্দ্রের গায়ে কাপড়খানি সরিয়া গেলে টানিয়া দেয়, মুখটা খুলিয়া গেলে চাপা দিয়া দেয়, এইরূপ করিয়া রাত্রি কাটাইতে লাগিল। খোদাই যে কিরূপ মায়ের মত রক্ষণাবেক্ষণ করিতেছে, প্রবোধচন্দ্র তাহা বুঝিতে পারিলেন না। এইরূপে রাত্রি কাটয়া গেল। পরদিন প্রাতে ভাতদ্বয় গাত্রোথান করিলেন; মুখাদি ধৌত করিলেন, বোচ্কা বুচ্কা আবার বাঁধা হইল; এইবার গঙ্গাচরণ বন্ধির বাসাতে যাইতে হইবে। প্রবোধচন্দ্র পান্থশালার তত্ত্বাবধায়কদিগকে পুরস্কার দিবার জন্ত খোদাইএর নিকট হইতে ছোট চামড়ার ব্যাগটা চাহিয়া লইলেন। খুলিয়া দেখেন, তাহার মধ্যে টাকার ব্যাগটা নাই। অমনি চক্ষুস্থির! বিস্ময়াবিষ্ট হইয়া একবার খোদাইএর মুখদিকে চাহিলেন, এ পকেটে ও পকেটে হাত দিলেন, কাপড় চোপড় উল্টাইয়া পাল্টাইয়া দেখিলেন, কোন স্থানে পাইলেন না। অবশেষে মনে পড়িল যে, পূর্বদিন রাত্রে পান্থশালার আসিয়া মুটিয়াদিগকে দাম দিবার সময় সেটা বাহির করা হইয়াছিল, তৎপরে বোধ হয় আর ভিতরে রাখা হয় নাই। খোদাই সে সময় তত দেখে নাই, বোধ হয় সেই মুটিয়াদের এক জন লইয়া থাকিবে। পান্থশালার কেহ নিশ্চয় নয়

নাই ; কারণ খোদাই বরাবর জাগিয়াছিল । সে মুটিয়াদের নাম কি এবং ~~কী~~ কোথায় তাহা ত জানা নাই । অন্ধকার রাত্রে একবার দেখিয়া দিনের বেলা চিনিয়া লওয়া ভার । কি করেন, ৫০০ টাকার মোটও তাহার মধ্যে । সে চিন্তা যাক, এখন পান্থশালার লোকদিগকে বিদায় করেন কিরূপে ? অনুসন্ধান করিয়া প্রকাশচন্দ্রের পকেট হইতে কয়েকটা পয়সা বাহির হইল, তদ্বারা তাহাদিগকে বিদায় করা হইল ।

তঁাহারা গঙ্গাচরণ বন্ধির উদ্দেশে বাহির হইলেন ; কিন্তু সেই পাড়ায় আসিয়া শুনিলেন, সে ব্যক্তি পুলিশ কর্তৃক ধৃত হইবার ভয়ে পলাতক হইয়াছে । একজন বাঙ্গালী ভদ্রলোক তঁাহাদিগকে বিপন্ন দেখিয়া আশ্রয় দিলেন । প্রবোধচন্দ্র বসিয়া তঁাহার নিকট টাকা চুরির কথা বলিতেছেন এবং পরেশের সবিশেষ সংবাদ জানিবার চেষ্টা করিতেছেন, ইত্যবসরে খোদাই আর এক কার্যে ব্যস্ত আছে । সে দেখিল প্রভুর ঘোর বিপদ, হাতে একটাও পয়সা নাই ; তাহার নাম শুনিয়া আসা হইল, তাহার সহিত সাক্ষাৎ হইল না, প্রবোধচন্দ্র যেরূপ মানী লোক, অপরিচিত ব্যক্তির নিকট ঋণ করিতে তিনি বিশেষ লজ্জিত হইবেন । ইহা ভাবিয়া খোদাই প্রমদার দত্ত গলার মোহরটা বিক্রয় করা স্থির করিল । সে ইত্যবসরে সেই সন্ধ্যানে বাহির হইয়াছে এবং অল্পকাল মধ্যে ১৪টা টাকা লইয়া উপস্থিত হইয়াছে । প্রকাশ ছেলে মানুষ, তার মুখখানি শুকাইয়া যেন তুলসীপাতার গায় হইয়া গিয়াছে । সে অপার ভাবনায় নিমগ্ন হইয়া বাহিরে একটা মোড়ার উপর বসিয়া ভাবিতেছে । খোদাই আসিয়া তঁাহার হস্তে ১৪টা টাকা দিল ; কিরূপে সে টাকা আনিল তাহাও বলিল ।

প্রবোধচন্দ্র গৃহস্থ ভদ্রলোকটাকে আপনাদের বিপদের কথা সমুদয়

জানাইয়াছেন ; আশা করিয়াছিলেন যে, তিনি আপনা হইতে কিঞ্চিৎ অর্থ কর্জস্বরূপ দিতে চাহিবেন, কিন্তু তাহার ভাব-গতিকে সেরূপ ~~আহার~~ বোধ হইল না, সুতরাং আর সেরূপ প্রার্থনা জানাইতেও সাহসী হইলেন না । পরেশের বিষয় অনুসন্ধান করিয়া এইমাত্র জানিতে পারিলেন যে, সে এক মারপিটের মোকদ্দমাতে কয়েদ হইয়াছে । পরেশ যে এত দুরাচার হইয়া উঠিয়াছে, তাহাতে প্রবোধচন্দ্রের প্রাণ যেন ফাটিয়া যাইতে লাগিল । পরেশের অন্বেষণ পরের কথা, এখন টাকা না হইলে এক পা চলাই দুষ্কর, প্রবোধ ঋণ চাই চাই করিয়াও চাহিতে পারিলেন না । বাহিরে প্রকাশের কাছে আসিবামাত্র প্রকাশ টাকাগুলি হাতে দিলেন এবং খোদাইএর কার্য্য বর্ণনা করিলেন । প্রবোধচন্দ্রের একবার ইচ্ছা হইল খোদাইকে কোল দেন, কিন্তু তাহা করিলেন না ; 'কেবল কৃতজ্ঞতা-পূর্ণ দৃষ্টিতে তাহার মুখের দিকে একবার চাহিলেন । টাকাগুলি পাইয়া মনটা অনেক সুস্থির হইল ।

প্রবোধচন্দ্র আহালাদির পর পরেশের অনুসন্ধানে বাহির হইলেন এবং সন্ধ্যার সময় একেবারে তাহার মোকদ্দমার কাগজ পত্রের নকল শুদ্ধ লইয়া প্রতিনিবৃত্ত হইলেন । বিষয়টী এই,—একজন হিন্দুস্থানী গৃহস্থের বাড়ীর পাশে কয়েকজন বাঙ্গালী বাবু আমোদ প্রমোদের জন্ত জুটিতেন । তাহাদের মাতলামি ও উপদ্রবে সে গৃহস্থের সপরিবারে বাস করা দুষ্কর হইয়া উঠে । এই সূত্রে সে ব্যক্তির সহিত মাতাল বাবুদের প্রায় গালাগালি হইত, এমন কি একদিন মারামারি পর্য্যন্ত হইয়া যায় । বাবুরা প্রতিহিংসার্থ একদিন গৃহস্থের বাড়ীতে বলপূর্ব্বক প্রবেশ করিয়া তাহাকে প্রহার করেন । এমন কি তাহার অন্তঃপুরে পর্য্যন্ত যাইতে কুণ্ঠিত হন নাই । কেবল তাহাও নহে, সেই ব্যক্তি আদালতে অভিযোগ উপস্থিত করে । উক্ত গৃহস্থের পরিজনগণ কেবল একজন বাবুকে

বিশেষরূপে চিনিয়া বাহির করিতে পারিয়াছিল। কিন্তু উহারা পরেশকে নরকদাত্তাহাদের সঙ্গে দেখিত এবং পূর্বে কয়েকবার যে গালাগালি হয়, তাহাতে পরেশই বাবুদের মুখপাত্র স্বরূপ হইয়া তাহার সঙ্গে বিবাদ করিয়াছিল; সুতরাং সে সন্দেহের উপর পরেশেরও নাম করে। দুর্ভাগ্যক্রমে পরেশের গৃহ হইতে অপহৃত দ্রব্যের কিছু কিছুও পাওয়া যায়। এই অপরাধে পরেশের মেয়াদ ও জরিমানা এবং জরিমানা না দিলে আরও কারাবাসের দণ্ডাজ্ঞা হইয়াছে।

প্রবোধচন্দ্র দেখিলেন, সামান্য প্রমাণে পরেশের দণ্ড হইয়াছে। সে যে মারামারির সময় উপস্থিত ছিল তাহার স্পষ্ট প্রমাণ নাই, বরং সে সময়ে : তাহার গৃহে থাকার বিষয়ে প্রমাণ আছে, এবং অপহৃত দ্রব্য তাহার পাইবার যে কারণ পরেশ বলিয়াছে তাহাও যুক্তিসঙ্গত। পরেশ বলিয়াছে যে, উক্ত মারামারিতে সম্পৃক্ত ব্যক্তিদিগের একজন সে রাত্রে তাহার বাড়ীতে আশ্রয় লয়, এবং ঐ দ্রব্য সেই ব্যক্তি ফেলিয়া যায়। তাহার প্রমাণও ছিল, কিন্তু বিচারপতি তাহাতে বিশ্বাস করেন নাই। দেখিবামাত্র প্রবোধচন্দ্র আপীল করা কর্তব্য স্থির করিলেন।


পরদিন প্রাতে জেলের তত্ত্বাবধায়কের অনুমতিক্রমে পরেশের সহিত সাক্ষাৎ করিলেন। তাঁহাকে দেখিয়া পরেশ অধোবদন হইয়া কাঁদিতে লাগিল। প্রবোধচন্দ্রের মর্মের মধ্যে কি যাতনা হইয়াছিল তাহা তিনিই জানেন।

প্রবোধচন্দ্র জেল হইতে আসিয়াই, আপীল করিবার জন্ত এলাহাবাদ যাত্রা স্থির করিলেন। কিন্তু মোকদ্দমাটি চলিতে কত দিন লাগিবে, তাহার স্থিরতা নাই। তিনি কার্যের ক্ষতি করিয়া ততদিন থাকিতে পারিবেন না; টাকা কড়ির যোগাড় করিয়া উকীল নিযুক্ত করিয়া প্রকাশকে তত্ত্বাবধানের ভার দিয়া যাইতে হইবে। টাকা কোথায়

পাইবেন? একবার ভাবিলেন, প্রমদাকে টাকা পাঠাইতে লিখি। আবার মনে করিলেন, প্রমদাই বা কোথায় পাইবেন। অবশেষে লক্ষ্মী নগরে একজন সম্ভ্রান্ত বন্ধুর কথা মনে পড়িল। তাঁহার নিকট হইতে অর্থ কৰ্জ করা স্থির করিলেন; এ কয়েকদিন তাড়াতাড়িতে তিনি প্রমদাকে পত্র লিখিতে সময় পান নাই; এক্ষণে তাড়াতাড়ি সমুদয় বিপদের সংবাদ দিয়া তাঁহাকে লক্ষ্মীএর বন্ধুটির ঠিকানায় পত্র লিখিতে বলিয়া, প্রবোধচন্দ্র সেইদিন রাত্রি প্রভাত হইতে না হইতেই লক্ষ্মী যাত্রা করিলেন এবং লক্ষ্মী হইতে অর্থাদির যোগাড় করিয়া এলাহাবাদে গিয়া উপস্থিত হইলেন।

এদিকে প্রমদার প্রত্যুত্তর-লিপি আসিয়া চারি পাঁচ দিন লক্ষ্মীএ পড়িয়া আছে। তাঁহার বন্ধু বাড়ীতে না থাকাতে কেহ পাঠায় নাই। প্রবোধের পত্র না পাইবার কারণ এই। প্রমদার পত্র হস্তগত হইলে প্রবোধচন্দ্র মাতাঠাকুরাণীর পীড়ার কথা অবগত হইলেন। তখন পরেশের মোকদ্দমার দিন স্থির হইয়াছে, তিন চারি দিন পরে হইবার কথা। প্রবোধচন্দ্র সেই কয় দিনের অপেক্ষা করিতেছিলেন, কিন্তু আর অপেক্ষা করিতে পারিলেন না। দুই জন ভাল উকীল নিযুক্ত করিয়া মোকদ্দমা বুঝাইয়া দিয়া খোদাই এবং প্রকাশচন্দ্রকে রাখিয়া কলিকাতার অভিমুখে যাত্রা করিলেন।





## চতুর্দশ পরিচ্ছেদ ।

প্রবোধচন্দ্র বাড়ী আসিয়া পৌঁছিয়াছেন। কর্তীর পীড়া ক্রমেই অত্যন্ত বৃদ্ধি প্রাপ্ত হইয়াছে। প্রবোধচন্দ্র বাড়ী আসাতে প্রমদার মৃতদেহে যেন প্রাণের সঞ্চার হইয়াছে। তিনি এখন দ্বিগুণ উৎসাহের সহিত শশুর সেবায় নিযুক্ত হইয়াছেন। হরিশচন্দ্র বাড়ীর বন্দোবস্ত করিয়া কলিকাতায় আসিয়াছেন। কবিরাজেরা নিরাশ হইয়া ছাড়িয়া দিয়াছেন। কিয়ৎকাল ইতস্ততঃ করিয়া অবশেষে ভবানীপুরে তাঁহাকে গঙ্গাযাত্রা করাই স্থির হইয়াছে। গঙ্গাযাত্রার বন্দোবস্ত হইতেছে। কে কে সঙ্গে থাকিবেন, কে কে রাত্রিজাগরণ করিবেন, তাঁহাদিগের আহারাদির কিরূপ ব্যবস্থা হইবে, এই সকল আলোচনা হইতেছে। কর্তীর যখন পরলোক হয়, তখন বেমন শোকের উচ্ছ্বাস দেখা গিয়াছিল, এখন সেরূপ দেখা যাইতেছে না। প্রবীণগোছ লোকেরা বলিতেছে, বুড়ীর মরিবার বয়স হইয়াছে, আহা পুণ্যবতী, এরূপ বৌ বেটা নাতি পুতি রাখিয়া মরিতে পারিলে ত হয়। শ্রামা এক একবার মায়ের ঘরে

প্রবেশ করিয়া কাঁদিতেছে, এক একবার মুখের নিকট অবনত হইয়া মা মা করিয়া ডাকিতেছে। কত্রী ঠাকুরাণীর চৈতন্য নিমিলিত নহে; তিনি হস্ত নাড়িয়া বারণ করিতেছেন। অল্প দুই বৃণ্ড শ্রামার রোদনের সহিত যোগ দিয়া ঘোমটার অন্তরালে এক একবার কাঁদিতেছেন। প্রমদার মুখখানি নিতান্ত মলিন। প্রবোধচন্দ্র মায়ের পার্শ্বে দিনরাত্রি বসিয়া আছেন। কত্রী ক্ষীণস্বরে মধ্যে মধ্যে 'বাবা প্রবোধ' বলিয়া ডাকিতেছেন, এবং হয় ত হাতখানি তুলিয়া তাহার কোলের উপর দিতেছেন। হরিশ্চন্দ্র আসিয়া ডাকিয়া জিজ্ঞাসা করিলেন, "মা গঙ্গা দর্শনে কি ইচ্ছা আছে?" কত্রী হস্তের ইসারা দ্বারা সম্মতি জানাইলেন। অমনি তাঁহাকে গঙ্গাযাত্রা করিবার আয়োজন হইতে লাগিল। বাহকগণ সাজিয়া প্রস্তুত হইলেন; রমণীদিগের জন্ত গাড়ী আসিল; হরিশ্চন্দ্র, প্রবোধ ও হরিতারণ পাছুকাবিহীন পদে কোমরে গামছা বাঁধিয়া সজে যাইবার জন্ত প্রস্তুত হইলেন; সেজ বউ ও প্রমদা কণ্ঠাগুলি ফেলিয়া যাইতে পারিলেন না; শ্রামা, বামা ও ছোট বউ যাইবার জন্ত প্রস্তুত হইলেন। প্রবোধের অন্তঃপুর মধ্যে শ্রামার আর্তনাদ ও বধুদিগের গুন্ গুন্ রোদনধ্বনি উদ্ভিত হইল। শ্রামা বামা ও ছোট বউ কাঁদিতে কাঁদিতে গিয়া গাড়িতে উঠিলেন। সকলে গৃহিণীকে বহন করিয়া বাহির হইলেন।

গঙ্গাতীরে উপনীত হইয়া হরিশ্চন্দ্র চীৎকার করিয়া বলিলেন, "মা গঙ্গাদর্শন কর।" কত্রী উদ্দেশে কোন প্রকারে নমস্কার করিলেন। তৎপরে একটা ঘর মনোনীত করিয়া তাহাতে শয্যা প্রস্তুত হইল। কত্রীকে পুনরায় শয়ন করাইয়া হরিশ্চন্দ্র, শ্রামা, ছোট বউ ও একজন চাকর সেখানে রহিলেন; প্রবোধচন্দ্র, হরিতারণ ও বামাকে লইয়া, একখানি গাড়ি করিয়া আহার করিবার জন্ত বাড়ীতে আসিলেন এবং তাড়াতাড়ি কয়জনে স্নান আহারাди সমাপন করিয়া পুনরায় গঙ্গাতীরে গিয়া




শ্রামা প্রভৃতিকে আহারের জন্ত পাঠাইয়া দিলেন । এক দল যান, এক দল আসেন ; প্রমদা ও সেজ বউ ছেলেদিগকে আহারাদি করাইয়া দাসীর নিকটে দিয়া ছপর বেলা যান, সমস্ত দিন স্বশ্রম নিকট বসিয়া থাকেন, সংস্কার প্রাক্কালে গৃহে প্রতিনিবৃত্ত হন । এইরূপে কত্রীর সেবা চলিল । বৃদ্ধ লোকের প্রাণ গিয়াও দশ দিন থাকে । গৃহিণী গঙ্গাতীরেই ৪১৫ দিন শ্বসিতে লাগিলেন । ফিরাইয়া আনিবার মত আকার নয়, অথচ হঠাৎ মৃত্যু হইবারও আকার নয় ।

পঞ্চম দিন প্রত্যুষে পরেশ এবং প্রকাশ প্রবোধচন্দ্রের দ্বারে আসিয়া আঘাত করিতেছেন । প্রবোধচন্দ্র ব্যস্ত সমস্ত হইয়া বাহিরে আসিলেন, প্রমদা পরেশকে দেখিবার জন্ত ছুটিয়া গৃহের বাহির হইলেন, কিন্তু তাহার আর দাঁড়াইতে পারিল না । সত্বর জননীর উদ্দেশে গঙ্গাতীরের দিকে ধাবিত হইল । প্রবোধও মুখে হাতে একটু জল দিয়া গঙ্গাতীরের দিকে ধাবিত হইলেন । প্রমদা প্রভৃতিও সত্বর গাড়ী করিয়া পশ্চাদ্বর্তী হইলেন । পরেশ ও প্রকাশ উপস্থিত হইবামাত্র, শ্রামা “সেজ দাদা গো, মা আর নাই গো” বলিয়া কাঁদিয়া উঠিল । পরেশ এবং প্রকাশ উভয়েই অবনত হইয়া “মা মা” করিয়া ডাকিতে লাগিল । আর মা চক্ষু উন্মীলিত করেন না ! হরিশ্চন্দ্র বলিতে লাগিলেন, “মা পরেশ ও প্রকাশ আসিয়াছে দেখ ।” জননীর আর সংজ্ঞা নাই ; গলদেশে ঘড় ঘড় ধ্বনি শ্রুত হইতেছে ; চক্ষে জাল পড়িয়া আসিতেছে ; হস্তপদাদি শিথিল হইয়া আসিতেছে ; ইত্যবসরে প্রবোধচন্দ্র আসিয়া উপস্থিত হইলেন । সময় বুঝিয়া ‘ধর ধর’ করিয়া চারি ভ্রাতায় গঙ্গাজলে নামাইলেন ; গঙ্গামৃত্তিকার ফোঁটা করিয়া দিলেন ; অগ্ন্যাগ্ন মৃত্যুকালীন আচরণের কিছু ক্রটি হইল না । হরিশ্চন্দ্র দক্ষিণ হস্তে জলগণ্ড লইয়া জননীর মুখে দিতে লাগিলেন এবং উচ্চৈশ্বরে জননীর কর্ণে পরমেশ্বরের নাম উচ্চারণ করিতে

লাগিলেন । ওদিকে শ্যামা আলুলায়িত কেশে “মা রে, আমাকে কার কাছে রেখে গেলি রে” বলিয়া চীৎকার করিতেছে ; বধূরা আকুল হইয়া কাঁদিতেছে ; বামা “মা গো ও গো মা গো” বলিয়া নিকটে দাঁড়াইয়া কাঁদিতেছে । পরেশের আজ দুঃখের অবধি নাই । সে মায়ের সঙ্গে বিবাদ করিয়া গিয়াছিল ; কোথায় আসিয়া পায়ে ধরিয়া মাপ চাহিবে, আপনার দুর্দশা ও কারাবাসের কথা বলিবে, না, মা একবার চাহিলেন না, একটা কথা বলিলেন না, জন্মের মত পরিত্যাগ করিয়া চলিলেন । আহা ! হতভাগ্য পরেশ আজ কাঁদার উপর বসিয়া পড়িয়াছে এবং “মা গো একটা কথা কয়ে যাও গো, মা গো অধম সন্তানকে মাপ করে যাও গো” বলিয়া আকুল হইয়া কাঁদিতেছে । কতক্ষণ পরে প্রাণবায়ু জননীৰ দেহকে পরিত্যাগ করিল । ভ্রাতৃচতুষ্টয় তীরের উপরে উঠিয়া আসিলেন এবং দাহাদির আয়োজন করিতে লাগিলেন । হরিতারণ “রমণীদিগকে বাড়ীতে লইয়া যাইবার জন্ত গাড়ীতে তুলিলে, তাঁহারা কোলাহলপূৰ্ব্বক কাঁদিতে কাঁদিতে বাড়ী চলিলেন ।

দাহকার্য্য সমাধা হইল ; ভ্রাতৃগণ গৃহে ফিরিলেন ; হরিশ্চন্দ্র শ্যামা প্রভৃতিকে কতক বুঝাইয়া কতক তিরস্কারপূৰ্ব্বক নিরস্ত করিতে লাগিলেন । এখন শ্রাদ্ধাদির পরামর্শ আরম্ভ হইল । দুই দিন পরেই হরিশ্চন্দ্র প্রকাশ, শ্যামা প্রভৃতিকে লইয়া গৃহাভিমুখে যাত্রা করিলেন ; প্রবোধ ও পরেশ ক্রয় বিক্রয়াদি করিয়া শেষে যাইবার জন্ত কলিকাতায় রহিলেন । বলা বাহুল্য যে, প্রমদাও সঙ্গে যাইবার জন্ত থাকিলেন । বামাও সেজ বউএর সঙ্গিনী হইয়া রহিল ।





## পঞ্চদশ পরিচ্ছেদ ।

কত্রীর শ্রাদ্ধাদির পর অনেক দিন গত হইয়াছে। বাবা প্রমদার সঙ্গে আসিয়া বাস করিতেছে। সে হতভাগিনী জননী মৃত্যুর কিছুদিন পরেই বিধবা হইয়াছে! তাহাকে স্বশ্রবণ করিতে হইল না। অগ্ন্যগ্ন পরিবার দেশেই আছে। পরেশ এখন স্মৃতি হইয়া প্রকাশের সঙ্গে এক বাসাতে আছে। প্রবোধচন্দ্রের দিন আবার পূর্বের তায় সুখে যাইতেছে। তিনি বাবার লেখা পড়া শিখিবার বিশেষ উপায় করিয়া দিয়াছেন! সে দেখিতে দেখিতে বাঙ্গালা ইংরাজী অনেক শিখিয়া ফেলিয়াছে এবং শিল্পকার্যে বিশেষ পরিপক্বতা লাভ করিয়াছে। লীলা এখন ৩৪ বৎসরের হইয়াছে। আর চৌকাটটা পার হইতে হইলে দশ জনের সাধ্যসাধনা করিতে হয় না। এখন সে ভিতর বাড়ী, বাহির বাড়ী, এমন কি প্রতিবেশীদের গৃহ পর্যন্ত গত্যাত করিতে পারে। প্রবোধচন্দ্রের সকল দিকই সুপ্রতুল। আর বাড়িয়া তিনি একখানি নিজের গাড়ী করিয়াছেন। ভাল ভাল গৃহসামগ্রীও অনেক বাড়িয়াছে।

তঁাহার আর কোন অসুখ নাই, কেবল বামার বৈধব্যই শেলসমান প্রাণে বিধিয়া আছে। মধ্যে মধ্যে প্রমদার সহিত নির্জনে সেই কথাই হয়। দুই স্ত্রী পুরুষে যুক্তি করিয়া অবশেষে বামাকে হরিতারণের সহিত বিবাহ দিবার পরামর্শ করিয়াছেন। হরিতারণ তঁাহাদের অপরিচিত লোক নন। বামারও তঁাহার সহিত পূর্কাবধি পরিচয় আছে, সুতরাং হরিতারণ যখন বাড়ীতে আসেন, প্রমদা উভয়ের ভাবগতিক লক্ষ্য করিয়া থাকেন। হরিতারণের যে বামার প্রতি অনুরাগ জন্মিয়াছে সে বিষয়ে তঁাহাদের সন্দেহ নাই! বামার ভাব সেরূপ জানিতে পারা যাইতেছে না। প্রমদা বিবাহের কথা জিজ্ঞাসা করিলে বামা লজ্জায় মুখ অবনত করিয়া থাকে, সুতরাং হঠাৎ জানিবার উপায় নাই।

যাহা হউক তঁাহারা উভয়ে মনে মনে এপ্রকার সংকল্প করিতেছেন, এমন সময়ে হঠাৎ একদিন ঘোর বিপদ উপস্থিত। প্রমদা দিবাকালে প্রায় নিদ্রা যান না। কিন্তু একদিন দুর্দৈব বশতঃ প্রমদা আহারান্তে শয়ন করিয়া পড়িতে পড়িতে ঘুমাইয়া পড়িয়াছেন। দাসীরা তঁাহার নিকট লীলাকে রাখিয়া স্নানার্থ গিয়াছে। লীলা ঘরের কোণে আপনার মনে হাঁড়িকুড়ি লইয়া খেলিতেছে।

প্রমদা অর্ধ ঘণ্টায় অধিক কাল নিদ্রিত ছিলেন না। চকিতের গ্রায় নিদ্রাভঙ্গ হইলে চাহিয়া দেখেন, লীলা ঘরের মধ্যে নাই। লীলা লীলা বলিয়া ডাকিলেন; আর সে ময়না পাখিটার মত “উঁ” করিয়া ডাক শুনিল না। প্রমদা বাহিরে আসিলেন, দাসীদিগকে জিজ্ঞাসা করিলেন, তাহারা বলিল “লীলা ঘরেই আছে।” এ ঘর ও ঘর দেখিলেন, কোন স্থানে নাই। পরে বাহিরে খোদাইএর নিকট দেখিতে বলিলেন, সেখানে নাই। ক্রমে অন্তঃপুর মধ্যে “ওমা সে কি গো!

‘ওমা সে কি গো!’ শব্দ উথিত হইল। দাসীরা আহাৰ করিতে করিতে উঠিল। খোদাই আহাৰ ফেলিয়া ধাবিত হইল! চারিদিকে লোকের ছুটাছুটি পড়িয়া গেল! সকল দিক্ হইতে লোক ফিরিয়া আসিল, কোন দিকে লীলার উদ্দেশ্য পাওয়া গেল না। তখন জননী অধীর হইয়া উঠিলেন এবং আবার এ ঘর ও ঘর খুঁজিতে এবং ‘লীলা লীলা’ করিয়া ডাকিতে আরম্ভ করিলেন।

‘এদিকে লীলার বিড়ালটী আৰ্ত্তনাদ করিতে করিতে একবার খিড়কীর দ্বারের দিকে যাইতেছে, আবার ঘরে ছুটিয়া আসিতেছে। প্রমদা লক্ষ্য করিয়া দেখেন, দ্বারটী খোলা রহিয়াছে। তখন তাঁহার হৃৎকম্প উপস্থিত হইল। লীলা যে বিভ্রাট ঘটাইয়াছে, তাহা অনুভব করিতে আর বাকী রহিল না; তৎক্ষণাৎ খিড়কীর দ্বার দিয়া পার্শ্ববর্তী পুষ্করিণীর দিকে ধাবিত হইলেন। বিড়ালটী ডাকিতে ডাকিতে পুকুরের চারি ধারে বেড়াইতে আরম্ভ করিল। প্রমদা কিং-কর্তব্য-বিমূঢ়ার স্থায় কি করেন ভাবিয়া পান না। সকলেই স্ত্রীলোক, কাহারও সাধ্য নাই যে জলে অধরণ করে। পুরুষেরা কেহ বাড়ীতে নাই, খোদাই তখনও লীলার অন্বেষণে বাহিরে ঘুরিতেছে। প্রমদা ও দাসীদের ক্রন্দনে প্রতিবেশী উকীল বাবুটীর মাতা ও পত্নী ছুটিয়া আসিয়াছেন এবং তাঁহারাও আসিয়া সেই ক্রন্দনের রোলে যোগ দিয়াছেন। এমন সময় খোদাই উপস্থিত। খোদাইএর আর কথা বার্তা নাই, প্রশ্ন নাই, শোকসূচক আৰ্ত্তনাদ নাই, একেবারে জলে ঝাঁপ দিয়া পড়িল এবং ডুবের উপর ডুব দিয়া লীলার দেহের অন্বেষণ আরম্ভ করিল। কয়েকবারের পর খোদাই একেবারে লীলার মৃত দেহ স্কন্ধে করিয়া উঠিল। হায়! হায়! লীলা যে স্কন্ধে আরোহণ করিয়া নব বিকশিত দন্ত-পংক্তির শোভাতে নয়ন মন হরণ করিয়া বেড়াইত, আজ সেই স্কন্ধে লীলা চড়িল,

কিন্তু সে হাসি আর প্রকাশ পাইল না। শরীর উঠিবামাত্র প্রথমে আনন্দধ্বনি উঠিল; কিন্তু সে ধ্বনি অচিরে যোরতর শোকধ্বনিতে পরিণত হইল।


প্রমদা তনয়ার মৃতদেহ ক্রোড়ে করিয়া বসিলেন। “লীলা, লীলা” করিয়া ডাকিতে লাগিলেন, একবার হাতখানি নাড়েন, একবার নামারন্ধ্রে হস্ত দিয়া দেখেন, একবার গলদেশে হস্ত দিয়া স্পর্শ করেন; লীলার চেতনা নাই। অবশেষে অধীর হইয়া রোদন করিতে আরম্ভ করিলেন। কেহ বলিতেছে “ও গো প্রবোধ বাবুর নিকট লোক পাঠাও” কেহ বলিতেছে “ডাক্তার ডাক।” এমন সময় প্রবোধচন্দ্র আসিয়া উপস্থিত হইলেন। খোদাই লীলাকে তুলিয়া তাঁহার নিকট গিয়াছিল। প্রবোধ পদার্পণ করিবামাত্র শোকের ধ্বনি চতুর্গুণ হইল; প্রমদা তাঁহার মুখের দিকে চাহিতে পারিলেন না, কেবল ফুলিয়া ফুলিয়া রোদন করিতে লাগিলেন। প্রবোধচন্দ্রের আজ আর চলিবার শক্তি নাই; বলিবার শক্তি নাই; একেবারে যেন বজ্রাহতের ঞায় কিয়ৎকাল নিশ্চেষ্ট হইয়া দাঁড়াইয়া রহিলেন।

ক্রমে ডাক্তারও আসিল, ঔষধও আসিল, জলও বাহির হইল, কিন্তু লীলার চেতনা আর হইল না। সে ত আর ক্ষুদ্র ক্ষুদ্র দন্তগুলিতে মিষ্ট হাসিয়া ‘মা’ বলিল না; অত্ৰ দিন পিতা কাছারি হইতে আসিলে সঙ্গে সঙ্গে ঘুরিয়া আধ আধ ভাষার কত কি জিজ্ঞাসা করে, আজ ত সংবাদও লইল না; অত্ৰ দিন খোদাইকে কেহ তামাসা করিয়া মারিতে গেলে রোদন করে, আজ সেই খোদাইয়ের চক্ষে জলধারা বহিল, লীলা সান্ত্বনা করিল না। ক্রমে লোকে প্রমদার ক্রোড় হইতে মৃত কণ্ঠা বলপূর্বক লইয়া গেল; তিনি গৃহে আসিয়া ধরাশায়িনী হইলেন; তিনি বামার ঞায় উন্মাদিনী হইলেন না; দাসীদের ঞায় শিরে করাঘাত করিলেন না;

কিন্তু তাঁহার সেই গভীর গুন্ গুন্ ধ্বনির পশ্চাতে কি প্রবল অন্তর্দাহ রহিল, নবল পাঠিকা যদি দুর্ভাগ্য ক্রমে ক্রোড়ের নিধি হারাইয়া থাক, তবে বুঝিবে ।

উকীল বাবুর মাতা ও পত্নী অল্প শোকাকর্ষিত পরিবারের পরিচর্যা নিযুক্ত হইলেন । আজ আর কেহই শোক করিতে বাকি রহিল না । রূপী বিড়াল আজ কাঁদিয়া এ ঘর ওঘর করিয়া বেড়াইতে লাগিল ; আর ত লীলাবতী তাহার কণ্ঠালিঙ্গন করিয়া নিদ্রা যাইবে না । তাহার কাতর-ধ্বনিতে দর্শকদিগেরও চক্ষে অশ্রু বহিতে লাগিল ।





## ষোড়শ পরিচ্ছেদ ।

কাল মানবের শোককে অধিক দিন নূতন রাখে না। লীলাবতীর দারুণ শোক প্রবোধচন্দ্র ও প্রমদার প্রাণে বড় বাজিয়াছিল, কিন্তু শোকের তীব্রতা ক্রমে হ্রাস হইয়া আসিয়াছে। তবে লীলাবতী মরা অবধি প্রবোধচন্দ্রের মন যেন কিছু কিছু উদাস হইয়াছে। আর তাঁহার বাড়ীতে সন্ধ্যার পর গীতবাণের ধ্বনি শ্রুত হয় না ; আর শিক্ষা দিবার জন্ত সে বাড়ীতে বিবিদের গতিবিধি নাই ; আর তাঁহারা সন্ধ্যার সময় বায়ুসেবনার্থ যান না ; আর কাহারও নিমন্ত্রণ গ্রহণ করেন না। প্রমদা লীলাবতীর পুতুলগুলি, ছোট ছোট গাড়িগুলি, ছোট হাঁড়িগুলি ছোট কাপড়খানি একটী ঘরে সাজাইয়া রাখিয়াছেন, তাহার একটীও কাহাকে সরাইতে দেন না ; মধ্যে মধ্যে সেই ঘরে গিয়া সেই সকল দ্রব্যের মধ্যে এক একবার শয়ন করিয়া রোদন করেন। প্রবোধচন্দ্রের নিজের প্রাণে বড় আঘাত লাগিয়াছে সত্য, কিন্তু তিনি প্রমদাকে ভুলাইয়া রাখিবার জন্ত সর্বদা ব্যস্ত ; মধ্যে মধ্যে নানা স্থানে লইয়া যাইতে চান ; কিন্তু প্রমদা কোন স্থানে যাইতে ইচ্ছক হন না।



যাহা হউক প্রাণের মধ্যে এই গুরুতর বেদনা থাকিলেও প্রবোধ-  
চন্দ্রের গৃহের কার্য্য সকল পূর্ব্ভাব প্রাপ্ত হইয়াছে ; লোক জনের যাওয়া  
আসা, কাজ কর্ম্ম পূর্ব্বেই গুণ্য চলিতেছে। প্রকাশচন্দ্র এবং হরিতারণ  
'পূর্ব্বাপেক্ষা' ঘন ঘন আসিয়া থাকেন। প্রমদাকে নানা প্রকারে বিনোদন  
করা তাঁহাদের উদ্দেশ্য। দাদা ও বউদিদীর শোকের অন্তরালে বামার  
প্রণয় অল্পে অল্পে বর্দ্ধিত হইতেছে। তিনি, মনে মনে হরিতারণের  
অশেষ সদ্গুণের পক্ষপাতিনী হইয়াছেন। সে জন্ম প্রবোধ, প্রমদা  
এবং প্রকাশচন্দ্র সকলেই সুখী হইয়াছেন, এবং তাঁহাকে উক্ত সংপাত্র-গত  
করিবার সংকল্প আবার তাঁহাদের মনে উদ্ভিত হইয়াছে।


কিছুদিন পরে আবার একটী সুসন্তান প্রমদার ক্রোড় অলঙ্কৃত  
করিল। কিন্তু এবার প্রসব সময়ে প্রসূতিকে ভয়ানক ক্লেশ পাইতে  
হইল। দুই তিন দিন যাতনা ভোগের পরে তিনি একটী পুত্র সন্তান  
প্রসব করিলেন। দাস দাসী, আত্মীয় স্বজন, হিতৈষী বন্ধু সকলে পরম  
আনন্দিত হইলেন ; কারণ প্রমদার শোক সকলেরই প্রাণে বাজিয়াছিল।  
বাছোত্তম ও আমোদ-কোলাহলে দুই তিন দিন পাড়ার লোকের কাণ  
পাতিলার মো রহিল না ! কিন্তু হায় ; সে সুখ স্থায়ী হইল না। দুই  
তিন দিন পরেই নবজাত শিশুর এক প্রকার পীড়ার সঞ্চার হইল, এবং  
অষ্টাহের মধ্যেই সেই পুষ্পটী বিলীন হইল। আমাদের প্রমদা স্মৃতিকা-  
গারে রোদন করিবেন কি, নিজেই গুরুতর পীড়ায় আক্রান্ত হইলেন।  
তাঁহার 'চিন্তায় প্রবোধচন্দ্রের আর শোক করিবার অবসর হইল না।  
তাঁহার পীড়া ক্রমেই বৃদ্ধি পাইতে লাগিল ; তিনি স্মৃতিকাগৃহ হইতে  
শয়নাগারে আনীত হইলেন। যে প্রমদা প্রবোধচন্দ্রের জন্ম সর্ব্বস্বাস্ত  
হইয়াছিলেন, যিনি প্রবোধের চিন্তার ভার নিজ মস্তকে লইয়া ছিন্নবস্ত্রা ও  
অস্থিচর্ম্মসার হইয়াছিলেন, সেই প্রমদার চিকিৎসার সময়। পাঠিকা,


আপনি সহজেই বুঝিতে পারিতেছেন চিকিৎসার কিরূপ আয়োজন হইল। একজন ভাল এদেশীয় ডাক্তার ও একজন ইংরাজ ডাক্তার নিযুক্ত হইলেন। তাঁহাদের জন্ম নিত্য ৪০।৫০ টাকা ব্যয় হইতে লাগিল। এতদিন তিনি কয়েক দিন পরেই নিজে কাছারি যাওয়া বন্ধ করিলেন। প্রমদা রোগ-যাতনার মধ্যে থাকিয়াও বার বার তাঁহাকে কাছারি যাইবার জন্ম অনুরোধ করেন, কিন্তু প্রবোধচন্দ্রের হস্ত পদ চলে না, তিনি কি করিবেন। প্রমদার পীড়ার সংবাদ পাইয়া প্রকাশচন্দ্র বাড়ী আসিলেন। প্রকাশ, বামা, হরিতারণ এবং প্রবোধচন্দ্র এই কয়জনে পালা করিয়া রোগশয্যার পার্শ্বে বসিয়া সেবা করিতে আরম্ভ লাগিলেন। প্রমদা রোগ-যন্ত্রণার দুঃসহ ক্লেশ ভোগ করিতেছেন, যাতনার আধিক্য বশতঃ এক একবার মূর্ছিত হইতেছেন, কিন্তু তাহার ভিতর হইতেই সর্বদা পরিবারস্থ সকলের তত্ত্বাবধান করিতেছেন। কখনও বা প্রকাশচন্দ্র ও হরিতারণকে নিদ্রা যাইবার জন্ম উঠিয়া যাইতে বলিতেছেন, এমন কি দাসীগুলির ক্লেশ হইতেছে কি না তাহাও সংবাদ লইতেছেন।

আজ আমাদের প্রমদা পীড়িতা ; তাঁর সেবা করিবার লোকের অপ্রতুল কি ? তাঁহার বন্ধু নয়, তাঁর গুণে বাধা নয়, এমন কে আছে ? উকীল মাতা ও উকীল-পত্নী সর্বদাই তাঁহার ঘরে উপবিষ্ট, নাম মাত্র এক একবার আহার করিতে যান। রোগ-যন্ত্রণার মধ্যে প্রমদার মুখশ্রী বিকৃত নয়। এমন সহিষ্ণুতা আর ত কখনও দেখি নাই ; তিনি তাহারই ভিতর হইতে মধ্যে মধ্যে উকীল বাবুর পত্নীকে কত মিষ্ট কথা বলিতেছেন, এবং তাহার মাতাকে মাতৃ-সম্বোধনে আপ্যায়িত করিতেছেন। দাসীগুলির হাত পা আর কাজে উঠে না। বাবুরা সর্বদাই মা-ঠাক্করণকে ঘেরিয়া আছেন, তাহারানিকটে আসিতে পারে না, কিন্তু মধ্যে মধ্যে আসিয়া দ্বারের পার্শ্বে ও জানালার কাছে দাঁড়াইতেছে এবং তাহাদের চক্ষে জলধারা বহিতেছে।

প্রমদার দৃষ্টি যখনই তাহাদের দিকে পড়িতেছে, তখনই ডাকিয়া মিষ্ট বচনে রোঁদন করিতে নিষেধ করিতেছেন। প্রিয় খোদাই কি এখন সুস্থির আছে ? সে যে আহার নিদ্রা ত্যাগ করিয়াছে ; কেবল ঔষধ ও বরফ আনয়ন করিতেছে, ডাক্তার ডাকিতেছে, মাতা ঠাকুরাণীর পথ্যাদির আয়োজন করিয়া দিতেছে। তাঁহার শয়ন ঘরে যাইতে ত আর সাহস হয় না। লীলাবতীর মৃত্যু অবধি খোদাই যে ক্লশ হইতে আরম্ভ হইয়াছে, এখন তাহাকে অর্দ্ধমার বলিলেও হয়। তাহার গলার গিনিগুলি আর গলাতে পরে না ; লীলাবতীকে লইয়া যে খাটে শুইত, আর সে খাটে শরন করে না ; এখন খোদাই ধরাশায়ী হইয়াছে। খোদাই নিকটে আসিতে সাহসী নয় ; কিন্তু প্রমদা যখন একটু নির্জ্বল পান তখনই খোদাইকে ডাকিয়া “আহার করেছ কি না,” “কাল রাত্রে ঘুমায়েছ কি না,” এই সকল প্রশ্ন করেন। খোদাই আর চক্ষে জল রাখিতে পারে না।

জগদীশ্বরের কৃপায় ৬৭ মাস এইরূপ কৰ্মভোগ করিয়া প্রমদা আরোগ্য লাভ করিলেন। কিন্তু এই কয় মাসে প্রবোধচন্দ্র ধনে প্রাণে এক প্রকার মারা হইলেন। তাঁহার রাশি রাশি অর্থ ব্যয় হইয়া গেল ; কাজ কর্মের ঘোরতর বিশৃঙ্খলা হইল ; পসার খারাপ হইয়া গেল। কিন্তু প্রমদা যে রোগ-মুক্ত হইলেন, তাহাই তাঁহার পক্ষে পরম লাভ ; তিনি সকল ক্ষতি বিন্দুমাত্র গণনা করিলেন না।





## সপ্তদশ পরিচ্ছেদ ।

চিকিৎসকেরা প্রমদার বায়ু পরিবর্তনের পরামর্শ দিয়াছেন। প্রমদার ইচ্ছা নয় যে, তাঁহার জন্ম আর অধিক ব্যয় হয়, কিন্তু প্রবোধচন্দ্র শুনিবেন কেন? প্রমদার জন্ম তাঁহার শেষ বস্ত্রখানি পর্য্যন্ত বিক্রয় করিতে হয়, তাহাতেও তিনি কুণ্ঠিত নন। তিনি প্রমদার আপত্তি ও পরামর্শ অগ্রাহ্য করিয়া পশ্চিম-যাত্রার আয়োজন করিতেছেন। ব্যাঙ্কে যে দুই চারি সহস্র টাকার কাগজ অবশিষ্ট ছিল, তাহা ভাঙ্গাইয়া লইয়াছেন; কলিকাতার বাড়ীটা ছাড়িয়াছেন, বাসার বালকগুলিকে স্থানান্তরে থাকিবার বন্দোবস্ত করিয়াছেন, বাসার আসবাবগুলি একজন বন্ধুর বাড়ীতে রাখিবার পরামর্শ করিয়াছেন।

অন্য তাঁহাদের পশ্চিম যাত্রার দিন। দুই দিন হইল, প্রমদার পিতা মাতা আসিয়া তাঁহার সহিত সাক্ষাৎ করিয়া গিয়াছেন। অন্য প্রভাত হইতে যাত্রার আয়োজন হইতেছে; অনেকগুলি জিনিষপত্র ইতিমধ্যেই

রেন্দে প্রেরিত হইয়াছে, অবশিষ্ট জিনিষপত্র বাঁধা হইতেছে। প্রকাশ-  
 . চন্দ্র ও হরিতারণ বাজার করিয়া বেড়াইতেছেন। প্রমদা কয়েকবার  
 পশ্চিম যাত্রার পূর্বে বামার বিবাহ দিয়া যাইবার ইচ্ছা প্রকাশ করিয়া-  
 ছিলেন ; প্রবোধচন্দ্রও তাহাতে সম্মতি প্রকাশ করিয়াছিলেন, কিন্তু বামা  
 তাহাতে নিতান্ত বিরক্তি প্রকাশ করাতে সে প্রস্তাবও আপাততঃ স্থগিত  
 হইয়াছে। আজ বামারও হরিতারণের নিকট বিদায় লইবার দিন।  
 দাসীগুলির নিতান্ত ইচ্ছা ছিল যে সঙ্গে যায়, প্রমদারও তাহাদিগকে  
 ছাড়িতে প্রাণ চায় না, কিন্তু কি করেন তাহাদের অবস্থা যেরূপ হইয়া  
 দাড়াইতেছে, তাহাতে এতগুলি লোক এত ব্যয় করিয়া লইয়া যাওয়া  
 উচিত বোধ হয় না। কেবল খোদাই ও একজন ঝি সঙ্গে যাইবে  
 এইরূপ স্থির হইয়াছে। দুপুর বেলা আহারের পর প্রবোধচন্দ্র একবার  
 কাছারিতে গিয়া যে সকল বন্দোবস্ত বাকী ছিল, তাহা করিয়া আসি-  
 লেন ; পশ্চিমে মাসে মাসে টাকা পাঠাইবার ভার একজন বন্ধুর উপর  
 দিয়া আসিলেন। প্রমদাও আহারান্তে মৎসারের নানা প্রকার দ্রব্য  
 বিতরণ করিতে লাগিলেন। প্রতিবেশিনী উকীল-মাতাকে কয়েকখানি  
 শাদা পাথর দিলেন, কোন দাসীকে শিল থানি, কাকেও ঝাঁতাটা,  
 কাহাকেও কম্বল থানি, এইরূপ অনেক দ্রব্য বিতরণ করিলেন ; এমন  
 কি, চারি পার্শ্বে দরিদ্র পরিবারগণ লেপ বালিশ শীতবস্ত্র প্রভৃতি  
 লাভ করিল।


ক্রমে যাত্রার সময় উপস্থিত হইল। দাস দাসী ও প্রতিবেশি  
 মণ্ডলে বাড়ী পূর্ণ হইয়া গেল। সকলেরই মুখ বিষন্ন ! তাহারা পরস্পরে  
 বলিতেছে, “আজ হ’তে পাড়াটা নিবিয়া গেল।” প্রমদা দাসীদিগকে  
 ডাকিলেন এবং বাক্স খুলিয়া তাহাদের বেতন চুকাইয়া দিলেন। তাহারা  
 হস্ত পাতিয়া সে অর্থ গ্রহণ করিল না ; অঞ্চলে মুখ আবরণ করিয়া রোদিন

করিতে লাগিল। প্রমদা তাহাদের এক এক মাসের বেতন পুরস্কার দিলেন। আজ যাহার নেত্রে জলধারা বহিতেছে না এরূপ লোকই নাই। প্রতিবেশিনী উকীল-পত্নী আজ প্রমদার হাত ধরিয়া কাঁদিয়া আকুল হইতেছেন। প্রমদা অঞ্চলে তাঁহার অশ্রু মুছিয়া দিতেছেন বটে, কিন্তু নিজের অশ্রু সম্বরণ করিতে পারিতেছেন না। বধূটী প্রমদার নিতান্ত অনুগত হইয়াছিলেন; স্বামীর নিকট অথবা স্বশ্রুর নিকট নিগ্রহ সহ করিলে প্রমদারই নিকট আসিয়া কাঁদিতেন; প্রমদা তাঁহাকে মিষ্ট ভাষায় সাহুনা করিতেন; বস্ত্র করিয়া পড়াইতেন; মোজা প্রভৃতি সেলাই করিতে শিখাইতেন; এটি সেটি উপহার দিতেন; এবং প্রতাহ চুল বাঁধিয়া দিতেন। প্রমদা আজ তাঁহার অধীরতা দেখিয়া শোকাবেগ সম্বরণ করিতে পারিতেছেন না, তাঁহার কণ্ঠালিঙ্গন করিয়া “কেঁদ না বোন! আবার আমরা আসবো” বলিয়া সাহুনা করিতেছেন। বধূটির স্বশ্রুর প্রাণেও আজ দারুণ ব্যথা লাগিতেছে। তিনি মুখে “মা তুমি যেখানে থাক সুখে থাক” বলিয়া আশীর্বাদ করিতেছেন বটে, কিন্তু নয়নের জল রাখিতে পারিতেছেন না।

গাড়ী-দ্বারে দাঁড়াইয়াছে; লোক জনের ছুটাছুটি পড়িয়া গিয়াছে; প্রবোধচন্দ্র এক একবার ঘড়ি দেখিতেছেন এবং ত্বরা দিতেছেন; বাস্তব সিদ্ধুক বিছানা গাড়ির পৃষ্ঠে বোঝাই হইতেছে। প্রমদা একে একে হাতে ধরিয়া সকলের নিকট বিদায় হইলেন, দাসীদের মস্তকে হস্ত দিয়া আশীর্বাদ করিলেন, প্রতিবেশী বালক বালিকাদিগের নিকট কাহাকেও বা চুম্বন করিয়া কাহাকেও বা দাড়িতে হাত দিয়া বিদায় লইলেন, গলবস্ত্র হইয়া উকীল মাতার চরণে প্রণত হইলেন, আর একবার তাঁহার পুত্রবধুর কণ্ঠালিঙ্গন করিলেন; পরিচিত লোক যাহাকে দেখিলেন, তাহাকে মিষ্ট ভাষায় সম্ভাষণ করিলেন; ব্রাহ্মণ ঠাকুরকে প্রকাশদিগের বাসায় থাকিতে

অনুরোধ করিলেন এবং সকলের নিকট বিদায় লইয়া গাড়িতে গিয়া প্রবেশ করিলেন । ক্রমে তাঁহাদের গাড়ি চক্ষের অদর্শন হইল এবং শোকের অঙ্কার যেন সে পাড়াতে পড়িয়া রহিল ।





## অষ্টাদশ পরিচ্ছেদ ।

হায়, হায় ! পড়ন্ত রৌদ্র যেমন আর উঠে না, নিবন্ত প্রদীপ যেমন আর পূর্বশোভা ধরে না, শুকন্ত ফল যেমন আর ফুটে না, মানবের কপালও বৃষ্টি একবার ভাঙ্গিলে আর গড়ে না । সংসারে ক্লেশ পাইতে হয়, অসৎ, অধম, ও অধর্মাচারী ব্যক্তিবাই পাউক, যাঁহাদের চরিত্র দেখিয়া হৃদয় মন শ্রদ্ধাতে অবনত হয়, তাঁহাদের ক্লেশ দেখিলে প্রাণে সহ হয় না, তাহাদের চক্ষে জল দেখিলে মনে হয় ঐ অশ্রু আমার চক্ষে আসুক, ঐ ক্লেশভার আমার পৃষ্ঠে পড়ুক, আমি কাঁদি—ইহারা স্মৃথে বাস করুন । কিন্তু বিধাতার কি ছুরবগ্রাহ বিধান, কখনও কখনও অতি ধর্মপরায়ণ ব্যক্তিদিগকেও এ জীবনে অসহ ক্লেশ যাতনা ভোগ করিতে দেখি, তখন তাঁহাদের 'ধর্ম্মানু-রাগের জ্যোতিঃ ম্লান না হইয়া দ্বিগুণ উজ্জ্বলতা ধারণ করে' । আমাদের প্রবোধ ও প্রনদাকে পরিণামে যে এত ক্লেশ পাইতে হইবে, তাহা পূর্বে জানিতাম না ।

তাঁহারা প্রায় এক বৎসর হইল ইটৌয়া নগরে আসিয়া বাস করিতে-



ছেন। প্রমদা এখানেও একটা ক্ষুদ্র রাজ্য বিস্তার করিয়াছেন। খোদাইয়ের সাহায্যে সেই অল্প পরিসর বাটার মধ্যে নানা প্রকার ফুলের গাছ বসাইয়াছেন! তিনি ও বামা স্বহস্তে প্রাতঃসন্ধ্যা তাহাতে জলসেচন করিয়া থাকেন। ভালবাসা বাহার স্বাভাবিক, বনের পশু পক্ষীও তাহার বশীভূত হয়, মানুষ ত হইবেই। চারিপার্শ্বের কাহার প্রভূত নীচ জাতীয় স্ত্রীলোকেরা সকলে তাঁহার নিতান্ত অনুগত হইয়া পড়িয়াছে। তাহারা কোন কিছু ভাল দ্রব্য পাইলেই তাঁহার কাছে আনয়ন করে, কষ্ট পাইলেই তাঁহাকে আসিয়া জানায়, পুত্রকণ্ঠার পীড়া হইলে তাঁহাকে আসিয়া পরামর্শ জিজ্ঞাসা করে, স্বামী প্রভৃতির হস্তে নিগ্রহ সহ করিলে তাঁহার নিকট আসিয়া রোদন করে। তিনি তাহাদিগকে মিষ্ট কথা বলেন, বিপদে যথাসাধ্য সাহায্য করেন, সংপরামর্শ দিয়া কুপথ হইতে নিবৃত্ত করেন, বিবাদ হইলে বিবাদ ভাঙ্গিয়া দেন। তাহাদের পীড়াদি হইলে তাহাদের কুঁড়ে ঘরে শুশ্রূষা করিতে যান, এবং তাহাদের পুত্রকণ্ঠাগুলিকেও ক্রোড়ে করিয়া দাড়িতে হাত দিয়া আদর করিয়া থাকেন।

প্রবোধচন্দ্র ইটোয়াতে আসিয়া সমুদয় বাঙ্গালি ও হিন্দুস্থানী ভদ্রলোকের সহিত আলাপ করিয়াছেন। অনেকের সহিত তাঁহার আত্মীয়তাও জন্মিয়াছে। তিনি তাঁহাদের সকল অবস্থায় পরামর্শদাতা তাহারাও সর্বদা প্রমদার স্বাস্থ্যের বিষয় অনুসন্ধান করিয়া থাকেন। প্রবোধচন্দ্র ছয় সাত মাস হইল বসিয়া আছেন, একটা পয়সাও উপার্জন নাই, ব্যয় বিলক্ষণ আছে, এই বা একটু ভাবনা নতুবা দিন দিন প্রমদার স্বাস্থ্যের উন্নতি দেখিয়া মনে মনে আনন্দিত হইতেছেন।

যে বামা কলিকাতায় থাকিতে চারি পাঁচ বৎসর পাকশালার দিকে যায় নাই, কেবল শিল্প সঙ্গীতাদি শিক্ষা ও পুস্তকাদি লইয়া থাকিত,


সেই বামা আনন্দচিত্তে দাদা ও বৌদিদীর পাচিকার কার্যে ব্রতা হই-  
 যাচ্ছে। বামা নিত্য নিত্য রন্ধন করে, তাহাতে প্রমদার প্রাণে কিছু ক্লেশ  
 হয়, তিনি এক এক দিন প্রাতে উঠিয়া পাকশালার দিকে অগ্রসর হন,  
 কিন্তু বামা তাঁহাকে উনানের ত্রিসীমার মধ্যে যাইতে দেয় না।  
 প্রমদা কি করেন, তরকারী কুটিয়া, রন্ধনের যোগাড় করিয়া দিয়া এবং  
 পাকশালার দ্বারে বাসয়া গল্প গাচা করিয়া মনের ক্ষোভ নিবারণ  
 করেন।


তাঁহাদের দিন এইরূপে এক প্রকার মন্দ যাইতেছিল না। কিন্তু  
 এ সুখও তাহাদের সহিল না। এই বৎসর শীতের প্রারম্ভ হইতেই  
 প্রবোধচন্দ্রের গলা ভাঙ্গিয়া গিয়া এক প্রকার কাশি জন্মিল। সে কাশি  
 আর যায় না। প্রথম প্রথম তত গ্রাহ করেন নাই, অমনি দুই একটা  
 ঔষধ খাইলেন। তাহাতে সম্পূর্ণ উপশম হইল না। ক্রমে বৃক্কে  
 বেদনা অনুভব করিতে লাগিলেন এবং মনে কিঞ্চিৎ আশঙ্কার কারণ  
 উপস্থিত হইল। একজন সুযোগ্য ডাক্তারের দ্বারা পরীক্ষা করাইয়া  
 জানিতে পারিলেন যে, যক্ষ্মার সূত্রপাত। কি করেন, হঠাৎ প্রমদাকে  
 বলিতে স্বাহস হইল না, অথচ না বলিলেও নয়। অনেক দিন ইতস্ততঃ  
 করিয়া অবশেষে যখন ভিতরে অল্প অল্প জ্বর অনুভব করিতে লাগিলেন,  
 তখন আর প্রমদার নিকট গোপন রাখা যুক্তিসঙ্গত মনে করিলেন না।  
 ইহা অপেক্ষা প্রমদার মস্তকে যদি বজ্রাঘাত হইত, বোধ হয় তাঁহার এত  
 ক্লেশ হইত না। কিন্তু তিনি প্রকৃত মনঃস্বিনী রমণীর গায় স্বামীর  
 চিকিৎসার ব্যবস্থায় জন্ত বন্ধপ কৈর হইলেন। ডাক্তার মহাশয়েরা সে  
 স্থান পরিত্যাগ করিয়া মুঙ্গেরে গিয়া বাস করিতে আদেশ করিলেন।  
 তদনুসারে প্রমদা মুঙ্গের যাত্রার আয়োজন করিতে লাগিলেন। এখন  
 খোদাই তাঁহার একমাত্র সহায়। প্রবোধচন্দ্র দিন দিন কৃশ ও দুর্বল

হইয়া পড়িতেছেন, প্রমদা তাঁহাকে আর প্রায় কোন পরামর্শ জিজ্ঞাসা করিয়া চািন্তিত করেন না। নিজে খোদাইয়ের সাহায্যে ও পত্রাদি দ্বারা মুঙ্গের গমনের বন্দোবস্ত করিতে লাগিলেন। ক্রমে মুঙ্গেরের বাড়ী দেখা হইল, প্রমদা ইটোয়ার জিনিষ পত্র কতক বিক্রয় করিলেন, কতক বিতরণ করিলেন এবং মুঙ্গেরে আসিয়া বাস করিতে লাগিলেন।

মুঙ্গেরে আসায় কয়েক মাস প্রবোধচন্দ্রের একটু উন্নতির লক্ষণ দেখা গেল, কিন্তু তাহা অধিক দিন থাকিল না। তাঁহার শরীরের অবস্থা দিন দিন মন্দ হইয়া পড়িতে লাগিল; ক্ষুধার হ্রাস হইল ও শরীরের বল অত্যন্ত কমিয়া গেল। প্রমদা ভাল ভাল ডাক্তার ডাকিয়া তাঁহার চিকিৎসা করাইতে লাগিলেন। এ দিকে অর্থশূন্য সমুদায় নিঃশেষ হইয়া কৰ্জ হইতে আরম্ভ হইয়াছে। প্রমদা হরিতারণ বাবুকে, দেবরদিগকে ও আপনার পিতা ও ভ্রাতাকে বার বার পত্র লিখিতেছেন। দৈবের কি দুর্ঘটনা! এই সময়ে প্রমদার পিতারও কৰ্ম্মটা গিয়াছে, তিনি একবার ৫০টী টাকা পাঠাইয়া নিরস্ত হইলেন। প্রকাশচন্দ্র ও হরিতারণ দুই এক বৎসর হইল কালেজ হইতে বাহির হইয়া কলিকাতায় একখানি ঔষধের দোকান করিয়াছেন, তাঁহাদের আয়ও নিতান্ত অল্প, তাঁহারা যথাসাধ্য মধ্যো মধ্যো কিছু কিছু পাঠাইতেছেন। কিন্তু তাহাতে কি হইবে? আশ্চর্য্য এই, কলিকাতায় প্রবোধচন্দ্রের অনেক বন্ধু ছিলেন, তাঁহারা সকলেই প্রবোধচন্দ্রের একরূপ পীড়ার কথা শুনিয়া হস্ত গুটাইয়াছেন। হরিতারণ তাঁহাদের অনেকের বাড়ীতে 'হাঁটাইটা' করিতেছেন, কিন্তু কেহ সহজে কিছু দিতে চাহিতেছেন না। ওদিকে প্রমদা এক একখানি করিয়া গহনা গোপনে খোদায়ের হস্তে বিক্রয় করিতেছেন। প্রবোধচন্দ্র জিজ্ঞাসা করিলে কিছু বলেন না, কেবল বলেন "যে রূপে হউক আমি চালাইতেছি, তুমি ঈশ্বর কৃপায় সারিয়া উঠিলে

বলিব ।” পতিব্রতা সতী এইরূপে একাকিনী সমুদয় বিপদের ভার নিজের মস্তকে বহন করিতেছেন, তাঁহার ভবিষ্যৎ আকাশ যতই মেঘাবৃত হইয়া আসিতেছে, ততই তাঁহার প্রাণ চিন্তায় আকুল হইতেছে । কিন্তু পীড়িত পতিকে সে চিন্তা জানিতে দিতেছেন না । যদি অশ্রুপাত কারতে হয় নিৰ্জ্জনে অশ্রুপাত করেন, যদি বাম করতলে মুখ রাখিয়া ভাবনায় নিমগ্ন হইতে হয়, নিৰ্জ্জনে হইয়া থাকেন । প্রবোধচন্দ্র তাঁহার প্রসন্ন মুখই সৰ্ব্বদা দেখিতে পান । তবে প্রমদা দিন দিন মলিন ও ক্লেশ হইয়া যাইতেছেন বলিয়া মধ্যো মধ্যো দুঃখ করিয়া থাকেন ।





## উনবিংশ পরিচ্ছেদ ।

নিতান্ত দুঃখের কথাগুলো শীঘ্রই বলিয়া ফেলা ভাল । মিষ্ট দ্রব্যই লোকে  
রহিয়া বসিয়া খায়, তিক্ত দ্রব্য একেবারে গিলিয়া ফেলে । পাঠিকা  
বুঝিতে পারিয়াছেন যে, আমাদের প্রমদার সুখের রবি অস্তাচলের অভি-  
মুখে চলিয়াছে ; বেলা অবসান প্রায় । কালরাত্রি যদি আসিবেই তবে  
আর বিলম্ব নয় না, শীঘ্র আসুক ।

মুঙ্গেরে প্রমদার দুর্দশার সীমা পরিসীমা নাই । টাকা কড়ি আর  
এক কপর্দক নাই । এখন গোপনে অলঙ্কার পত্র বিক্রয় করিয়া চলি-  
তেছে । প্রমদা নিজের মস্তকে এই সমুদায় অসহ ক্রেশ বহন করিয়া  
প্রিয়পতিকে রক্ষা করিতেছেন । খোদাই একমাত্র মন্ত্রী । বামা  
ছেলে মানুষ, তাহাকে এ সকল বলিয়া ক্রেশ দেওয়া নিরর্থক বোধে  
তাহাকেও কিছু বলেন না ! খোদাই তিন চারি মাস হইল নিজের  
বেতন প্রার্থনা পরিত্যাগ করিয়াছে ; কেবল তাহা নয়, মধ্যে মধ্যে টাকা  
কড়ির অভাবে যদি কোন প্রয়োজনীয় পদার্থ যুটিতেছে না দেখিতে

পায়, অমনি তাহাও আনিয়া দেয়। প্রমদা জিজ্ঞাসা করিলে বলে  
 “আমি একস্থান হইতে যোগাড় করিতেছি, পরে আপনাকে বলিব।”  
 প্রমদা অনুসন্ধান জানিতে পারিলেন যে, তিনি খোদাইকে যে গিনির  
 মালা ছড়াটা পুরস্কার দিয়াছিলেন, খোদাই তাহার এক একটী গোপনে  
 বিক্রয় করিতেছে। প্রমদা এই সংবাদ শুনিয়া অশ্রুপাত করিলেন,  
 খোদাইকে আর কিছু বলিলেন না।

মুঙ্গেরে আসিয়া একজন মিশনারী সাহেবের মেমের সহিত প্রমদা  
 ও বামার আলাপ হয়। তিনি প্রমদা ও বামার গুণে আকৃষ্ট হইয়া  
 সর্বদা তাঁহাদের সহিত সাক্ষাৎ করিতে আসিতেন। মেমটা বড় ভদ্র  
 লোক, প্রমদা তাঁহাকে কষ্টের কথা কিছু জানাইতেন না, কিন্তু তিনি  
 অনুমানে সমুদয় বুঝিতে পারিয়া তাঁহাদিগের সাহায্যের জন্ত স্বামীর  
 সহিত পরামর্শ করিতে আরম্ভ করিলেন। প্রথমে উপঢৌকনের ছলে  
 এটা ওটা প্রেরণ করিতে আরম্ভ করিলেন। কিন্তু তাঁহারাও গরিব,  
 এক্রপে কত কাল সাহায্য করিবেন, অবশেষে দুই স্ত্রী পুরুষে পরামর্শ  
 করিয়া বামার জন্ত একটা কর্ম্ম জুটাইলেন। কার্যটা এই, দিনের বেলা  
 দুই তিন ঘণ্টা করিয়া মিশনারি সাহেবদিগের একটা বালিকা বিদ্যা-  
 লয়ে গিয়া পড়াইতে হইবে, এবং গান বাজনা শিখাইতে হইবে।  
 বেতন ৪০ টাকা। বামা হিন্দুকুলকন্ঠা, কখনও এমন কাজ করে  
 নাই, সহজে কি প্রবৃত্তি হয়? কিন্তু দুই ননদে ভেজে পরামর্শ করিয়া  
 অনন্যোপায় হইয়া পরের দ্বারে ভিক্ষাবৃত্তি অপেক্ষা এই কার্য্য অবলম্বন  
 করা শ্রেয়ঃ বলিয়া স্থির করিলেন। প্রবোধচন্দ্রের নিকট এই প্রস্তাব  
 উপস্থিত করাতে তিনি কেবল মৌনী হইয়া চক্ষু মুদ্রিত করিলেন; এবং  
 দুই বিন্দু অশ্রু তাঁহার গণ্ডস্থল দিয়া গড়াইয়া পড়িল। তিনি যে বামাকে  
 এত যত্নে মানুষ করিতেন, যাহাকে সুখের সময় একদিন পাকশালার

দিকে যাইতে দিতেন না, সেই বামা অণু তাঁহার জন্ম অর্থোপার্জন করিতে চলিল, এ কি তাঁহার প্রাণে সয়? কিন্তু অনন্তোপায় হইয়া তিনিও মৌনাবলম্বন করিলেন, এবং অশ্রুপাত দ্বারা মনের ক্ষোভ প্রকাশ করিলেন।

বামার কি গুরুতর পরিশ্রম আরম্ভ হইল। সে প্রাতে উঠিয়া সংসারের কাজ করে; রন্ধনশালায় গিয়া দাদার পথ্য পাক করে, আহ্নারান্তে তিন ঘণ্টার জন্ম স্কুলে যায়, বৈকালে আসিয়া আবার পাককার্যে নিযুক্ত হয়, এবং ইহার পর রাত্রে প্রায় জাগিতে হয়। প্রমদা দিবারাত্র প্রবোধচন্দ্রের পার্শ্বে আছেন। কখন কখন বামা আসিয়া বসে, তিনি গিয়া রন্ধনাদি করেন। হায় হায়! কপালটা একেবারই যেন ভাঙ্গিল। কিছু দিন এইরূপ যাইতে না যাইতে বামার কাশের লক্ষণ প্রকাশ পাইল। তুই, এক দিন তাহার মুখ দিয়া রক্ত উঠিল; জ্বরের প্রকোপও ক্রমে প্রকাশ পাইল। আর বামা শয্যা হইতে উঠিতে পারে না। প্রিয় পাঠিকা, একবার প্রমদার অবস্থাটা মনে কর। হা প্রমদা! চাকরশালে! বিধাতা তোমার সহ-শক্তিকে এ ব্যত্ন বড় পরীক্ষা করিলেন। বামা যখন বাণবিদ্ধ মৃগীর ন্যায় ধরাশায়িনী হইল, এবং দাদার পার্শ্বে নিজের মৃত্যুশয্যা পাতিল, তখন প্রমদা চারিদিক্ অন্ধকার দেখিতে লাগিলেন। তখন আর বিদেশে থাকা অসম্ভব বোধে অবশিষ্ট অলঙ্কারগুলি বিক্রয় করিয়া মুমূর্ষু পতি ও প্রাণের প্রিয় বামাকে লইয়া দেশে যাত্রা করা স্থির করিলেন। ও দিকে খোদাই অনবস্থবিহীন হইয়া পড়িয়াছে, তাহার হস্তে আর অর্থ নাই। তথাপি সে কষ্ট সে স্বামিনীকে জানায় নাই। বামা শয্যাশায়িনী হওয়া অবধি খোদাই প্রমদার একমাত্র সহায় ও মন্ত্রী হইয়াছে। একদিন প্রমদা খোদাইকে সম্বোধন করিয়া বলিলেন, "খোদাই! তুমি আমার বাবা! তুমি আমার বাপের অধিক কাজ


করিলে ; আমার এইবার সর্বনাশ উপস্থিত, আমাকে দেশে লইয়া চল এই অলঙ্কারখানি লও, বিক্রয় করিয়া আন ।” খোদাই অলঙ্কার লইয়া কাঁদিতে লাগিল ।

অলঙ্কার বিক্রয় হইতেছে, জিনিষ পত্র বাঁধা হইতেছে, এমন সময় হরিতারণ ও প্রকাশচন্দ্র আসিয়া উপস্থিত হইলেন । তাঁহাদিগকে দেখিবামাত্র প্রমদা যেন মৃত শরীরে প্রাণ পাইলেন । তাঁহারা বাহিরে আসিয়া ‘দাদা কেমন আছেন’ জিজ্ঞাসা করিবামাত্র, প্রমদা এতদিন একাকিনী যে সকল ক্লেশ সহ করিতেছিলেন, তাহা স্মরণ হইল । তাঁহার নেত্রদ্বয় হইতে ঝর ঝর ধারে অশ্রুবারি বিগলিত হইতে লাগিল । তিনি কথা কহিতে পারিলেন না ; নয়ন মুছিতে মুছিতে তাঁহাদিগকে গৃহের মধ্যে লইয়া গেলেন । তাঁহারা গৃহের মধ্যে, গিয়া কি দৃশ্য দেখিলেন ! দেখিলেন, একখানি খাটে প্রবোধচন্দ্র শয়ান, সে মূর্তি আর নাই, দেখিলে চিনিতে পারা যায় না, নয়ন মুদ্রিত করিয়া বিষণ্ণবদনে পড়িয়া আছেন ; পার্শ্বে ঔষধ ও পথ্যাদি প্রস্তুত আছে ; অপর গৃহে বামা । সে কি বামা ? প্রমদা বলিতেছেন, বামাকে তড়িৎ আর চিনিবার উপায় নাই । সেই সুগোল, সুন্দর সুঠাম কমণীয় কাপ্তি বিলীনপ্রায়, সেই নবযৌবন-প্রফুল্লিত মুখ শুষ্ক ও বিশীর্ণ ; কথা কহিবার শক্তি নাই ; দিবারাত্রি অস্থিভেদী মজ্জাগত জ্বর । দেখিয়া উভয়ে একেবারে বসিয়া পড়িলেন ; বিশেষ হরিতারণের মর্ষ স্থান যেন কেহ শাণিত ক্ষুর দ্বারা ছিন্ন ভিন্ন করিতে লাগিল । তাঁহাকে দেখিবামাত্র বামার মৃতদেহ একবার বিহ্ব্যতের গ্রায় চেতনার ক্ষুরণ হইল ; চক্ষু মেগিয়া একবার সতৃষ্ণ নয়নে তাহার মুখের দিকে চাহিয়া রহিল ; সেই চক্ষুই স্বাগত প্রশ্ন করিতে লাগিল । হরিতারণ অনেকক্ষণ এক ভাবে থাকিয়া বাহিরে গিয়া কাঁদিতে লাগিলেন ।



ক্রমে যাত্রার আয়োজন হইল, এবং সন্ধ্যা না হইতে সকলে পীড়িত  
ভািতা ভগ্নীকে লইয়া যাত্রা করিলেন ।





## বিংশ পরিচ্ছেদ ।

সুজন পাঠিকা, আরও কি শুনিবার ইচ্ছা আছে? বামা ও প্রবেশের মৃত্যুশয্যার পাশে কি যাইবার ইচ্ছা আছে? তবে রোদন করিবেন না, আর একটু শুনুন; তাহা হইলেই আমার কথা সঙ্গ হয়। হরিতারণ এবং প্রকাশ তাঁহাদিগকে লইয়া একেবারে হরিতারণের কলিকাতার বাসায় আনিয়া তুলিলেন। দেশ হইতে হরিশচন্দ্র, পরেশ প্রভৃতি সপরিবারে আসিলেন। প্রকাশ নিজে ডাক্তার, সুতরাং সহরের বড় বড় ডাক্তারের সহিত তাঁহার আলাপ পরিচয় আছে; তাঁহাদের চিকিৎসার আর ক্রটি রহিল না; কিন্তু মৃত্যু যাহার সন্নিকট, চিকিৎসায় তাঁহার কি করিবে? বামার পীড়া দেখিতে দেখিতে বৃদ্ধি পাইল; তাহার জীবনের দিন ফুরাইয়া আসিতে লাগিল। দেহকান্তি ক্রমেই বিলীন হইয়া আসিতে লাগিল। সে এতদিন পাছে দাদার ক্রেশ বাড়ে এই ভয়ে দারুণ রোগযন্ত্রণা সহ্য করিয়া মুখ মুদ্রিত করিয়া থাকিত। কিন্তু অল্প মৃত্যুর দিন, অল্প রজনীতে বামার যাতনার সীমা

শরিসীমা নাই, কি যাতনা, কোথায় যাতনা বলিয়া বুঝাইতে পারে না ।  
 রাত্রি এক প্রহর না হইতে যাতনা বাড়িতে আরম্ভ করিল, প্রমদা  
 প্রভৃতি অনেকে প্রবোধচন্দ্রের ঘরে বসিয়া আছেন । হরিশচন্দ্র, প্রকাশও  
 হরিতারণ প্রভৃতি বামার ঘরে, তাহাকে দণ্ডে দণ্ডে ঔষধ দিতেছেন ।  
 ঔষধ দিয়া আর কি হইবে ? নিশীথকাল অতীত হইতে না হইতে যাত-  
 নার বেগ কমিয়া আসিতে লাগিল । বামার চঞ্চলতা অচঞ্চলভাব ধারণ  
 করিল । ক্রমে যখন কালরাত্রি অবসানপ্রায়, যখন প্রভাত সমীরণ  
 রজনীর দীর্ঘ নিশ্বাসের গায় ঘরে গবাক্ষে বহমান, যখন সুপ্তোখিত  
 বিহঙ্গকুল নিজ নিজ স্বরে পরস্পরকে সম্ভাষণ-তৎপর, যখন সহরের  
 প্রহরিগণ সমস্ত রাত্রিজাগরণের পর অন্ধজাগ্রত অন্ধনিদ্রিত ভাবে  
 গৃহাভিমুখে প্রতিনিবৃত্ত, যখন রাজপথে ছুই একখানি গাড়ির শব্দ শ্রুত  
 হইতেছে, যখন গৃহস্থের ঘরে সুপ্তোখিত পরিজনের আলাপ ও শোক-  
 গ্রস্ত গৃহে আত্মীয় জনের রোদনধ্বনি উখিত হইতেছে, তখন প্রাণবায়ু  
 বামার কমনীর দেহ-যষ্টিকে ধূলিসাৎ রাখিয়া পলায়ন করিল । প্রমদা  
 মৃত্যুর কিছু পূর্বে হইতে আসিয়া বামার শয্যার পার্শ্বে বসিয়া কাঁদিতেছিলেন ।  
 যে বামাকে ৫ বৎসর বয়স হইতে সঙ্গে রাখিয়া মানুষ করিয়াছিলেন,  
 যাহাকে ভগিনীর অধিক মেহের সহিত এতদিন প্রতিপালন করিতে-  
 ছিলেন, যাহার শিক্ষার জন্ত এত ব্যয় করিতেছিলেন, যাহাকে সুখী করি-  
 বার জন্ত সর্বদা কত ব্যস্ত থাকিতেন, যাহাকে সুপাত্রগত করিবার আশায়  
 এত বিপদের মধ্যেও তাহার অলঙ্কারগুলি স্বতন্ত্র রাখিয়াছিলেন, সেই বামা  
 আজ তাঁহার চক্ষের সমক্ষে অন্তর্হিত হইল ।

বামার প্রাণের প্রদীপ নিবিল ; হরিতারণও একেবারে শোকেউন্মত্ত-  
 প্রায় হইয়া উঠিলেন, প্রকাশ তাঁহাকে বলপূর্বক ধরিয়া আর একটা ঘরে  
 লইয়া গেলেন এবং অনেক প্রকার সাহসনা করিতে লাগিলেন । শ্যামা

“বামা রে জন্মের মত কি ফেলে গেলি রে” বলিয়া চিৎকার করিতে লাগিল ; বধুগণের এবং বালক বালিকার কোলাহলে গৃহ বিদীর্ণ হইতে লাগিল ।

প্রবোধচন্দ্র মৃত্যুর সময় বামাকে দেখেন নাই, কিন্তু এই আঘাত তাঁহার প্রাণে একরূপ বাজিল যে, তিনি আর সামলাইতে পারিলেন না । বামা যে তাঁহার জন্ম মরিল, তাহা তিনি বিলক্ষণ বুঝিতে পারিলেন । যখন প্রমদা কাঁদিতে কাঁদিতে তাঁহার নিকট গেলেন, তখন তিনি একটা নিশ্বাস ফেলিয়া ধীরভাবে বলিলেন, “বামা এ জগতে আমার সেবা করিয়া, আমার যাবার উপক্রম দেখিয়া, তাড়াতাড়ি দাদার জন্ম ঘর প্রস্তুত করিতে গেল !” এই কথাটা বলিতে দুই বিন্দু জল তাঁহার চক্ষু দিয়া গড়াইয়া পড়িল । প্রমদা এত শোকেও কখনও ডাক ছাড়িয়া কাঁদেন নাই, কিন্তু এই কথা শুনিয়া একেবারে উচ্চৈঃস্বরে কাঁদিয়া উঠিলেন । প্রবোধ কুস্তুর সঙ্কেত দ্বারা স্থির হইতে আদেশ করিলেন । প্রমদা ক্রন্দন সম্বরণ করিলেন । ইহারপর আর বলিতে ইচ্ছা হইতেছে না । প্রমদা হাতের চুড়ি কয়গাছি খুলিয়া, থান পরিধান করিয়া ভিখারিণী বেশে পিত্রালয়ে যাইতেছেন, সে দৃশ্য আর দেখাইবার ইচ্ছা হইতেছে না । অতএব এই স্থানেই সমাপ্ত ।







